

UTL AT DOWNSVIEW




D RANGE BAY SHLF POS ITEM C
39 10 10 06 05 001 8

DR
541
M4M3
1872

Mahmūd Celāleddin Pāṣā
• Ravʿat el-kāmilin

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY



Digitized by the Internet Archive
in 2010 with funding from
University of Toronto

[illegible][illegible]

تسبیح و جود نادر المومخودی جامع صنوف کلاک
و معارف و طبع دلش بند فی مابندی منبع حیات
و فضائل و عوارف اولای افلاک و کلامی ساطعت
سینه دین دولت و سامی پادشاه حضرت ملک تیرتیر



Mahmūd Celāleddīn, Rāṣa
Kawz al-Kāmilīn

محمود خلایقین

اپر

سچ سچیتانہ

سید کاظم

چونکه استکشاف مشکلات شفیقنامه ملایم یارای
هر خامه دکلدر کتاب مذکور تلمیحات وقوعات
دهور وایهامات شورشهای فجیعة الظهور ایله بر
دقیقه طلسم انتمای مستورددر وهر سحر آفرین
صاحب قلم ککشایش کنوز مطلم امرنده ملهم
اولمدیغی حقایقشناسان سرائر مبهم نزدنده روشنایی
نمای علم و شعورددر بو حالده (ولولا شذاها
ما اهتدیت لمانها) قضیه مسلمة سینه مبنی رهنورد
ریاض اجتهاد و آرزومند فایحه مراد اولنلر ورزش
فن سحر بیان وازمایش عواصف اوضاع زمان ایله
اکمال آرایش حال و شان و ارتقای مدارج علم
و عرفان ایتمش بر پیر مصفا ضمیر کمالک نفحات نسیم
همیشه مراجعت و نفحات انفاس هدایتنه موافقتله
اجتناء کل وریحان معارف ایدرک ناشر آثار ازها
بهار اولور ومع هذا (وله ارج محیی ابدأ) مزیت
جان پرورینی بولور اشته بوتمهید نکته بخش
مصادقه برهان شو شرح عطر افشان حسن

بیاندر که من کل الوجوه تحسین و آفرینه شایان بر
دستنبوی حیات افزای دل و جاندر

آفرین طبعنه محمود محاسن سیرک
ایتدی آراسته انواع کهرله اثرک
آچدی بر معقل دشوار معارف بندی
آفرین طبعنه محمود محاسن سیرک
عبدالرحمن

سامی

— ❧ روضة الكاملين ❧ —

شرح شفيق نامه

اثر

« مجوذ جلال الدين »

تكرار طبع و نشرى حقوقى شارحنه عا ددر .


سنة

١٢٨٩

﴿ ترجمه حال شفیق افندی ﴾

استانبولده زیور مهد وجود اولوب نقد وقتنی
تحصیل علوم آلیه وعالیه خرج و صرف ایله ذیوان
همایون قلمی خلخالغنه داخل و فن کتابت و انشاء
ممتاز الاماثل اولدیغندن مصرف زاده محمد شفیق
افندی نامیله کسب اشتهار و بعض وزیرای عظامک
خدمت کتابت لرینه سلوک ایله استکمال سرمایه
تعیشیه ابتدار ایدرک بیک یوز اون تار یخنده منعقد
اولان قاراو یچه مصالحه سندن مجلس مکالمه نک
ضبط مذاکره سنه مأمور و مؤخر محشر شعرا و ظرفا
و مجمع ادبا و عرفا اولان شهید علی پاشا دائرة سنه
انتساب ایله مسرور اولمش و مشار الیهک صدارتنده
همت کرماته و دلالت بنده پرورانه سیله اول
وقعه نویسلک مأموریت مهمه سنه و بعد کوچک
اوقاف محاسبه جیلکنه نائلیته اكمال اسباب فیض ورفاه
ایلمش ایکن بیک یوز یکر می یدی تار یخنده مرغ حیاتی

طائر گلشنسرای جنان اولدی شعر و انشاده مخترع
اصول عذیم المثال و دقایق علوم ادبیده حائز سرمایه
کمال بر ذات بی همال اولوب درجه فضل و عرفانی
اشبو شفیق نامه نک صورت ترتیب و تألیفندن ظاهر
و عیان اولور .





﴿ بسم الله الرحمن الرحيم ﴾

بر مقتضای تقدیر ممتنع التّغییر بوساھرہ غبرادہ
روز بروز سرزدهٔ ساحهٔ بروز اولان حوادث و وقایع
عواقب و نتایج تحصیل علم اعتبارہ الت اولدیغندن
ھر عصرہ کورہ وقایع ماضیہ نک ماہیت و حقیقتی
کشف و تعمیقہ صرف یارای اقتدار ایلہ کتابخانہ
کائناتہ تغلیب اوراق رسائل مسائل ایدن ارباب
البابک امور کلیہ مدنیہ ده تجربهٔ صحیحہ ده دسترس
اولوب سفینهٔ افکار و آرا لرینی بر ساحل مشروع
و معقوله تسیر ایللری ضمننده ادبای اسلاف
عثمانیہ نیچه تحفهٔ نادره ترتیب و تهیئهٔ سنهٔ همت
ایلمش لر در از جمله بیک یوز اوز بئش سنهٔ هجریهٔ سنهٔ

شراره پاش ظهور اولوب خلع سلطان مصطفی
 خان ثانی بی انتاج ایدن (فیض الله افندی
 وقعه سنک) صورت تحدث و جریانده دأر
 متخیزان وقایع نویسان دولت علیه دن محمد شفیق
 افندی مرحوم بر تاریخ مختصر ترتیب و تألیف
 ایدوب شفیق نامه نامیله کسب اشتها رایتشدر .
 فی الحقیقه اول اثریهمتا غرایس معیات وانغاز رنگین ادا
 ایله آراسته برکاشانه خرد فرسا وقواعد ترکیب
 و ترتیبده موجود اولان حسن انسجام و ابواب
 الفاظ و عباراتنده مشهود اولان زینت و انتظام
 حسیله حیرت بخش عقول ارباب فن انشادر .
 چونکه مومی الیه شفیق افندی وقعه نویسلکه
 .أموریتی اوزرینه حادثه محوٹ عنهای حای
 تنظیم ایتمش اولدیغی تاریخ رسمیده منابع سیلاب
 مفسدت اولان بعض احوال و افعالی ایضاح
 و اقصاجدن احکام زمانیه مقتضاستجه کف خامه
 حکمت ادا ومؤخرأ صدرا سبق شهید علی پاشانک

ترغیب و تشویق بقیله شفیق نامه بی قلمه الوب تهیج
 عروق فتنه کاری ارباب فساد دلات ایدن حالات
 عبرت ایاتی نکات و رموز سحر اثار ایله بیان وایما
 ایدرک دیده نابینای ظواهر پرستان روزگاردن
 دقایق مسئله بی برمر تبه ستر و اخفا ایتش در که
 اجبال بلاغت اشتمالندن استکنانه معنویات مقصد
 و مرامه طریق سهولت مفقود و بلکه تبعات ایله
 اول نخلستان معرفتدن اجتنای ثمرات حقایقه
 قدرتیاب اوله میانلر ایچون باب استفاده مسدود در
 دینلسه تعریف قاعده تالیف و تنظیمه اوفوق
 کورینور - بناء علیه اویله بر اثر بهترک دراری
 نادره فجای و جواهر ناذیه ادای معانیسنک
 محفظه ایهام و رموزده مقبول و مخفی قالمسی منتسبان
 طریق انشا و مدققان وقایع نامه عالم فنیایه عائد
 اوله حق فوآمدک انتشارینه مانع اولدیغندن بیک
 یوزیکرمی ایکی تارینخنده محمد افندی نام ذات بر حاشیه
 نفیسه تخریر یله اول مخدره دلارامک زینت بخش

صحایف عذارى اولان دنایه ضروب امثالک
 مضرب وموردلرینی کشف وحل وکتب ادیبه دن
 مطایباته دائر و سائر نوادر نقل ایلمش ایسه ده انلرک
 مفهوم ومدلولندن کیفیت واقعه استخراج
 واستنباط اولنه مدیغی جهته عقوق متون رساله نك
 انجلاننده اولان صعوبت ومشکلات مندفع وزائل
 ومقصود سالف البیان مرکز حصوله واصل
 اوله مدیغندن مؤلفک نقش یراعه براعه سی اولان
 رموز ونکات دقیقه دن تصویر ماهیت مسئله
 ایده جک واوحییتله شفیق نامه نك مسلم ارباب
 عرفان اولان قیمت انشائیه سنی اعلا وتقدیرایتدیره جک
 بر شرحک تنظیمی خیلی زماندر آرزو داشته
 عبد ضعیف الاقتدار واسیله برابر او مثلواقوای
 منشأ نك حل الفاظ وعباراتی جتنده تهنیز خامه عجز
 انما (این الثریا من ید المتناول) مألنه موافق برمعنا
 اولدیغندن ماعدا مؤلفک تعبیرات نادیده وتامیحات
 وایهامات ناسنیده ایله افعال واسامی سنی ذکر و بیان

ایلمدیکی ذوات و کسان که میاه اختلاله ارائه مجرای
امکان ایلمش لر ایدی انلرک تراجم احوالی ضبط
و تحقیقه و تواریخ موجوده نل روایات مختلفه سنی
منصفانه تألیف و تطبیقه تصادف اولان موانع
و غوائل اجرای امل و آرزویه حائل اولمش ایکن
اشبویک ایکی بوز سکسان سکر سند سنده جلوه کر
آینه قدر اولان حال عزت و فراغک تتبع آثار ادبیه
اسلافه مساعد طبعیه سی استحصالی نتایج مرام
و مراده سهولت بخش اوله رق سمند شکسته پای
قلم ثمره استکناه ایله میدان آرزوده مماثل رهوار
چاک قدم و وجود مکارم نمودی درسخانه ادب
و عرفانه برکتاب کامل اولان ذات ولی الالای
معالی همتک تشویقات جلیله و تعریفات جلیله
معارف پروریلری دخی خواهش و اقدامه منضم
اولغین بوجریده فریده نل انسنه منشیان و تواریخ
اشنایانده (روضة الکاملین) اسمیله بنام اولق
اوزره ترتیب و تنظیمه ابتدار قلندی (رب ادخلنی

مدخل صدق واخرجنی مخرج صدق واجعل لی لسان
صدق فی آخرین)

دقیقه سنجان تواریخ واثار ومنتبعان وقایع اعصاره
خفی دکلدر که مرآت حوادث کونیه ده نوبه و مشهود
اولان اشکال احوالک جمله سی بر اصل و منشأ و بر اساس
و مبدأ دن منعکس اولدیغندن احکام مقدرات ازلیه
الهیه دنک افعال و حرکاته درجه تأثیرینی و پرکار
قدرت پروردگارینک خریطه ایامده صورت
تدویرینی مرتبه و سع بشره کوره تدقیق و مشاهده
وافعال و اخلاقک تصحیح و تهذیبنده تجربه زمانیه دن
استفاده ایده بملک ایچون واقعات و حادثاتک اصل
و مبدأ زینه عطف نظر امعان اولغنسنگ اولی اننهایه
لزوم و وجوبی مسلم و بنابرین طبقه بیانه وضع
اولان ثمرات وقایعک منشأ حقیقیسنی تحقیق
وفسیله روایات غیر موثوقه بی ارومه اقوال
موثوقه دن تفریق ایتک ناقلان اسلاف بینده اهم
و ملترم اولغله بوقاعده جامع الغائدهیه اتباعا شفیق

نامه نك باعث تألیفی اولان وقعه نك اسباب ظهورینی
 تمهید و افاده به مبادرت اقتضای ادوب مع هذا
 مقدمه ده تعریف و انبا اولندیغی اوزره وقعه مجبوت
 عنها عصر سلطان مصطفى خان ثانیده مقام مشیخت
 علیاده استعلا و امور دولت و مملکت مدید استیلا
 ایتمش اولان سید فیض الله افندیك تفرد و تغلبیدن
 حادث و پیدا اولدیغی جهتله نأره فتنه نك صورت
 اشتعالی مشار الیهك ترجمه احوالی ایله برابر اذکار قلم
 بریده زبانه احاله قلمق مناسب کورنمشد
 شویله که فیض الله افندی ارضروم و اعظمرندن
 وانی افندیك دامادی اولوب جنتمکان سلطان
 محمد خان رابع عصرنده صدر اعظم کوپرلی
 زاده احمد پاشانك سوق و توصیه سیله وانی افندی
 و اعظ شهر یاری اولغین فیض الله افندی دخی
 انك همیله مراتب رفیعہ علییه واصل و شهرادکان
 معللکنه نائل اولمشیدی لکن کندوسنك فوق الحد
 تعزز و احتشامه مبلی اغبرار پادشاهی بی داغی اولوب

حتی بیک طقسان یدی تاریخنده ادرنه دن حرکت
ایدن اردوی همایونک سلامت ونصرتی ایچون
بالمله ارکان سلطنت دعایه چیقیدیغی صرده،
فیض الله افندیگ یکر می قدر براطه لی اتباع وخدام
وکیل فرواحتشام ایله میدان دعایه کلدیکی منظور
همایون اولدیغندن بعدالیوم خواجه افندی
خدامنه براطه کیدرمسون علمدان اولان آدمک
براطه لی کزدرمسند، مناسبت یوقدر خدمتکارلری
دابند صارسونلر دیو دارالسعاده اغاسی واسطه سیله
تنبیه ومتعاقباً معملکدن عزل ایله نقیب الاشرافلق
خدمته تعین قلندی .

بیک طقسان طقوز سنه سنده جلوش سلطان
سایمان خان ثانی بی متعاقب ظهور ایدن سیاوش
پاشا اختلانده فیض الله افندی بین العلماءستشار کل
بولمغله جای فتوایه متضاعد اولوب اون سکرز کون
صکره یعنی سیاوش پاشانک قتل واعدامی وزور بارک
هجوم عموم ایله استیصالی اوزرینه عزل وارضرومه

نفی اولندی . یدى سنه قدر اوراده مکت
 و ارام ایدوب یک یوزالتی سنه سنده سلطان
 مصطفی خان ثانی حضرتلری جالس اورنک سلطنت
 اولمیرله تعلیم و تعلم حقوقنه رعایه فیض الله
 افندی بی منافاسندن جلب و تکرار مقام شیخته
 نصب ایله کافه اقوالده اعتقاد و حسن حالنه اعتماد
 ایدرک امور دولته کندوسنه استقلال و یردیلر
 هنکام فزونی اقبالده تألیف قلوب ناسه صرف
 مکنت تحصیل نیک نامه مدار و آلت اولدیغی حالده
 فیض الله افندی غائله طول امله دوشدرک جمع
 اموال و حایه اولاد و منتسبانه حد اعتدالی تجاوز
 برله کنجیده ظروف اطوار شیخ الاسلامی اولیه حق
 حرکات متغلبانه تصدی و توجیهات مناصب
 دولت و حل و عقد معظمات مصالح سلطنته
 مداخله و تعدی ایتکه باشلادی و اول عصره
 قدر مشایخ اسلامه ولی النعم اطلاق واقع اولماش
 ایکن دیباجه منشور ابهتنی پیرایه لقب ولی النعمی

ایله توقیع و توسیح ایتدردی و توجیهات علمیده
 مخادیم و اتباعی تقدیم ایله شیوخ طریقک خاطر لرینی
 محزون و اعتراضدن متوهم اولدیغی کبارک نفی
 و غدر ایله حال لرینی دیگر کون ایدوب اولادن
 سید فتح الله افندی اولایکیشهر و بعده صدر
 اناتولی و اندن بطریق النقل روم ایلی پایه سیله
 جای نقابتی احراز و منصب فتوا پذیردن صکره
 کندویه موروث اولق اوزره صورتی زیرده محرر
 برات عالی موجب بیک یوزاون اوچ تاریخنده شیخ
 الاسلامق پایه سیله قطع امتیاز ایتدی
 صورت برات همایون ❀

چون علوم مرتبت علمای ستوده صفات و سمو منزلت
 فضلالی حمیده سمات (یرفع الله الذین آمنوا منکم
 والذین اتوا العلم درجات) نص صریحی ایله
 باهر البرهان و (من یؤت الحکمة فقد اوتی خیرا
 کثیرا) فحوای کریمه سی اوزره حائز خیرات
 دارین و فائز حسنات منزلتین اولدوقلری قرین

اتفاق اولوب مدارج علوم شرف مر سومی مرقات
 معارج دین و مناظر فهوم اصابت ملزوملری مرأت
 معلم یقین و فوائد کثیرة العوائد علمیه لری جمله انامه
 شامل و عوائد جمیلة الفوائد علمیه لری خاص و عامه
 واصل اولوب الحاصل بواهر مأثر لری نوادر مغاخر
 ایدوکی ظاهر و (اقرب الناس من درجة النبوة
 اهل العلم) مستدعاسی لزوم اکراملرینه دلیل
 باهر اولمغله زمان سلطنت علیه مدہ هر بری علی
 قدر مراتبهم نازل ارب و با خصوص اول زمرة
 معالی نسب دن شرافت حسب ونسب ایلہ منتخب
 اولنلر عارج اعلا ی رتب و واصل متہای مطلب
 اولق ساخه قریحه ملوکانه و لایحه عریکه
 پادشاهانه مز دن اولمغین بناء علی ذاک سید العلما و سند
 الفضلا رونق افزای مقام فتوی حائز شرف والا
 سنی نعمان الزمان بین الوری المؤید بتوفیق الله
 الملك العلم شیخ الاسلام وخواجة فضائل ارتسامز
 مولانا السید فیض الله ادام الله تعالی فضائله نک

نجیل اثیل بعدیلاری اولوب روم ایلی قاضی عسکر لکی
 پایه سیله نقیب الاشراف اولان اعلم العلماء المتبحرین
 مولانا السید قح الله الحسینی ادام الله تعالی فضائله
 شرافت ذات وصفوت صفات ایله وجوه کالات
 وصنوف خئیات ایله زمره فحول شرف موصولک
 اشرف واقومی اولدق لرندن ماعدا خواجه
 فضائل پناهیمک مشار الیه اکبر اولاد نعمانی نژاد
 وافضل انساب پاکیزه نهاد لرندن اولوب (الولد الحری
 یقتدی بابائه العر) مصداق بجه کندوردن دخی
 کان صدق وسداد ونهایت خلوص ورشاد اثر پدر
 وسیر معتبر مأمول ومنتظر اولغله بر موجب فحوی
 (کل من علیها فان) عموم بشر ایچون مالابد
 اولان سفر مقرده ابقاه الله الملک الاکبر پدر نیکو
 محبر لرندن تأخر لری وزمانزده ظهوری اراده ازلیه
 الهیه ده مقدر ایه بمشیة الله تعالی مقام اشرف فتواده
 جانشین وخیر خلف لری اولق اوزره صادر اولان خط
 همایون شوکت قرونز موجب بجه حال حق لرنده بحار زخار

موهبت شاهانه من فیضان وآفتاب عالمتاب عظوفت
 شاهانه من لمعان ایدوب اشبوسنه ثلث عشر و مائة
 والف شهر رمضانک یکرمی ایکنجی کونده
 مولانای مشارالیه رتبه سامی شیخ الاسلامی عنایت
 واحسانز اولغله یونشان عالیشان نورافشان
 وبومنشور فائض السرور سعادت عنوانی و یردم
 و بیورد مکه یو بایده صادر اولان خط همایون
 شو کتمتروغز موجنبجه وجه محرر اوزره عمومه مالابد
 اولان سفر مقررده ابقاه الله الملك الاکبر پدر جمیل
 الاثرندن تأخر لری وزمانزده ظهوری اراده الهیه
 ازلیه ده مقدر ایسه بمشیه الله تعالی مولانای مشارالیه
 مقام اشرف فتواده والد کثیر المحامد لر بنه جانشین
 وخیر خلف اولوق اوزره رتبه سامی شیخ الاسلامی به
 متصرف اولوب دوام عمر و دولت و قیام فرو شو کتمتروغز
 ادعیه سنه بخلوص البال بالغدو والاصال مداومت
 واشتغال اوزره اولهل
 دولت علیه ده صدارت عظمی و شرافت مکه مکرمه

وقیم خانلغی پایه‌ری ویرلک واقع اولمدیغی کبی
 فتوای غرا پایه سنک دخی توجیهی مسبق بالثل
 دکل ایکن اشبورات عانینک صدوری بین العلما
 اعتراضات شدیدیهی داعی اولوب فیض الله افندی
 هوادارلری اولمایدی فتیله فروز روغندان مناقشه
 اولملرک تعریضلرینی کسر ایچون پایه فتوا سلفده
 صاحب تاریخ قره چلبی زاده عبدالعزیز افندی به
 دخی ویرلش ایدی دیو منازعه و مجادله به و مخالفین
 طاقی ایسه عزیز افندی مرحومه او یله مفتی عصرک
 وفاتندن صکره شیخ الاسلام اولسی حقنده برات
 ویرلیوب فقط فن فقه شریفدن تألیف ایلش
 اولدیغی متن لطیفی بالذات حضور همایونه عرض
 ایتدکده مشایخ اسلامه مخصوص کورک الباسیله
 تکریم اولمشیدی وادیسنده سوزلره مقابله به
 آغاز ایتدیله .

شفیق افندی دیگر تاریخچه ده رامی پاشادن روایه
 نقل ایدرکه فتح الله افندی به پایه مشیخت توجیهنه

دائر صادر اولان خط همایون اول وقت صدارتد،
بولنسان عموجه زاده حسین پاشایه کلدکده رامی
پاشایی رئیس الکتاب بولمنسی مناسبتیله نزدینه
جلب ایدوب تبسم کنان « رئیس افندی علی طریق
فرض المحال بدن ماعدا طقوز نفر وزیر اعظم دها
بولنسه و اونمز بریره کلوب شیخ الاسلام افندی بی
تفضیحه قرعه انداز اندیشه اولسه ق بویله شکل
غریب بریمزک نقش بسته لوحه خاطره سی اولوز
ایدی آل براتی یازدیر دیو خط همایونی اعطا
ایلشدر » واقعا آندن صکره فیض الله افندینک
اساس دولت استواری تیشه نظر بدکیش و تیر
تعریض بی کانه و خویش ایله متزلزل و سلطان
مصطفی خان حضرتلرینک احوال مشروحه
تحملکدازه مساعده بیورمسی و علی الخصوص
بیک یوزاون تاریخنده آوستریا و له و وندیک
دولتلیله منعمد اولان مصالحه بی متعاقب ارکان
سلطنتله ادرنه یه نقل ایدرک کریمه لرینک سور

ز فافلرینی اوراده اجرا و سرائلر انشا ایتمکه باشلامسی
 و مقام صدارتده بولمان ذواتک استقلال و نفوذری
 قالماسی و از جمله بیک یوزاون درت تاریمخنده
 مسند صدارتی احراز ایلش اولان دال طبان
 مصطفی پاشانک فیض الله افندییه و اولادینه تعظیبات
 و تشریفاتده افراطدن و او طرفک مطالب و او امرینی
 ترویج و تنفیذدن خالی اولماقده برابر فیض الله
 افندینک ذروه اقبالدن دفعی ایله تحصیل دستمایه
 استقلال ایچون نهانی ترتیب مقدمات مکر و احتیال
 ایللمکده ایکن معزول و عتینده مقتول اولمسی و آنک
 یزینده نائل مهر و کالت کبری اولان وزرای
 قبه نشینادن رئیس انکتاب سابق رامی محمد پاشا
 باب عالیده تربیه کورمش و مناصب دیوانیه ده
 واک صکره رئیس الکتابلق خدمت مهممه سنده
 بولنمش بر ذات اولدیغی حالده فیض الله افندینک
 « صدر اعظم بزم چراغمزدرد » دیهرک آنی دخی سلفی
 دال طبانده دوندروب ایستدیکنی تکلیفه باشلامسی

و سلطان مصطفى خان حضرت تليزنيك رامى پاشايه
 صدارتى توجيه بنده شيخ الاسلام افنديك رايندن
 خارج حركت ايتما سنى تنبيه بيورمى ملباساتيله
 قلوب عامه ده فساد و فتنه يه استعداد حاصل
 اولدى و رامى پاشا دخى طريق مماشاة و مداراتده
 فيض الله افنديك جستجوى اسباب ادبارينه
 تسمير ساق ميثاق ايلدى .

نعيم تاريخك ذيلنده طرازنده صحيفه بيان اولديغي
 اوزر سلطان احمد خان ثالث حضرت تليزى مربع نشين
 سرير خاقانى اولمزدن مقدم فيض الله افنديك
 احوالنه مطلع اولد قلزندن برادرلى سلطان مصطفى
 خان حضرت تليزينه عاقلانه نصيح و پند ايدوب
 « خواجه افندى يه حسن ظنكره بناء و بريد يكلز وقع
 و ايلد يكلز انفات تعليم و تعلم حقنه رعايت ايچون ايسه
 كافيدر امور عالمه استيلا مرتبه سندء هيچ فردء
 رخصت و بركه مقام خلافتك تخملى بو قدر لمعدء
 التفاتكز بر كيمه يه بلدكه بر طائفه يه افراط ايله

مصرف اولیٰ خواترک انحرافنه باعث اولور .
 بناء علیه معامله توجه کرک نسبت معتلده، ابدالی
 مشار الیهک محسودیت آفتندن تخلصنی و شان
 سلطنتک وقایه سنی استلزام ایدر ، دید کلرینی
 فیض الله افندی استخبار ایله مخرف الضمیر اولمش
 ایدی . سلطان احمد خان حضرتلرینک اشبو کلام
 اصابت ارتساعلری قلم زرین ایله لوحه حافظه به
 یازیلوب تمیمه جان قیلغه شایسته بر مقاله حکمت
 مال اولوب فقط (من غیر اخاه بذنب لم یمت حتی
 لایبتلی به) حدیث معجز اداسنک مقتضای شریفی
 اوزره ایام سلطنتلرنده داماد ابراهیم پاشایه فیض الله
 افندی درجه سنده استقلال ویره رک کندولرینک
 دخی خلعتی و ابراهیم پاشانکده فیض الله افندی کی
 قتلنی انتاج ایدن فتنه به سبب اولدیلر (از هذا شیء
 عجاب) واقعا بوفقره اخیره اساس مجتله کوره
 نامحذر لکن کارگاه عالمده موافق تقدیر اولمیان
 تصور و تدبیرک انسانه رهنمای طریق نجات و نجات

اولدیغنی مؤید احوال عبرت اشمالیدن اولغله ذکر
و بیان قلندی . ینه تاریخ نعیماده کشیده سلاک بیان
اولان روایاتنددر که فیض الله افندیکن محرمزدن
بری تصحیح مسلاک ایتک ایچون کندوسنه خیرخواهانه
بعض کلمات معقوله عرض ایتدکده فیض الله افندی
« بزم حالمز بحر محیطده فورتنهیه مصادف اولان
سفینهیه بکرز یا کنار سلامت و یا ایمان امان بولنجیه
دکین روزگارک اوکنه دوشوب کتمکدن غیر
چاره مز یوقدر زیرادولدن اختیاری چیمق رضامنله
بلایه اوغرامقدر ینه لازم اولان عزیمتری باشه
چیقارنجیه قدر همت و نهایت عمره دک بذل مقدرت
ایتمکدر » دیو جواب ویرمشدر .

فیض الله افندی بو حال ایله ادرنه ده آرمیده جای
اقبال ایکن استانبولده کفت و شنیدک تکثرینی
طرفدارلری اخبار ایتمکین تعمیر مبانی اقتدار ایچون
دل زدک کان زماندن بعض ذواتی تطبیقه
و کندوسنجه سیر نامر ضیه اصحابندن اولان کسان

تأدیب و تحویفه باشلادی .

شویله که منفیاً بروسه ده بولنان سلفی محمد افندی بی
استانبوله اقامت ایتک اوزره قید نفیدن آزاد
وقول کتخدالغندن منفصل چالق احمد اغا که اسکی
زور باردن اولمق سببیه ولایت بولایت تبعید اولنه رق
بالاخره بروسه ده کرفته پای دام تغریب قالمشیدی
آنی دخی اطلاق ایتدیروب استانبوله کتورتدی
ویکیچری اوجاغنده کتخدایری اولان سلیمان اغا
بحسب الطریق محضر اغالغنه مستحق ایکن فیض الله
افندی منسوب اتندن بر ایکی چور باجینک کندویه
تقدیم اولمسنندن مایوس اوله رق (هر که زخمی
خورد البته فغانی دارد) مغز اسنجه بعض اقاویل
مظلومانه سرد ایلشیدی منظر قهر شیخ الاسلامی
اولوب اوجاقدن طرد و ادرنه دن استانبوله نفی
اولندی و عموجه زاده حسین پاشانک دامادی
نشانجی احمد پاشانک دال طبان مصطفی پاشایه
مناسبتی سبب عد اولنه رق قید منشور وزارتنه

خط بطلان چکیلوب اموال و اشیای ضبط و مصادره
 و کندوسی استانبولده ایوا واقامه ایتدیرلدی لکن
 : تقدیر خدا قوه بازو ایله دونمز . بر شمعى که مولی
 یاقه بروجله سونمز : نشیده سنجه فیض الله افندیك
 وقایه اقبانه تدبیر اولق اوزره صرف ایلمدینکی اشبو
 مساعی یعنی نوش زهرابه تعدیاتبله خمخانه یأس
 و خرمانده بیهوش و مدهوش اولان سالف الاسامی
 متفذانك استانبولده اجتماعی کندوسنك مدار
 ادباری اولدی زیرا انلر (الفتنه نأمة لعن الله
 من یقظها) فحواى اصابت احتواسندن غافل اولهرق
 کندوری کبی گروهه تفنك جور دوره اماج اولنلرله
 حسبحال و فیض الله افندی علیهند، نهانی مداوله
 کاسات قیل وقال ایدوب مشار الیهك طرف سلطنته
 حلول و مقارنتی و حکومتده نفوذ و مکنتی واصل
 مرتبه کمال اولمقدن ناشی قلعه شجره قوی الاغصان
 اجلالی حرکت رستمده منساویه الاقدام اولهحق
 بر هیئت متینهك تشکیلنه و بودخی اول باول نزد

اجناد و احادده نافذالكلم اولنلردن وسايط متجلده،
تدارك و تخصیله مرهون اولدیغنی تفهم ایتلریله
بویولده صرف مساعی به بالائحد قرار و یردیله
وعزیمت و نیتلرینی فعله کتورمک ایچون بین الناس
حسن صیت و شهرتی اولان مشایخ و علمای و اوتقرب
ایله بی حد و احصی حتمی مقناطیس لطایف ارایله
طرفلرینه جذب ایدوب مترصد وقت فرصت اولدیله
جبه جی اوجاغی نفرانی که کانون سینهلری همیشه
آتش فتنه و فساد ایله مملو ایدی انلرک ضرورت
خزیننه دن نشأتله مترکم اولان مواجبلرینه دسترس
اوله ماملری بعض مقالات بی ادبانه و مفسدت
جویانه یه اجترالرینی انتاج ایلدیکندن فیض الله افندی
جبه جیلرک تطیب و ترفیهلرینی انقطاع رشته کفت
و کویه مدار عد ایدرک پناه آرنده کنف جایتی
اولان کره مدجی زاده محمد اغایی جبه جی باشی نصب
و تعین و گذشته مواجبلری کندویه نقدا تسلیم
ایتدیروب در سعادت کوندردی اما ویریلان اچقه نک

بر مقداری فیض الله افندی به مخالف اولنلرك سد
 مفاسدینه و باقیسی انعامات مقننه به مصروف اولوب
 مواجب نفقاتینه عقدۀ تداخلده قالدیغندن
 و اولوقت قره دكزه سوقی لازم كلان جبه جیلر
 غلوفلریمزى آلمدقجه سفاینه وضع قدم ایتمز دیو
 آفاق باصهرق شدت نفاق ایله منطقه پیوند اتفاق
 اولدقلرندن استانبول قائم مقامی بولسان خزینه
 كتخداسی یوسف پاشا اطفای نواثر جمعیتلری ایچون
 رشاشه پاش كوشش و اقدام اولغله مواجلرینی
 اعطا ایله كیده جك نفقاتی صوب مأموریتلرینه ارسال
 واعزام و جبه جی باشی ذمتمده بولسان مواجب
 اچقه سنك تحصیلنی تعهد ایله استانبولده قلان
 نفقاتی اسكات و الزام ایلمدی فقط بواثناده فیض الله
 افندی مخالفلرینك جمعیتلری تكثرایدوب سوق
 و بازارده شیوع بولان اكاذیب و اراجیف و مورت
 اختلال حرکات ادانی و عتاریف حد مبالغه بی تجاوز
 ایتمش ایدی حتی بر جمعه کونی ایا صوفیه جامع

شریفنده ادای صلوة اولمقده ایکن بر شخص مجهول
منبره صعود و آرایش فراز منبر اولان سنجاغی قاپوب
نزول ایدرک سیر سریع ایله کتمکده اولدیغی حالده
قائم مقام پاشا جامعه بولمغله شخص مزبوری
طوتدیروب استنطاق ایتدکده « اهالی استانبول
اتفاق آرا ایله شیخ الاسلامی و اولاد و منتسباتی مضمحل
ایتمک ایچون عقد پیوند اتحاد ایتدیلر جایگیر ضمیرلری
اولان شور و شقاق عن قریب برهمزن کار خانه
آفاق اوله جغنده شبه یوقدر » دیدی قائم مقام پاشا
مر قومی حبس ایله کیفیتی موکب همایونه اشعار
ایتمش ایسه ده فیض الله افندیك هوادارلری مر قومک
جلادت و جرأتی جنتنه حل ایللریله لیمنی جزیره سنده
قلعه بند اولمسنه دائر قائم مقام پاشایه امر قطعی
کوندرلدی .

نظم

ای بکا مجنون دین عاقل اولیدی کاشکی
قدریمی ناقص بیلان کامل اولیدی کاشکی

علمه مستقبلي بيلدم دين نادانلرك
 علمي حال وماضيه شامل اوليدي كاشكي
 يوسف پاشانك قائم مقام قدده بقاسندن فيض الله
 افندي ذاتاً امين اولمديغي حالده ذكر اولنان شخصك
 حركت واقعه سي آنك تعالينه مبنى اولق احتمال
 بعيدىنى دخى مرتبه جزمه ايصال ايتمكله مشاراى
 عزل و نشا نجيلقد، بولنان و دامادى اولان كو پريلي
 زاده عبدالله پاشايى سد دهان ناسه چاشمق اوزره
 استانبول قائم مقامى تعيين ايتديردى وجهه جى باشى
 محمد اغا دخى سالف الذكر موجب عربده سند نطولا بى
 عزل ايله يرينه صره امينى سابق بوشناق ابراهيم
 اغا نصب اولندي .

طائفه جبه جيان جبه جى باشينك تبديليه متداخل اولان
 مواجبلرينى كيسه لرنده بيشلر ايكنينه دسترس
 اوله مدقلرندن يك يوز اون بش سندسى شهر ربيع
 الاولانك بشنجى كوني كوچك على نام بررئيس
 اوباشك باشنه ايكي يوز قدر جبه جى نفرى جمع

اولوب ایاصوفیه قربند، کائن جبه خانه ده لیلاً ترتیب
مقدمات فساد و شقاقه شروع ایتدیلر قائم مقام پاشا
بو حرکت مضره بی استخبار ایدوب مجمع اشراوه
کوندردیکی اوجاق کتخداسی واسطه سیله اجرای
نصح و پند و مطلوب اولان مواجبک عطایای
مخصوصه ضمیمه ایفاسنی وعد ایلش ایسه ده حسن
تأثیری کوریه میوب ار باب فتنه سلاح بدست شقاق
اوله رق یکی اوطه لده ات میدانی دیدکلری مجمع بغاته
طوغری تحریک اقدام اختلال و راست کلدکلری
اهل سوق خلقه اتحادلرینه ادخال ایدوب داعیه
سیادتله سرکردان اولان بعض اشخاص دخی
کندولرینه ملحق اولدقلرندن جریره شعارلری
(وینبع کل شیطان مریض) نقش بدیعی اولان
یکچیری طائفه سی جمعیت فتنه بی ایاقلرند کورنجه
درونلرند ه مضمحل اولان اغراض فاسد بی اجرایه
انهماک ایدوب زمرة عصاة ایله یکرنگ و یکدست
اولدیلر بونک اوزرینه قائم مقام عبدالله پاشا دفع فتنه

اسبابی مذاکره ایچون علما و رجال و یکچری
 و بوستانچی ضابطانله سرای همایونده عقد مجلس
 ایدرک سکبان باشی هاشم زاده مرتضی اغا دن ماعداسی
 لاجل الاستشاره کیجه اوراده بیتوته قرار ویرد کلرندن
 سکبان باشی ایرتسی کونی باب همایونه کلد کده غلوی
 عام ایله سرای عالینک یغما اولنه بیلسی احتماله مبنی
 سرای اغاسنک قیوی ایچرودن سد و تقفیل ایلمش
 اولدیغنی اکلایوب واله وحیران زیر و بالایه نگران
 ایکن ات میدانده مجتمع اولان اشرار اغا قپوسنه
 هجوم و اقحام و زندانده محبوس و مسجون اولان
 اشخاصی چیقاروب تکثیر سواد فساد اقدام
 ایلد کدن و قائم مقام پاشانک قوناغنی غارت و یغما
 و آنده محبوس اولان قاتل و مفسد لری دخی امر
 شقاوتده همپا ایتد کد نصکره سرای همایون جانبده
 کیدوب و اوراده سکبان باشی بی بولوب ات میدانده
 کوتورمک ایچون تضییق و طاق بازاری نام تحله
 قدر تعقیب ایدرک نهایت آتندن دوشوردیلر و آلوب

میدانه کوتوردیلر و ایچلرندن برکروه دخی فیض الله
 افندی بنک دیگر دامادی واستانبول قاضیسی بولنان
 سید محمود افندی بی خواه و ناخواه خانه سندن
 قالدیروب ات میداننه کوتوردیلر و ایرتسی کونی سکبان
 باشینک (تعاونوا علی البر والتقوی) وادیسنده
 بسط کلام نصیحت آمیز ایتسنه ضرب بی اصول
 سیف مساول ایله جواب ویره رک بیچاره نک اعصاب
 و عروق و عظامنی صد پاره ایتدیلر و استانبول قاضیسی
 محمود افندی طرفندن ات میداننه کللی ایچون
 مدرسین و مشایخه جبراً مر اسلات مؤکده تحریر
 ایتدیردیلر سرایده بولنان رجال و اعیان ایسه ذاتاً
 فیض الله افندی نک افول کواکب اقبالنه منتظر
 و نکران اولمیرله دفع فتنه به رأی ایتک شوویه
 طورسون ارباب اختلاک تقویه بازوی اقتدارلری
 املیه جمعیتکاه فسادیه عازم اولدقلرندن قائم مقام
 پاشا فرید و وحید سرایدن چیقهرق بر محله اختفا
 ایلکله و جمعیت فتنه به مدعو اولان مدرسین و مشایخ

و طلبه مدارسك كيمي طوعاً و كيمي جبراً طوفان
 فتهيه قارشىمغسله هيئت فساديه كسب جسامت
 و بوستانجى نقراتى دخی ضابطه ليله برابر زمرة
 عصانه متابعت ايلدى و قصاب و اتمكجى و بقال
 دكانلرندن ماعدا استانبولده نقدر دكان و ارايسه
 قياتير بلوب عامه اهل سوق بندرگاه فساده نقل
 خيمه و خرگاه ايله زمرة باغيه به التحاق ايلدكلرندن
 مبناى جمعيت گذشته علوفه طلبى ايكن شيخ
 الاسلام افندى دولته مضر در كندوسى و اولاد
 و اتباعى علاوه استيلا ايتديلر آنى استميز و پادشاهك
 دخی عدائنده قصورى واردر، صداريله اذان عوامه
 بر طاق كلمات دهشت افزا اولئدى .

اشته منشأ و اسباب وقعه اولان احوال بونلر
 اولمغله تشكلى جمعيت فتنه دن صكره ظهوره كلان
 افعال فساديه مقاله لك شرح و تفسيرى صره سنده
 ذكر و بيان اولئق اوزره مقدمه رساله نك تحليل
 ترا كيب بليغه سنده سوق سمند مرام قلنور .

متن مقدمه شفیق نامه

(ولقد جئناهم بكتاب فصلناه) مطلع الانوارندن
 بارقه فروز توجیه و تأویل اوله رق ثریا مثال مجتمع الشمع
 لمعان ایدن شراره اشری کریبان مکمل زه شرقدن
 دامن لعین طراز غربه وارنجه بلکه سطح بسیط
 غبرادن سقف محیط خضرایه ایرنجه فنیله اسباب
 نظام کاشانی نیران تشتت ایله مصباح المصباح
 فروزان ایدوب شق عصای موحدین بر حده بالغ
 اوادیکه قطب دایره دوران کاه کنکره بالاخانه
 هوایه تعلیق سجاده کرامت ایدوب عیسی معجز
 برهلم دیو جناح ادعا ایله دجاجة نفسنی طائر
 قدسی کبی بام عرشه اوچورمغین شقه طیلسان
 صوفی اقلیم کشاق هوالریله دوش استیلاده
 درفش کاویانی اعتلارین بولدی . و کاه کلخن کره
 ناره القای بوریای عبادت ایدوب مهدی زمانم
 دیو آتش نفسیده تنور فسونی دامت زنی لاف

ایله او فورمکین دانه سجه ذاکر کثور سوزلقده
کروهه تفنک بلای ناکهانی اوندی .

زمکر سجه شماران خدا نکه دارد

کد صد سرشت بیک رشته کند اینجا

وغوث صاحب تصرف زمان زمان قلزم ذخار

لدنیده تسیر جواری تدبیر منازل ومدنی برله ناظم

مناظم جهنم دیو بادبانکشای اعتراف اولغین چله

پرهیز مرتاض جراثقال ماسواده کند خاقان بندرستی

عملارین ایشلیدی . و وقت وقت بسیط ساهره

خودرایید بسطو الحجه رنگارنگ مثل ایله شهنامه خوان

حل و عقد حباله امور و دست نسرای فتق ورتق

مصالح جهور اولوب مؤید من طرف الرحیم دیو

لوی ادعای علم زر فنجوق عیو قه برابر یتدکین

عصای آهنین رکیز پیران جگر دوزنقد رماح جوشن

شکاف نیرمی به طعنه باشلیدی .

اوله هر کز امین مکرندن

شیخ دهری کوروب عیالچره

تبغ باطن دیدیکی صوفینک

سیخ افرنجدر عصا ایچره

وز مزمه ساز مجلس وجد و سماع اولان نای و قدوم
طرفه نوا دمبدم معرکه آرائی ترانه سیله دمدمه
کوس کره نای کیانیدن دم اور مغنین مرشد
صاحب نظر زمانه نك بهرام کوری بلکه دده و کوچک
غدر ایرجیده قلمرو جلادتک سلم ونوری کچمه کله
هر سائل مغایر و مسالک سر پرده تصوری
« من و کرز و میدان و افراسیاب » دیوحرر بع نشین
صندلی پندار اولوب دروازه قافه **ک**ررز
آصدی . وحالت انداز درون مردان خدا اولان
نغمه سرایان خوش ادا انشاد ساقی نامه شاهی
و خمروی ایله ساعت بساعت مجلسه نقل شوق تازه
کتورمکین درویش سالك بلکه هر کدای کوچمه
کرد ممالت بغار سلافة الصهبای حب جاه ایله
عشرت خانه اندیشه ده « من و جام و ساقی و بزم
شراب » دیورته جلالت جشیده قدم باصدی .

آشفته سماع ریا پیشکان شو

سرگشته اند بهر کلو همچو آسیاب

حاصلی شرک مصاید صیاد کسای زهاد ردای

نقوی قناع غریب ابرقم ورع برنوس جائلیق قندیل

جوامع صواع غارت مندیل صوامع رفاع خسارت

منبر مساجد انبار عساجد آبار معابد منار اوابد

زبان مرتاض ثعبان نضناض لسان ادیب حسام

قضیب شمشیر خطیب تیغ هلا کو سنجق سائل

رابت منکو جرار لشکر لشکر جرار دادار داور

داور دادار اولدنی .

زمان رأینا فیه کل العجائب

واصبحت الاذئاب فوق الذوائب

فمحو اسجد نیجه خانه خدا خانه جد امالک فنا سالک

فنا جاموس قوی انقرنین اسکندر فیلفوسی وکاو سالد

طوسی حکیم فردوسی کور نمکه بوسیده بوسیده

اولوب عالم بر بشقه آیین جدید بولدی .

اهل عالم را نمیدانم چه کار افتاده است

این قدر دانمکه درهم رفته کار عالمی
یعنی هر نحریر لودعی مقامنه برامعه دعی و هر حلاج
المعی مرتبه سنه بر جلاجل جمععی تحریرك فادمة
تعرض اینمکه نیچه « بیض الوجوه » کریمه
احسابهم . شم الانوف من الطراز الاول .

کوه سارنده و شاح الصدر قله حیث اولان شاهباز
بزند پرواز آرایش بازوی سلاطینه سزا ایکن
دهقان دهر انده همسفال ماکیان زبال اولوب
مثال بازی وروستا و نیچه « سود الوجوه »
لثمة انسابهم . فطس الانوف من الطراز الاخر .
ثمیله سنده انخورد خست اولان بوتیمار انوده
منقار « است فی الماء » ایکن پیش آهنگ قطار کلنک
بولنغین دعوای ریاستله « انف فی السماء » اولدی .

حب الریاسة دام لا دواء له

وقلما تجده الراضین بالقسم

حاصلی مرغزار روزگارده هر دیک دمن طماوش
صاقع و دجاجة هر خرمن نسر واقع و غراب عراف

بیغای اشراف و ذیاباجیاف عنقای قاف و کلاغ
 سرسری مقلد خرام کبک دری و نعماده دشت
 بر بری اوج پندارک دمکش کبوتری اولغله نیچه
 بیضه کشف تکمه اکلیل شرف و دریکنای
 نجف غدر غدرده آلوده کف اولوب « حب
 شقیق اولدی شقوقه بدل . جای حقوق اولدی
 عقوقه بدل » (ذلك تقدير العزيز العليم)

لقد رميت من الزمان بسهم
 قدم النذيل والكریم تأخر

مات من عاش بالفضلة جوعا
 و حظی من یقود اویتهم خیر

تدقیقات مقدمه شقیق نامه

بوجمعه مر غوبه نك شیرازه ترتیب و تنظیمه رشته
 افتتاح اولان تعریفات مجمله دن دلدادگان غوانی
 آثارک رهین ایقان و اذعانلری اوله جغی و جهله
 شقیق نامده سرادقات الغار و کنایات ایله مستور

اولان واقعه شورش اشمالك سرنگای میدان ظهور
اولسنه سالف الاسامی ارکان فسادك متفذان
مشایخ و موالی ايله عقد اتفاقات خفيه و سبكمغزان
ناسه طریق فتنه ده ارئه تدابیر تسهیلیه ایتلری
سبب اولدیغی روایات عدیده دن مستدلدر .
واقعا دولت علیه نك آفتاب مكنهت و شوکتی نور افشان
مطالع اقبال اولدیغی زمانلرده تدبیر و تصرف و معظمت
امور دولت مشکین نفسان عكاظ فضل و کمال اولان
اجله علمانك ایادی اقتدار و نادى صلابت مدار لرنده
مقرر اولوب بو وسایط مفحمة نك شمس نفوذ لری
بروج مشیدء سمای حقیقت اولان اغزه مشایخك
زمان زمان اشتراک لريله قرن خامسه قریب وقته
قدر اشعه پاش ملك و ملت اولدیغندن مكالات
دوايه کبی امور غامضه نك تمشیقی بيله متحیران علمای
کرامه تفویض و حضور حضرات سلاطین عظام
و محافل معابد اسلامده ایفای مواعظ خدمت
مقدسسی اکثریا مشایخ طرق علیه به توجیه اولنور

و پادشاهان شوکت عنوانک بالذات غزا و جهاده
عزیمت لرنده فحول علما و مشاهیر مشایخ طرق علیادین
انتخاب اولانان ذوات غزاة مسلمینی مشعلہ نصایح
و مواغذله حرب و جهاده تحریر بص و تشویق ایچون
موکب همایونه ما مورقن نور ایدی .

بناء علیه دولت علیه نك اداره داخلیه سنه متعلق
ظهور ایدن اساسلی مسائلده علمانك و مشایخك رأی
و تدبیرلی جاری و بوقوه مؤثره دور سلطان مصطفی
خان نایبده دخی موجود و مرعی اولدیغندن علت اصلیه
فته که فیض الله افندینك موجب یأس و فتور کبار
و صغار اولان اطوار ناهنجاریدر آنك متحیران
مشایخ و موالی به دخی کران کلمسی تصحیح احوال انامه
منتهی اوله جق طرق و مسالکک تحریر سنه کندولرینی
مجبور ایتمش و واضع دعائم فساد اولان ارکان سالف
البیانك مراجهت لری یالکز او مجبوریتك فعلیساننی
تسهیل ایتشدیر .

بوایضا هاتدن مقصود اولان نتیجه مشایخ و موالیدن

حلقهٔ جمهوره داخل اولئر حقلرندہ مؤلف رسالہ نك
رموز و الغازايله استعمال ايلديكي لسان قدح
و تعريضه اشتراكدن بر مقتضای قاعدهٔ صدق
و صواب توفی واجتناب ايله تشریح جریان مسئلہ ده
طریق نصفت و حقانیتدن انحراف و وادی
استقامتدن انصراف ایتامک ایچون نفس الامر
ربط سلسلهٔ کلام اولندیغنی بیان و افهامدن
عبارتدر .

مقدمه ده تصریح اولندیغنی اوزره فیض الله افندی
وقعه سنک اجمال اسباب ظهورینی مؤلف رساله
اولجه لسان رسمی ايله قلمه آلمش اولدیغندن شفیق
نام نك دیباجه سنده (ولقد جئناهم بکتاب فصلناه)
آیت کریمه سندن اقتباساً اسباب وقعہ بی مقدا
ترتیب ایلدیکی تاریخیجه نك تفصیلاتنه عطف ایتد کدن
صکره آنده ارکان فسادک مجلوبی اولدقلری مذکور
اولان مشایخک احوال واسامیسنی و فتنه نك نتایج
مضره منی اجمال قبل التفصیل قاعده سی اوزره ذکر

و بیان ایچون داند سجده کلماتی درت قسمه تقسیم
 و هر قسمی مقامه مناسب بر نظم ایله تفریق و تقیم
 و قسم اول و ثانی ایله قسم ثالثه مر و ج امر خروج
 اولان مشایخه تعریض ایدوب قسم رابعده ادانی
 و اسافلک فساد و اختلالدن نه صورتله مستفید
 و مناصب دولته نه وجهله مستولی اولدقلربی
 تعریف ایلمش و مأخذمن اولان وقایع نامدله بعض
 محشی شفیق نامدزده تسهیل اتحاد جهوره صرف
 مقدور ایتش اولان مشایخه اسامیسی مندرج اولدیغی
 مثلاً و ترجمه حالری بوجمعه عیدیه دخی صرده سیله علاوه
 قلمشدر انکن اقسام مجعوله ده ایما ایدیلان مشایخ
 اساس مصطلحه ذی مدخل بولسانلردن قنغیلری
 اولدیغنک کشف و استخراجی حد امکاندن بعید
 و نقل و قایعهده مجهولاتک اخبار متواتره دن عدی
 منافی رأی سدید اولغله اولمچشد، اختیار اختصار
 قلمتدی.

قسم اولک حاوی اولدیغی رموزدن « شق عصای

وحدین ، تعبیری که بر قومک ایچنده بعض اشخاصک
مخالفتلری سببیله جماعتلری متفرق اولوق مقامند ،
مستعمل اولوب مبیانت و اختلافدن کنایه در ا کا
و « شراره اشری » لفظنک بین العرب شی خسیسدن
نشأت ایدن عزیده و حادثه حقنده « اشری الشر
صغاره » دیو مثل اولدیغنه نظر ا عنشی رساله ارکان
معهوده به خسانت حالری اعتباریله « شراره شری »
اطلاق ایدرک آنلرک وادی خلافتده اجتماعی آتش
عصیانک باعث التماعی اولدیغنی بیان ایلر .
وینه قسم مذکورده مسطور « دامن زنی لاف » و
« قلزم زخار لدنی » تعبیرلری و قسم ثانیده محرر
« دستانسرای فتق ورتق جهور » عباره سی و قسم
ثالثده مندرج « معرکه ارالق » لفظی ایله ارکان
فسادک مجلولی اولان ذوانک مواعظ جلیه و تبلیغات
خفیه ایله امر خروجه مهیج اذهان اولدقلرینی
ایراد ایدر قسم رابع که « آشفته سماع ریا پیشکان
مشو » بیلندن بدأ ایله ختام دیباجته قدر مبسوط

اولان عبارہ لری جامعہ در آنک خلاصۃ الخلاصہ سی
 غلوی عام ہتک پردہ اسایشی استلزام ایلہ افکار
 مرضیہ نک مختل و سیوف مسلولہ شقاوتک لسان
 ادبیہ بدل اولدیغنی و قسم ٹاشدہ مندرجہ بخار
 سلافۃ الصہبای حب جاہ، عبارہ سنہ نظر اُ حریص
 مراتب دولت اولان نیچہ حقانک « و اصبح
 الاذنب فوق الذوائب، مآلئہ موافق صورتلہ ارباب
 استحقاقدن انتزاع مناصبہ ساعی اولدقلرینی مبین
 و (شرك مصاید) تعبیرینہ ردیف اولان اصلاحات
 مخصوصہ صفات ممدوحہ بی تعداد و بیان ایلہ
 ہر برینک نہ صورتلہ ضدینہ منقلب اولدیغنی متضمندر
 ازجملہ « سنجق سائل، تعبیرندن مراد بدایت وقعہ دہ
 داخل جمعیت مفسدت اولان متسیدلرک آچدقلری
 علم اتحاددر و « دادار داور داور دادار اولدی،
 عبارہ سنندہ کی دادار داوردن کنایہ اولمغلہ جلوس
 احمد خاننہ دائر بر معمار و « ہر نحر پر لودعی مقامہ
 رامعہ دعی، تعبیرندن بد ایدن جملہ ماقبلہ

معطوف اولوب حقایق امور دولته واقف ورأینده
 غیر مخطی ذواتک یرینه مجهول النسب وهر رایه قائل
 اولنلرکه مثلوج الفوآد دینلور آنلرک ناثل اولدقلرینی
 مختطردر « جلاجل جمعی » مثلنک مور دینه نظر آیام
 وقعه ده زندان و محبس لرده و سائر کاریز کریزده
 مسجون و محبوس و مختفی نقدر اصحاب جرایم و مآثم
 واریسه چیقاریلوب و ظهوره کلوب او مقوله لرک
 ولسان ترکیده « دکرمانی صائم ش چاقلد اغنی بوغازینه
 طاقش » دید کلری ار اذلك کسب امتیاز ایتد کلری
 مفهم اولدیغندن بودخی کرک تعبیرات سابقه حقنده
 اولان توجیه و تأویل و کرک مقالات آتیه ده مندرج
 تفصیله توافق ایدرو « شاهباز بلند پرواز » فیض الله
 افندی دیمکدرکه چقتمی انه دوشمش طغان مثلنک
 فارسسی اولان « بازی وروستا » تعبیریه
 کندوسنک ارباب فتنه الله شهید اولدیغی ایما
 اولنشدرو « سودالوجوه لثیمة انسابهم » بیتندن
 واکامربوط اولان « است فی الماء وانف فی السماء »

ضرب مژندن محمندیان قلند جفی اوزر دارکان اربعه
 فتنه دن نشانجی احمد پاشانک مقام صدارته وچالقی
 احمد اغانک یکچیری اغاغنه اقعداد واستیلاسی استنباط
 اولنور ویت مذکورک ما بعدند کی تمیلات دخی آرای
 ارباب فتنه ایله منتخب اولنلرک حقلرند بر طاقم
 تعبیرات هرل آمیزدن عبارتدر و ذیل دیباچه ده بولنان
 « لقد رمیت » قطع سی بحسب الوقعه تمسخر و تذلل
 مائل اولنلرک ظهوره کلدیکندن وارباب فضل و کمال
 دوچار قید اضطراب اولدیغندن بحث مقامند
 ایراد و ترقیم اولمشدر چونکه جمهور فتنه نک ترکیب
 طبیعی متضاسبجه میدان بغی و طغیان خروج
 ایدنلر « میخانه املده کیفمجه اولدم مست » ترنه سیله
 نیچه زمان مصطفی مذلتده پیمانه کش یأس و حرمان
 اولدقلری حانده عرایس نازک اندام مناصبک خجله کا
 وصالنه دخولده یکدیگر رقابت و ابراز مآثر و قاحت
 ایشلرایدی .

﴿ متن مقاله اولی ﴾

بو مقاله سیمیاکاران صلاحك زیرکیم خفاده چالدقلری
 طبل فسونه « يك لحظه بی حیایی و باقی همه حضور »
 دیهرک رقصان اولان طائفه مسلوب انشعورک
 « طشت در افتاد ز بالای بام » اولدقلرین ایهام ایدر .

سازنده ارغنون این ساز
 از برده چنین برآرد آغاز

صحن زمر دقام حظیره روزکاری شقایقستان الویه
 رنگارنگ شقاق ایدن مقتضیات زمانه ناهنجار ایله
 دوحه اقباله عارض اولان ارضه دندرکه فیضای
 پهناور غفلتده سرگردان تیه زینت اولمش ساده دلان
 امتی جاده مستقیم شریعت دالات صورتنده « بعضها
 فوق بعض » علم افراز استقلال رأی برقاج سالک
 نذیه الحیل مدعی مقولک ساحه تسویلات نفسانیده
 معماری چاپک دست مخترعات ناموجهلریله مانندارم
 ذات العبادتأسیس وترصیصنه تمهید قواعد شروع

قیلد قلری صرح هامانی الطرح اجتهدا لرینک سراپای
 جدرانی متمایل حیطانی مضمحل اطلالی معدوم
 اضلاعی موهوم اهدم من دار ابوالدرداء بر خاکدان
 محقرا یکن سده دهلز « مسجد اسس علی التقوی »
 زبده کورینان رفعة سبح و سواک وریش فش
 وحله خرقة پشمین و سراویل بنفش « پیش ازین
 خانه صیاد زخار و خس بود » این زمان خرقة پشمین
 و کلاه نم دست « مصداقچه شرفه راسیه افاقده
 دأراً مادار صید همای عوارف ایچون لعاب اوراد
 واذکار ایله عناکب هلاهلز کی تنیده ایتدکلری
 شبیکه ناکاهیکرک وقایه الحفظ علت و هن اولان تار
 مدود و طناب موثوقن هر کنکره طاق نکو نسا رینه
 مربوط و هر منظره رواق نا استوارینه مشدود
 و منوط قلمریله چار دیوارنده اولان رخنه خلل تار
 و بود تمویهات ایله متواری اولوب آب و تابده همحال
 صفحه رخسار ساده رویان زمانه اولغین قلم موشکاف
 مانی قریب تزویر ایله درو یامنه یعه ترسا آسا صورت

حقده نادیده و ناشنیده خاطره کلز تصور اولمز پرده
مقله حواسده خیال بازی نعاس ایله ضعف فته
روغندان مدر که دن ممتله اولمش صور انغاث
احلامه ممائل وحالات سنوات حیات ایله مر سوم
مجلای متخیله قلمش خیالات تهویم او همامه مشاکل
نیجه تماثل عجیبه الهیاکل نکاشته ایلمر یله هر شکسته
خشتی برنکار خانه چین و هر سنکپاره درشتی نمونه
نمای کارخانه قصر شیرین اولدی و مداخل
و مخارجنده معوج الاضلاع و مقوس الدعایم طرح
و ابداع ابتدکاری حجرات و مقاصیر ادعایی نیجه
دلکش قالیجه قال و قیل ایله تشبیب و مز رکش
نمارق رنکارنک مخارق زواهی ایله تزین و توثیب
ایدوب نام خورنی صحیفه روز کاردن حک ایتدیلر
بدین کونه قصر معلا قباب

ندیدست چشم زمانه بخواب

قرینه حال ممائل دار الضیافه سلیمانی اولان تختگاه
خاقانی پیشگاهنده و وحشر سلیمان جنوده من الجن

والاناس ، صدوقه سنجده محط حیطه قیاس اولن
تهجم ایدن ددودام و دیو و پری و حیوانات بحری
و بری و هندی و بربری و سایر مواشی مردم سیمای
قبطی و لوری که راعیلری اولان مرأیله کین نطح
قرون ایله کاریز کریزه سرنگون و کین رفض سرون
ایله مطموره عدمه اغشته بخاک و خون اینکله
حدود مرعای انقیاد دن خروج ایدوب کشتزار
و قاحت و لوج ایتشله ایدی اول تازنده کلاب دشت
شقاوت شد بازوی مفسدت ایچون « اوتک کالانعام ،
نباح اغرا ایله سم حله هوالرینه جذب ایدرک
بالاخره فنای سومنات فتنه اولان چراکا ، خاطر
خواه لرینه اوغرا تدیلر برقاچ کون خلیع العذار کزوب
میانه ده موهوم اولان جریحه و حشت مرهم استیناس
ایله التیام الفت قبول ایتدکده روابط قطار جمعیه
واسطه العقد اولان خر مهره غرضی هر خر منشک
زیب بنا کوش انعامی اولقی ایچون چرب زبانان
جریزه « کلو الناس علی قدر عقولهم ، تابخانه سنده

بر بر ترتیب ساز و لیمه کلام بیزه اولوب هر کسک
 حوصله استعداد وادرا کنه مناسب فضاله خوانچه
 هذیان ايله مملوچینی موبدار تفصیلی کناره سفره
 اجتهادینه نهاده قیلدی حضار مجلس جمعیتدن
 رقبه مباهاتلری رقبه مراعات مراسم گفتاری
 اولان بر نیجه اصحاب اعراف و ارباب صوف و دستار که
 همیشه یا نلرنده فضیلت انسانیه مجالس تهانی و تعازیده
 ناهنکام حل معاهد سلسله سلس الکلام ايله طرح
 مناقشه رد و قبول ایدوب منافسه فحام و فحول ایتکه
 مقصود ادره اعلیٰ و اعلیٰ

در سخن گفتن خطای جاهلان پیدا شود

نیست عیبی در نشستن جامعه کوتاه را

اول روز بازار بؤس و محنده ارزان فروش بقله وارزن
 و سودا کران صابون و روغن بر بلوک بقال و نقال
 مواجهه سنده کالای مباحث حوصله کداز حکیمه
 و دیبای زیبای مسائل دغدغه انداز کلامیه بی اندازه
 سوقی الفاظ نادر برابر ايله کج و مج ايله اولچوب

دیکوب « هر کسی بندد باین دکر دستار را »
 فحواسنجه هریری قامت اجتهادینه کوره برطرفه
 کسوه نادیده کسوب بچمکین دائماً مثالبه اولی الابراره
 شد نطاق اصرار ایدن بی ادبان طویل المسال حلیق
 السبیل بلکه صفت کاشفه بنی نوعی مصدوقه
 حاله الخطب اولان نیجه بایع التین والغنب که برمتهم
 الاول لم یکن فی العلم لم لم
 وفی الحسابان کم کم لانسلم

وفی الاخبار عن انت تروی

تجد فی کل واد الف عالم

نکته سندن غافلردر قیان خطب سنج کسسته
 دوالی مبران قوانین علوم آلیات و قنطار فخم فروش
 شکسته چنکالی قسطاس قیاس مساوات قیاس ایتمکله
 کیمی رعایت تعدیل ارکانده عجز وقصور امامه حکم
 برله عدم صحت جمعیه و کیمی حاز سکه قبول اولیان
 نقد ناسره فکر کاسدی نامزد نقش رواج اولیق
 ایچون کردن مخدرات منابر دن خلع حلیه خطبه به

ترصیف قواعد فروع و اصول برله تزئین اسانید
اساتید فحول اینمکده مجتهد کاشی و امام صاحب
خواشی اولدی

کنبه مسجد شهر از همه فاضلتر بود

کر بعمامه کسی کوس فصیح میرد

حاصلی جام زرین فام چارمین بمکاه زمر دیند، برقاج
کره دور ایتدی بونلر اداره کاسات قیل وقال ایله
سرکردان نشوه بکون اوله میوب نه دکلو ایرای زناده
رأی استدیلر اسسه انقاد فتله زحاجه استصواب
ایده جک شراره بی حصیل الله فر « من مشاهده
روشنایی ایده مدیلر تاهه تمنای عمر کس بچیزی
بود » فحواسنجده هر شخصک یافته کارگاه اغراض
نفسانیه سی اولان کر پاس سودای خام اول روز بازار
تمنای محالده دست دلال قیل وقال ایله مزایده
اوننوب لعاب کرم ابرشیم صاند قلری تازی سروب
تنه پوسیده بزاق عنکبوتی اولدیغی ظاهر اولغله
جمله نک رشته سی بازاره چیقوب « غزلت لکم غزلا

رقیقاً « ولم اجد لغزلی نسا جاف کسرت مغزلی » ترانه سیه
 هر کس حدی سنج جازه ایدی سببا اولغه شد
 خرام عزم ایدی یعنی مربوط مر سله غرضلری
 ولان رابطه ترده کوشه مقراض رجحان ايله فیصل
 ویرمد کلری ایچون جمعیتلری افکار پریشانلری کبی
 متفرق اولغه یوز طوبدی ناکاه مدار کارگاه تبلیس
 دیمکه صالح ابلیس کبی بر شخص خسیس میانه ده
 ممثل اولوب مضوره درون مکیدت مستحوننده
 مر هون و مکنون اولان نقره مغشوش فکر کاسدی
 اول سائلان کوچه مقاسده کنجینه باد اور پرویزی
 کبی بدل و ایشار ایتکله کسب مرتبه جعفری ایتک
 ایچون حل معاقد همیانجه دهان ایدوب ایتدی
 « یا معشر القوم بنم محک کار آزموده اجتهاد اصابت
 قرینده نامزد سکه ترجیح اولان ابریز رأی رزین
 کامل العیار بودر که ابتدا صورت ظاهرده ذیل طاهر
 شریعت نشیث ايله اهل الکتاب اولوب لوث شهوات
 نفسانیه دن قیص مدعا آب صاف تبرای صوری ايله

شست وشو قلنق اقدم اسباب مقدماتندر بعده
 بوامر خطیر وفق خاطر خواه اوزره صورت ختام
 بولجیه دکین رابطه سعی و کوشش کشاکش بازوی
 رد و قبول ایله شکسته و مقراض تعریض بدکیش
 و کرک تهدید بیکانه و خویش ایله کسسته اولماق
 ایچون جل متین اتفاهه عن صمیم القلب تابداة
 حلف و شرط اولمکز ایله تشدید مناطق وفاق دخی
 لازم اواز ماتنددر تاهر شخصک معلومی اولق کرک که
 بوسالک اولدیغمز ثبیه ده یا نائل امنیه ویا واصل منیه
 اولمغده کیت مکنت قهقری السیره رخصت جولان
 ویرلر یعنی سردن کجوب بو بولده جان ویرلمنجه
 جانانه ایرلر « دادیم نشان زکنج مقصود ترا » « کرما
 نرسیدیم تو شاید برسی » دیو التزام مالایلزم طریقه سیله
 تقدیم اسباب حرام نافر جاملرینه شد نطاق اهتمام
 برله ابوالصالح جهور اولغه متکافل اولوب مطلع
 هذیانن مقطع ختامه يتورد کده « باطل ز قرب باطل
 صائب شکفته کردد » « در کوش خوابناکان افسانه را

عروسیست « مقتضای سنجه کنارهٔ ثمیلہٗ دہانند، الودہٗ
 کف اولان پشیرہٗ کشف گفتاری اول خرکلهٗ خوش
 علفک پیرایہٗ بناکوش استخوانلری اولمغله برآغزدن
 « سوز سنکدر سخن بو کونہ کرک، » بزہ اما کہ بر نمونہ
 کرک، « اصبت فی هذا الرأی یا ابا المصالح، » کلبانکیلہ
 طاس شش جہاتہ مستولی اولان طنین ولولہ نیچہ
 مدت سامعہٗ کائناتی منصب ادراک صدادن معزول
 ابتدٰی پس در حال اول ستور منشان مراتع
 اساطیر بورأی سخیف اوزرہ متساویۃ الاقدام قیام
 وتہۃ اسباب کارزار خداوند کارہ تشمیر سابق اہتمام
 ایدوب « لوای شقاوت برافراختند، » پی کینہ سازی
 سپہ ساختند، » گرفتند پیران ز بہرستیز، » عصای
 ز شق عصا تند وتیز، » ز کیپا وکلہ پش وکنندہ کر، » بکر
 آمدہ لشکر کینہ ور، » ہمہ جنٹ جوی و ہمہ رزم
 خواہ، » ہمہ پای بی کفش و سربہ کلاہ، » ہر صنف
 برپوسیدہ، لوای مرقدی درفش کاویانی کبی
 افراشتہ و برپوشیدہ ضریح مشہدی دخی

سرا پردهٔ صاحبقرانی و ش برداشته قیلوب و عاظ
 کرسی پرست جهان پهلوان صندلی نشست و خطبای
 ذوی الاحشام امراء اصحاب السیوف والاعلام
 مرتبه سن احرار ایدوب ائمهٔ جماعت در قفا طلیعهٔ
 سپاه بهرام انتقام مقامه قیام ابتدی و مؤذنان
 دلکش نفس تهیج شجاعت لشکر ایچون حروب سنج
 اولمغه افراز و پاسبان محله اولان خانه بر انداز عیاران
 کردنکشان فلاخن انداز رتبه سیله سر افراز قیلوب
 فراشان جوامع و کناسان صوامع حظ رحال زوامل
 و ثقال خدمتی ایچون امتیاز اولندی و از لام غفل
 ارتسام جهالتدن حاوی قدح معلی اولان چب اندازل
 محافظهٔ میمنه به نامزد و سهام میسر خاستدن حائر
 قسط اوفی اولان قار بازلر ثلثهٔ میسر به سد قاتمق
 مناسب کورلندی و زاویه کزینان خانقاه ارشاد اولان
 اصحاب تاج و سکه دن صاحب الطبل و العلم اولنبره
 مردهٔ مرده دلانی ایله قلبکاهده جایگاه تعیین اولنوب
 « فلك یجنك فکندست تاجدارانرا » خرو سبازی

ین پیرا تماشا کن ، منطوقه سی روح بولدی ان هذا
شیء یراد « بلینا بقوم کالبهم لم یعوا » ارازل قوم
فی صفت اکابر « واولو شاء ربی خصهم بنلثة » قرون
واذئاب ووشق حوافر »

﴿ شرح مقاله اولی ﴾

مبدأ مقاله دن « بدین گونه قصر معلا قباب » بسته
قدر مبسوط اولان قش زرتار اشعاره کوره منشیء
رساله مبنای حادثه اولان افکار فسادیه بی برکاشانه یه
تشبیه و بین العرب غیرک کلام و مرانی کند و اثر
وجدان و ادعائی اولق اوزره ادعا ایدن متحمل و کاذبه
مخصوص « مدعی منقول » انقابی ارکان فتنه یه
عطف و تخصیص ایله انلک تأسیس ایتد کلری بلیان
فساد مائل انهدام و اندراس ایکن « رفعة سجده
وسواک » اصلا حنه ماصدق اولان متفذان موالی
و مشایخ معرفت لریله نه درجه تحکیم و ترصین و مدعای
فته کاری ایله نه صورتده تفریش و تزین اونند یغندن

بحث ایدوب بو تعریف و تمیلدن صکره « تختکاء
 خاقانی پیشگاهنده » تعبیری که سرای همایون جوارنده
 کائن جبه خانه بی معرفدر اوراده مختلفه الاشایب
 اجناس ناسک تجمع و تحشیدی بیان ایچون « وحشر
 سلیمان جنوده » آیت کریمه سندن اقتباس ایلشد
 و تکثیر الات و ادوات ایله اشخاص متحشدنک
 قائم مقام پاشایی اختفایه مجبور ایلد کیری « نطح
 قرون » و مرتضی اغایی قتل ایلد کیری « رفض
 سرون » اصطلاحیله در میان و بین ان عرب ظلام
 لیلده کمرده راه عمران اولان شخصک استماع صدای
 کلاب ایله طریق مقصوده شتاب ایچون استنباح
 ایلدیکی کبی جبه جیلرک لیله بغی و طغیانده کویا
 مستنج اوله رق محرک لرینک کلاب اغرا لری صداسنی
 گوش ایلد کرنده هولرینه متابعتله انلره ملحق
 اولد قلمی دخی « نباح اغرا » مثلی ایله اتیان قلنش
 و « کلو الناس علی قدر عقولهم » تابخانه سنده بربر
 ترتیب ساز ولیمه بی مزه « تعبیر یله جمعیت فتنه

دعوت اوشان علما و مشایخک میدان لجمده کائن اورتہ
جامعہ تشکیل حلقہ مذاکرہ ایلدک لری ایما وانلرک
مابعدی اولان فقرات ایلہ ارکان انجمنک سوء
حرکت لری انہا اولمشدر « مباحث حوصلہ کداز
حکمیہ » کہ ضروب امثال شرحک پیانہ کورہ
فلاسفہ نک افراد انسان ماہیت نوعیہ ده مشترک
و حقیقتہ جملہ مساوی اولوب ملوک ایلہ احاد رعیت
بلکہ پیغمبران عظام ایلہ سائر امت بحسب الانسانیہ اخرہ
تفضیل اولمز قوللری، دأردر اثنای استشارہ ده امور
دولت و مملکتک ارای مشترکہ عمومیہ قوتیلہ ادا رسی
تکلیف و تفویہ اولندیغنی و « مسائل دغدغہ انداز
کلامیہ » ینہ شرح ضروریدہ محرر اولدیغنی اوزرہ
نصب و بیعت امام بخشنده اولان اقوال خوارج
جملہ سندن اولمسیلہ اولیابیدہ دخی تعاطی افکار
قلندیغنی و « رعایت تعدیل ارکانده عجز و قصور
امامہ حکم » عبارہ سی ایلہ « خلع حلیہ خطبہ »
فقرہ سی سلطان مصطفی خان ثانی حضرتلرینک

عدالتده قصورری دعواسیله اوزرلرینه رفع اوئی
خروج اولندیغنه بناء ختام مصلحت فتنه یه قدر نماز
جمعه نك تركنه قرار ویرلدیكنی ایهام ایدر چونكه
صحایف گذشته ده ذكری زبازد قلم طلیق اللسان
اولدیغی وجهله عظمای حله علوم فیض الله
افندی یه بدخواه اولوب نیچه زمان خزینه قلب
حزینلرنده مدخر اولان نقود کینه بی بویام شور
و شقا فده صرف وایشاره مؤلفین رساله فسادك
دعوتلرینی وسیله اتخاذ و مشایخ و وعاظ دخی
کندولرله اتحاد ایدرك بوجه محرر اورته جامعه ده
بسط سجادۀ ارام وایهامات مشروحه نك تفصیلاتی
اوزرینه مباحثه قیام ایله نماز جمعه نك تركنه قرار
ویردکلرندن بشقه اعظم شعائر ملت محمدیه اولان اذان
شریفدن درت هفته قدر ایام منار جوامع محروم
اولش ایدی مؤلف رساله اشته بو حالری لسان
تقیح ایله بیان وایمادن صکره « حدی سنح جهازه
ایدی سبا » مثل مشهوری که بردها اجتماعی منصور

اولیان تفرق ایله متفرق اولان قوم حقنده مستعملدر
اکا مربوط اولان عبارته انجمن استشاره ده جریان
ایدن مقلاتک ترک جمعه دن ماعداسی بر نتیجه قطعی
متحدیه واصل اوله میدرق ارباب فتنه نک جمعیتلرینه
تفرقه قویه کلش اولدیغنی ایراد و مدار کارگاه
تلبیس دیمکه صالح ابلیس کی بر شخص خسیس
قولبله معن زاده صالحنی مراد ایدر زیرا تصورات
فسادیده اختلافات کلیه رونما اولمقله بر ابرهیئت
فتنه نک تحکیم اسباب قوت و حرکتنه مقتضی
سرمایه نقدینک فقدانی تشویش اذهانی استلزام
ایتمکده ایکن معن زاده صالحنک تحصیل نام و کام
ایچون جمعیت اختلاله داخل اولسی و تدارک زاد فساد
صرف اولمق اوزره اوتوز کیسه اچمه اعطا ایتمسی
وساحه عصیانده ساده دلان عوامک غلیان اذهانی
موجب نطقلر ایراد ایلمسی بین الجمهور اختلافی اتلافه
ونضادی اتحاده تحویل ایتمکله آتش شورش و اختلال
دها زیاده کسب اشتعال ایلمدی معن زاده صالحنی

ذاتاً اسافل ناسدن بر شخص ايکن خزينه کتخد الغندن
مقاعد شاملی معن زاده حسن بکک اغوش تربيتنده
پرور شباب اولوب وانک وفاتندن صکره مترو که سنی
تزوج و حسن بکدن منتقل نقود کثيره بی تملک ایدوب
بو طریق ايله مدارج مناصبدن غلطه و یوده لغنه دخی
ارتقا اتمش ایدی ظهور فتنه ايله اسافل ناسک
رواجنی کورنجه و یود دلق لباسنی قامت اشتهارینه
کوتاه عد ایدرک سپاه اوجاغی بلوک اغاقلزندن
برینی و بعدده جمعیت عصیانیه اعانه سی مقابلهنده
سپاه اغاغی منصبی استحصال ایدی اشته متن
مقاله ده (نقره مغشوش فکر کاسدی اول سائلان
کوچه مفاسده کنجینه باد آور پرویزی کبی بذل و ایشار
ایتمکله) عباره سی معن اوغلی صالحنک نشار نقدینه
معاونت ایلدیکنه اشارتدر و (یا معشر القوم)
خطایله ابتدا ایدن نطق دخی انک مقاله سخیفه سیدر
و بونده (ذیل طاهر شریعتہ تشبث ايله اهل الکتاب
اولوب) تعبیردن مراد موالی و وعاظدن کندولرینه

رهنا اولنلره اتحاد و انلرك اذبال همت و معاونتلىنه
 تشبثله امرلىنه انقياد ايتنك لزومنى جمعيت فتنه يه
 تفهيمدن و (سردن كچوب يويولده جان و يرلينجه
 جانانه ايرلن) سوزى دخى هيئت مجتمعه ايله ادرنه يه
 كيديلوب ماده خلعه قرار و يرلدكجه فيض الله
 افنديك قلع شجره اقبالى ممكن اوله ميه جغنى تبليغدن
 كناية در « بوراى سخياف اوزره متساوية الاقدام »
 قولندن مقاله نك ختامنه قدر آرايش سطور اعجاز
 اولان الفاظ و تعبيراته نظراً معن زاده صالحنك كلام
 مفاسد ارتسامى يالكن اذهان ساده دلانه دكل افكار
 علمائى مجلوبه يه بيله هيچان و ير مكله امر خروجك
 مر كز فعله ايصالنه متحداً قيام و ترتيب كتيبه عصيانه
 اقدام اولنوب وعاظ و خطبا و مشايخ و علمايه ميمنه
 و ميسره و قلبكاهده تعين مواقع امتياز و مؤذنان
 و كناسان و درويشان و پاس بانانه و سائر اشخاص
 و كسانه خدمات لازمه ارايه و افراز ايدلى
 بواجالك مبتنى اولديغى كنايات و ايهاماتدن « تهيه »

اسباب کارزار خداوندکاره تسخیر ساقی اهتمام ،
 فقره سی خروج علی السلطانہ اجناسارده جهورک
 اتفاتی و « هر صنف بر پوشیده اوای مرقدی
 درفش کاویانی کبی افراشته و بر پوشیده ضریح
 مشهدی سرافرده صاحبقرانی وش برداشته
 قیلوب » تعبیری ارباب فتنه نك علامت طغیان اولمق
 ایچون راست کلد کلری تکیه و تریه دن بیر اقلردن قدن
 بشقه مشهد مقدس ابی ایوب انصاریده اولان
 علم مبارکه دخی دست انداز تعرض اولدقلرینی مبیندر
 فی الحقیقه ظهور وقعه ده اول علم شریف بوستانجی
 باشی طرفندن خفیاً سرای همایونه نقل اولمش ایکن
 زمره عصاة سرایه هجوم و دخول ایله سنجاغی
 و بوستانجی باشی بی الوب جمعیتلرینه کوتورمکله
 بوستانجی طائفه سنی زیر اوای اتحاده جلب ایلشله
 ایدی

متن مقاله ثانیه

بومقاله نفیس اول خیالبازان خیمه تزویر وتلیسک
وجهاً من الوجوه، سرزده خاطر ابلیس اولامش ابداع
ایتدکلی بعض صور اعجوبه بی بیان ایدر .
صاحب سخن فسانه پرداز
زین قصه چنین خبر دهد باز

اول مهره نغاثات فی العقدک بهجت افروز غرقه تحقیق
اولان شاهد مردم فریب مختصات عجیب نرندن بری
بوایدیکه هنگام شهر آیین وقاحت ده جهال آرا
اولدقلری هیکل خزعل مکیدتی مرایای عیون
ساده دلان ظوهر پرستانه حلی و حلل عفت و دیانت
ایله صورت امانتد، ارادت ایچون هر کون علی التوالی
ایچلرندن بر نیجه مقدم مقدمات فسونه بری مقدم
دیگری تالی اولوب هر برکشتنی منافق اولان بحبل
سیاست آویشتنیک فرقه لازم غیر مفارق نکائب
کبی قفا سندن اربابوب ایکیشر ایکیشر مناهر محلات
شهری کررلر ایدی خالک بیزی غریبال مکر و احتیال
ایله یشرو اولان ابوالحلیله همیان و جزدان و سکنین

و یا خود سبجه و مقرمه و انکسترین مثل و فقدانه صباح
 نیچه اشیایی سمت سمت رهگذر متغافلانه القوا طرف
 لحاظه جفون ایلہ رفیق اولان ابن غیہ ایما ایدوب
 کچردی در حال اودخی یولده بولمق طریق ایلہ اخذ
 ایلدوب « یا صاحب المفقود کل که شاهد تابنده غدار
 دولتک مجلای ظهورده رونمودا وادی « دیونیاخ کلو
 فشار ایلہ نباح ایدرک بر زمان کز دیروب میدانده حاضر
 اولان ارذال و انذاله افاده و اشاده دن صکره کتوروب
 بالای لوای شقاوت التوایه آویخته ایدردی تا کد اول
 اتناده اگر بعض مهم ضروری ایلہ بیرون حیطة سور
 شور بولنش اهل شرور و ارایسه انکدخی منظور
 و معلومی اولمق ایچون فراز رایت مفسدت طرازده
 ایکی اوچ کون یادخی زیاده طورر ایدی بعده هر بر
 دغلباز علی حدة کلوب وجه محرر اوزره اطراف
 معر کده القا و ترک ایتدیکی هر نه ایسه حقیقه
 مفقودی اولمق ادعاسیله علی رؤس الاشهاد لقیطه
 معهودی بربر تعداد ایدرک اراده استرداد ایلہ

اظهار شیطنت قبلد قده امیر اصحاب مکاید اولان
 دعیص مفاسد عیون ناسه ناصیه حال اعوان و سمه
 حلل و حیلدن پالک کو سترمک ایچون شیء ملقی صاحبیه
 دفع و تسلیم اولنن دن مقدم میانه جهورده کر پاس
 اکثرانه جالس اولوب علی ملاء الناس تفقد مفقود
 ایدن عیار معهودی نطع تعذیل و توبیخه جائم و سیف
 مدجل تعریض و تأدیبی فسانه فسون ایله صارم
 و قاصم ایدوب متاصحانه بویوزدن توجیهه وجهه
 عتاب ایدر ایدی که « یا ایها المؤمن ارشدک الله العزیز
 المہین » نیچون هزار کد یمین و عرق جبین ایله حائر
 رهین تملک و تصرفک اولان عروض و عیونک
 صندوقه محافظتنه قفل تقید اور مغله حراستی بایند
 اهتمام تام کو ستر میوب دوشردک معاذ الله تعالی اگر
 بر مضموره قعرنا که انهمالک ایله متواری خس و خاشاک
 اولوب بولنماش اولیدی ظاہراً بوجریده جمعیته
 شیرازه بند تألیف اولان برره کرامی نشانه نشابه طعن
 و لعن ایدوب سن « اگر بوجعیت اولسیدی بنم شیم

ضایع اولزدی ، دیو وزر عظیمه بزایسه مفقودی
اکتتام نهی ایله بین الاتام شین الیه گرفتار اولسامز
مقرر ایدی ایدی بودفعه معفوسن اما بوندن صکره
خرانه خانه عطیه بهیه الهیه دن رثاث و کشیب نشوب
دخه حظ ونصیبک اولان تلید و طریف هر نه ایسه
برخوشجه حفظ ایله « یابانه براقه بونی سن بردخی
ایتمه ، دیو نیجه اداعی ابله فریب ایله اظهار سحر
آفرینک ایدرک نام مسیله کذاب صحیفه روزکار دن
محو ایتدی کذلک یراعه براعه صحت ایله نکاشته
صحیفه سامعه یقینم اولان اعجوبه ناشنیده دن
برسیده بوایدی که رایت افراز ارتحال اولدقلری
کونده عرانی قومدن برلیم سخیم الله تعالی وجهه
براسب مطلق کجیمی وتیره معهوده اوزره بر او باش
زیمه خفیه تسلیم ایدوب ایکی کون راحله دن بیرون
و بعد مکلده ارتعا ایله غیبو بتی تعلیم و تأکید ایتدی
و تمام داخل طویله بغی و فساد اولان خر مشربان
شناعت اعتیادی اول فرس رهوار شارد و نابیدار

اولی اوزره فریفته ایتد کدن صکره اوچنجی کون
 مضرب خیام منکوسلری اولان منزل بؤسده طناب
 خرگاه مشعبد دستکاهنده که رابطه مصائد
 و مکائددر بلاوسیه بروئیه ایله مربوط کوسر مکین
 ملحه توبه اسنادی کبی اردولینه افترای امانت
 ایله توسن چاپکرو مباحاتی عرصه مبالغه ده رکوض
 ایله لئک ایتمشلرایدی و بودخی استراق سمع ایله
 تعاطی دسایس احوال ایدن جاسوس سرایرد
 سرایر تقریری ایله کالنتش فی الحجر ثبت صحیفه
 تحقیق قلمش بر امر عجیب جادو فریدر که ارباب رقی
 و عقددن رافسونکر بر مقدار اب متنی بعض اعشاب
 کریمه الشم عصاره سیله خلط ایدوب لبریز قاروره
 بلبله اولان بلبله فوادی کبی صنوبری شکل بر قاروره
 اهلا ایتد کدن صکره آغزیه موم سرخله قلب و سمع
 و بصری کبی اوچ یردن خمرن اولوب اوستنی الوان
 ابریشیم پریده رنگ ایله بافته بر غشاوه کهنه نما ایله
 مغطی قبلدی و میانه رباطات خرمنشان شدید

الشکیمه ده واقع جامع شر یفک فراشنی نیچه وعد
ووعید ایله اطماع واضلال ایدوب آرایش طاقه
محراب نظمی اولان سائر آویزه لر اراسنه آویخته
ایتدی وبودس دسیسک عدم کمتانی ایله کردن حالی
بوسه کاه تیغ بران « فقد خاب من دساها » اولقدن
مصون الساحه اولسنی مؤید غلاظ ایمان ایله تشید
بنیان اطمینان ایدوب هر یوزدن دروازه وثوق
برکتدی بعده جمعیت کاهده واقع شجره قواق که
هر شاخنده برنسناس مد صدا ایله شد صورت
مدعا ایتمدن نمونه نمای درخت وقواق اولشیدی
بالاسنه صعود و تصفیق ید ایله زاغانه آغاز نعیق
ایدوب ایتدی « یا عباد الله رحکم الله الرؤیا الصادقة
الصالحة جزؤ من ستة واربعین جزؤا من النبوة »
حدیث صحت نصابی بی ریب و مین « وما ینطق عن
الہوی » لجه رحمت موجه سنده سیراب زلال « ان
هی الا وحی یوحی » اولان مروارید کلام جناب
ختمیت مقام دندر « علیه اکمل الصلوة والسلام » زنهار

لباس شعار تقوی دثارم دنس نصنع سمعه وریا ایله
آلوده قیاس ایتمکز تحقیق سوزمدر که ایام غنغوان
طفولیتدن هنگام خزان کهولته ایرنجه هر کیجه
بعد الصلوة العشاء قرق رکعت نافله نمازی ادادن
صکره عهدہ التزام سلوکه رائیه متختمه اولان
جریده اوراد واذکاری برختم کلام مجید ایله مسکی
الحام قلیق خاصه مجاهده بایزیدیه مه مقصور بر خارقه
عذیم الوقوعدر بوشب دخی معتاد مالوفم اوزر اداای
فرائض و سنن و نوافل برله قوافل دعای سربع
الاجابتی ساحه عرش رحانه سوق ایدوب استغراق
مجددات متوالیه ایله عالم وجدده بی وجود و بی تعین
سیر بالله ایدر کن جلباب خواب منظره کاشانه ناسوتی
اولان چشم ظاهر بینم غشاوه کش حجاب صوری
اولوب ناکاه ناظر زهتکه کاستن لاهوتی اولان
روزنه خلوتخانه جنان نسیم منام ایله مکشوف
وانسان العین بصیرت که نقطه سواد مضغه صنوبریدن
عبارتدر حظیره چنانده تماشای ابهت حسن و بهای

بنفسه مویان (لم یطشهن انس قبلهم ولا جان) ایله
 مشفوف اولمشیدی کوردم که محاسن بیضا ضیاسی
 گوشه ردای خضر اسیله مساوی و تباشیر صبح
 صادق اولان جبین ذکا ذکاسی شمع نیر اعظمی
 منافی یشلار کیمش بر پیر نورانی دستنده نوردن بر
 حربه کونه عصای درخشان (سبح قدوس ربنا
 ورب الملائکة و الروح) تسبیحی ایله لب جنبان
 فارشده ممثل و نمایان اولدی و بکا « قم و عجل
 بتأیید الله القوى المنین » بوتیه تشویشده بونجه
 کوندر متواهی اولان مؤمنینه هادی سبیل اول که
 یولاری بر راقینک عقدی ایله بغلودر و اول رقیه
 بر شیشه ایچره تعبیه و اشته بوجامع شریفک محرابی
 محاذیسنده آویخته اولمشدر دیو بنایله اشارت
 ایتدیکی طرفه صرف لحاظه جفون ایتدم عینیه
 جامع شریفی و محرابی محاذیسنده معلق اول شیشه
 کتبی آشکار کوروب بیدار اولدم یا معاشر المسلمین
 نخلستان عالم معنادن چیده دست شهودم اولان

با کورده خارقه بی وضع طبقه اعلان ایدوب بو مجلس
حافله تبلیغدن غرضم حاشا ثم حاشا دعوای ولایت
واظهار کرامت اوله « بکیش اهل وفا مدعی نمیکنجد »
آنجق سر رشته تمشیت مر امکنه عقده تعویق اولان
عقد و سحری ثنایای هدایت ایله حل ایتکه رؤیا ایله
مأمورم پرورده حجله سرای الهام اولان مخدره
نازک اندام منامک رخساره دلارامندن رفع قناع ایله
انقشاعنده ناصبور اولدیغمک وجهی واردر مجبورم
ارنلر نفسی طوتملیدر ایها الاخوان کلام نصیحت
نصایمی کوش جان ایله اذعان ایدیکن توقف محلی
دکلدر .

بوکا اهماالده خطر واردر

عقلکنز ایرمدیکی بر واردر

بو بایده تکثیر ابرام ایله تکریر کلام زنهار هزار زنهار
« کفتن بسیار نه از اغزیست » « ولوله طبل
زیمعزیست » منظومه سنه حل اولمسون هپ
سوزرم سزرك منفعتی ایچوندر « بهر جمعیت

دلهاست پریشانی ما، یوحسه لاعلی ولایا، دیو
 قداحه ریو وریب ایله برمرتبه شراره پاش مکر
 و فریب اولدی که عالم طوتشوب یانه یازدی حامه
 وعامه متفق الکلمه نقدر جوامع وصوامع واریسه
 تفحصه تشمبر ساق عزیمت ایتدیلر بوخلالده جامع
 معهودک کناسی اولان تلید خناس از برایتدیکی سبق
 وسواسی مواجهه ناسده تکرار ایتک ایچون بالای
 درخت مسبق الذکره صاعد اولوب صغیر بومانه
 ایله فریاده باشلدی که «امت محمد اشبو عزیز
 صاحب رؤیای صادقه» «حضر معجز نفس دکسه
 اگر هله بی شبهه غوث اعظمدر» «متعالله تعالی وایاکم
 ببرکه انفاسه القدسیه» «واقعہ سی واقعہ مطابق وکلام
 جواهر نظامی مقتضای وقت و حاله موافق دستیاری
 غواص منام ایله ساحل انداز عالم شهود اولدیغی
 کوهر خازقه وشاح الصدر کرامت بر شجر اغ عالمتاب
 کبابدر زیرایکی سنه مقدم بر شخص مشکل وموقر
 حتمیر بر تقصیر بر آویزه مخروطی الحجم دفع وتسليم

و « اکثر احیانه شق عصای موحدینی مستلزم امر
ناملازم بوجامع شریف جماعتندن ظهور ایده کاشدر
تعویذ اُله بونی طاقه محرابه آویخته ایله ، دیو
تعلیم ایتدی بن دخی سپارشی یرینه کتورمشیدم
بومرد صاحب کشفک وصف ایتدیکی شیشه حالا
طاق محرابه آویخته در .

نی عجب کر کشف شد اندیشه اش
شیخ چون شیرست و دلها پلشه اش

بود پیشش سرهر اندیشه
چون چراغی در درون شیشه
بویابده تقصیرات ایله ناصیه حالمه عارض اولان
سخن لعل استین عفو و صفح ایله اضمحلالن استدعا
ایدرم ، دیو تصدیق مدعا ایدنجه هرزه دوان بادیه
خزلاندن برالای خانه خراب صوب جامع شریفه
بربری آردنجه شتاب کو ستردیلر و در حال شیشه بی
بولوب کتوروب جمله مواجهه سنده خرق غطا
برله قع ختام و قلع دسام قیلد قلزنده درون شیشه دن

متصاعد اولان بخار منته مجاورتبله تغییر کیفیت ایدن
 هوا پرده شکاف رعاف شم العرائین کائنات اولدی
 وقتا که مختل دماغان زکام بغی و فساد اول رایحه
 کریمه بی استنشاق ایتدیلر براغزدن کره عطسه
 تصدیقه کساد و یروب اول قاروره بی قلب عاشق
 کبی مکسور و الحمد لله تعالی اوزر یزدن طب سحر
 وعقد نشره مندفع اولدی « دیو بر بر یله مصافحه
 ایدرک اظهار سرور قیلدیلر « لیس اول قاروره
 کسرت فی الاسلام « حقا که خاک بیزی غریبال فسون
 وفته انکیز ایله اطراف حیطان روزکاره تعبیه
 ایتدکلری ریشه نفاق و شقاق شریان هیولای زمین
 وزمان کبی چار باغ صور کائناته جاری و ساری
 اولوب صنیعه دفعه حرص اشعی اولان نسیم رنگامیز
 مختوعات تار بود تدارک امور ام ایله دیبای زرین
 تار تبریزی مثال بر کونه نقش بسته تازه طرز
 ابله فریب اولدی که ستره کلبه قبطی اولغه مناسب
 متاع بازار سپش ایکن سمسار بندرگاه مفساد، الحیل

بود سرادق محراب ملکوت دیو صاعدی ورهینه
 کتفه زن جلبی قلنان حورانی کثیرالدام تمویهات
 پرداخت انسجام تدبیر کارخانه عالم ایله شیروانی زر
 دوز عجمی کسم اولوب طراز لکه دارینه بر بوزدن
 مگوایه حقانیت اورادی که ضریح زاویه کیلکی
 بایه پوشید اولغنه صالح برد صوف غنم ایکن
 یرده حریر بیت الحرم کبی عالم زیارت ابتدی .

حاشاکه خلق کار برای خدا کند
 تعظیم مصحف از پی مهر طلا کند

این جامه حریر که مخصوص کعبه است
 پوشند اگر بدیر با و اقتدا کنند
 چون ازدها کلید در کنج کوه رند
 وز بهر نیم حبه جدل با خدا کنند

شرح مقاله ثانیه

منشی رساله نك عنوان مقاله: یاد ایلدیکی خیالبازان
 رهنمایان گروه فسد، اولان کساندر مأخذ من اولان

اخبار موثوقه به نظراً تجمع اجناس ناس ايله آت
 میدانی جولانکاه سمند شور و شر و نمونه نمای روز
 محشر اولد قده اهالی استانبول حرکت یغما کری
 و خوزری کبی بر بلای ناکه اینک ظهوری احتمالیله
 اویله بر هیئت مختلطه مغسده نک تحت ظلال سیوفنده
 تمکن و آرام ایتمکدن بغایت متوحش و ملول اولد قلزندن
 او مقوله سوء افعال و معاملاتک سیباً من الاسباب
 وقوعی تجویز اولمیه جفی بخشنده افتده عامه نک وجوب
 تأمین و نظمینی و بوضرعه سلاح بدست عصیان
 اولان جنود مجتمعه نک رابطه اتحاد و اتفاق اینک
 تحکیمی پیشوایان ارباب فتنه بیننده قرار کبر اولمخله
 برابر قول و فعلاً اجرا ایلیمه جگری تأمیناتی جهله ناسه
 خارق العاده بر شکل و صورتده کوسرتمک کند ورنجه
 فوائد و محسناتی دخی اعتراف ایلر لیله در او تدابیر
 حیله کارانه و ابله غریبانه اجرا سنه قیام و صورت
 حقانیت پروریده عرض دیدار مکر و فسونه اهتمام
 ابتدیلر

✽ بیت ✽

باطل همیشه باطل بهوده در ولی
مشکل او در که صورت حقن ظهور اید

اشته اولوجهله نسیم دستکاد تزویر اولان کر پاس
خده نك اشكال والوانی بومقاله نك حاوی اولدینی
حکایه لردن تمامیه اشکار اولسیله انلرک تفسیر
وتشریحنه حاجت کوریه میوب فقط حکایات
مسروده ده نام و عنوانلری مرموز اولنلرک بروجه آتی
تعریف شخص و حالرینه وجعیت فتنه به متعلق
بعض تحقیقات مناسبه نك علاوه سینه ابتدار قلنور
حکایه اولیده و شمه طراز ابروان سطور اولان (امیر
اصحاب مکاید دعیص مفاسد) تعبیری تیمارلو
سپاهیلرندن قره حصار شرقلی قره قاش مصطفایه
اشارتدر که باب دفتریده باقی قوللرندن ایکن محسن زاده
محمد یاشانک دفتردارلغی ایامنده فیض الله افندی نك
تلخیص جیسی بیلانی محمد اغا سعایدیه مدار تعیشی
اولان تیمار دست تصرفدن نزع و باقی قوللغندن

دفع اولنوب بعده وقوعبولان استشفاعی اثری اولق
اوزره دفتردار اغاری زمره سنه التحاق ایلش ایسه ده
تیمارینک رفعندن طولابی فیض الله افندی و منسوباتی
حقارنده اضمار کین ایتمکله بر خدمت مهمه ايله
اناطولی طرفنه عزیمت ایچون ادرنده دن استانبوله
کلوب اسکدارده تدارک اسباب سفریه ايله مشغول
ایکن ظهور سیل العرم فتنه دن خبردار اولدقدده
سودای انتقام ايله عنان عریمتی میدان بغی وعدوانه
دوندیرمش وارباب فساد بیننده تعین ایتمش ایدی
حکایه ثابیده مندرج (عرانین قومیدن برلیم)
تعبیری متسید مصطفایه راجعدرکه اوزون چارشو
قربنده کائن ابراهیم پاشای عتیق جامعنده قیم ایکن
اورته جامعده اشغال قنادیل فسادیه ایچون هیئت
مجمعه ساداته رئیس ومیدان فتنه ده سر بازاران عصاته
انیس اولوب جلوس احد خانی وقوعنی متعاقب
بر مقتضای حکم ناهنجار زمان ادرنده امامت
شهریاری مرتبه سنه دخی استیلا ايله شادمان

اولشدر (عرانین) کله سی برایشک مبدأ واولی
 و بر قومک سید و اشرفی معناسنه اولوب متسید
 مصطفی دخی سرخیل سادات و مهیج عروق فسادات
 اولدیغندن مؤلف رساله نك اكا (عرانین قومدن
 برائیم) دیمسی احوال و افعالنه موافق کورینور
 بنه حکایه ثانیه ده مسطور (رایت افراز ارتحال
 اولدقلری کون) عباره سی جمعیت فتنه نك آت
 میدانندن نقل و حرکتلرینی مبین اولوب چونکه
 اوراده تجمع و تخرب ایدن طوائف متنوعه بروسه
 وازمید کی جوار اولان بلاد و قصباتدن استماع
 صدای فتنه و اشوب ایله فوج فوج استانبوله
 قوشوب کلمش اولان زور بالرك الحاقنه مبنی تزايد
 ایدرك میدانده تحريك اقدام فساد ایله جك یر
 قالمدیغندن یکی بغچه جابرینك مضرب خیام نحوست
 اتسام اولسنه آرای امرای مفسدت انما ایله قرار
 و یریلوب رفع لوای طغیانك بدنجی و شهر ربیع
 الاولك اون ایکنجی کونی آت میداننده ثقلت رس

اقامت اولان گروه عصائک اکثری امواج دریا کبی
یکی بغچه به آقوب کندیلر ورکز اعلام بغی
وعدوان ایله اول ساحه نظیفی دخی تلویث ایتدیلر
بنابرین متن رساله ده (مضرب خیام منکوسلری
اولان متزل بؤس) تعبیری یکی بغچه دن کنایه
اولی لازم کلور .

حکایه ثلاثه ده محرر رؤیانک مقرر و معبری نصوحی
دده در که مقدمه ده بیان و افاده قلند بغی وجهه
ارکان فتنه نک گرفتار دام اغفالی اولنلردن ایدی
(میان رباطات خرمنشان شدید السکیمه ده واقع
جامع شریف) تعبیرندن مراد یکچیری قشله لری
اولان میدان لجه کائن اورتی جامعدر .

و (جمعیت کاهده واقع شجره قواق) دخی اوراده
بولنان براغا جدن کنایه در حکایات مشروحیه نک
تکمله سنده مندرج فقرات بدیع المأل مخترعات عجیبه
خیال بازینک بطلان حقایقنی و نصوحی دده نک
تقریر و تعبیر رؤیا ایتسمه باعث اولان ملاحظاتک

دقایقنی حاوی و تشریح و تفسیردن مستغنی بر طرح
 بی مثال اولغله اولباده اختیار ایجاز اولندی .
 روایات مختلفه دن استنباط اولنان حاله نظراً مومی
 الیه نصوحی دده اول هنکامده وعظ و نصیحت
 الیه مشغول و مشتهر اولوب طلاق لسانی و بین
 العوام تأثیر کلام و بیانی حسبیه مؤلف کتاب
 مفسدت اولنلرک دعوت و مراجعتی اوزرینه میدان
 طغیان کلمش ایدی لکن منشی رساله نیک تعریف
 و حکایه ایلدیکی رؤیایه دائر نه کندوسنت اثر
 خامه سی اولان تاریخیچده ونه ده سائر وقایع نامه لرد،
 تفصیلات و معلوماته دسترس اولنه مدی .

﴿ متن مقاله ء ثالته ﴾

بومقاله خوش آیند، ادا قفسار اضرا رده هروله نما
 اولان خرکله کندولره پیش آهنگ قطار بغی
 وطنی اولق ایچون صید ایتدکلی برایکی حیوان
 بی اذغانی بیان ایدز .

مرصع ساز دیهیم معانی

چنین کرد از سخن کوهر فشانی

نقل بندرگاه تفصیل قلنان احوال قاصره الظهر
مصائب والامه سربار اولان متاعب جانکا همدندر که
حلبه شقاوتده مطلق القوائم اولان بهیمه که همیشه
ازمه شیمه ذمیمه لری مربوط سنکیمه شقا قدر بوشورش
قیامت نفاقد ه انلر دخی باشمز اجله تخلیه بغلودر
نهمیه سیله « جسداله خوار » هر قفادن بر صدا
وهر صدادن بر طرفه ادا ایله قاطبیه « انا وجدنا
اباءنا علی امة » مسلکده سالک اولوب اگرچه مطیه
متابعی « وانا علی اثارهم مقتدون » وادیلرینه سوق
ایتمشلرایدی لکن ایچلرندن کرک باران دیده بعض
غلظای سلیب الحیالی بر بریله آب در زیرگاه احرای
میه مشورت ایدوب دیدیلر که « حالا لازمه حزم
واحیطاط ایله مقتضای حیت مر دانکی بودر که
سر رشته حل وعقد اموری امر خروجده تقدم
ایدن مدعی متقولرک حل مر تعشلرندن دستبرد دلیرانه

ایله نزع ایدوب معول علیه کافه جههور اولده
 قصب السبق جلادته صرف لجام اهتمام ایدهوز،
 تا که بو خطب عظیمده اول ثله ضعیفه بزه سبقت
 ایتک عارندن مصون الساحه اولوب دامن اخر
 الزمانه دک هر بریمز وسیله شهرت و ظهور اولور
 مساعی موفوره وجوده کتور مکله سکه بی مر مرده
 قازوب فص نکیں ایامده تحصیل نام و شان قبله وز
 والا اول برکستوانی تمدین رکابی چوپین تبری مر وحه
 ترکشی مکله سپری غربال مغفری مکیال راکب
 مراکب زبال اولان کتایب ارزال که اغلب مبارزلی
 کوه دلال مقوله سی دلاک و حلاق بر بلوک رزله
 سوجه در نشبو راغم انوف اعدا اولان مردان نبرد
 آیین قلعه کشایه هر حجام کلیل المشراط « انا ابن
 من دانت الرقابله مابین محزومه اوهاشمها تأتیه
 بالرغم وهی صاغرة فیأخذ من مالها ومن دمهها »
 فضایدیله کار فرما و هر قوائ کثیر المخاط « انا ابن
 الذی لا یتزک الدهر قدره وان نزلت یوما فسوف

تَعُود تری الناس افواجاً علی ضوء ناره ففهم
 قیام حولها وقعود، او ابدیله زمزمه پیرا اوله رق
 مالک الرقاب کجنوب بالضروره شمامه سر مطاوعت
 دستخوش تصرفلری قیلغلله دمبدم روی و سریمز،
 حواله تبغ و طیانجه امر ونهی و بحسب الاقتضا
 کلغیجه مسامع قبول هوای تقوللری ایله اشکفته
 اولغلله قت قت زیب دستار «ان یلی» ایدملر پس
 مغفرمز سطل بر بردن و سپرمز دف خنیا کردن
 نوجهله فرق اولنور اول موشح اولدیغمز اسلمه
 خون اشام بومقوله خون گرفته لردن اماطه تغلب
 ایتیمجک آلات فصاد و ادوات حجامدن نه جهتله
 امتیاز بولور مکتب عرفان اولان صدر دکان یاران
 صفاده تعاطی رحیق مباحات ایله توشیع دوش
 جلادت قیلدیغمز کرز کران و کان مجره عنوان بو کونده
 ینبه وجود معارضانی «کالعهن المنفوش» کوسترمجک
 ردخی قوس و محبض حلاجدن نیجه ترجیحه صالح
 اولور شمدنکیرو هلال افق مفاخرتمز اولان

وزانه باروت زرین کوب ایله اول جزایری تفنگار
 یاران قهوه دسـتـنده قلیان تنباکو وقضیب دخان
 تریاکی اولوب تمیمه کریبان شجاعتمز اولات کیسه
 فشـنـکل وایچتده کی گروهه اسرینه ارباب نشوه
 بزمنده موسـیقـار مجلس افروز ومهره حقه بازان
 دیده دوز اولمه دن غیری دخی نهایشه یار هر بریمز
 بر شاهباز زرین اسکف بلند پرواز ایکن فاخته وش
 پذیرای طوق فرمان زاغ وزغن اولمه دن اولک
 ارجح واعلی دکلیدر النار ولا العار « بزیر تیغ
 هلاکم زبار درد رواست که بارمنت دونان کشم
 بسربازی « یوخسه بز دخی بنی نوعمزدن کندیمزه
 برکار فرما اتخاذا یتمکله جم ودارایه ساهره غبرابی
 تنک وتار ایتمکده انلردن کیرو قالور میوز « سراپا
 عشقم اما کار فرمایی نمیدارم که بر فرهاد و مجنون
 تنک سازم کوه و صحرا را « دهرک اول فسدۀ عنده
 بر برینه دامن زنی استغوا ایله برمر تبه تهیج نوا
 حیت جاهلیه ایتدیلر که ادنی شراره سی نمونه نمای

نار نمرود اولسوب اول حرارتله کانون درونلرین
استیعاب ایدن لواجم طاقتکدازدن هر بری مسلوب
الاختیار سکان شکاری و کلاب سلافی کبی اطراف
وانحای « قتل عامی آرزو دارم هلاکو خوان
بکاست کز حد و دشرق تا سرحد مغرب کشتیست »
طریقه سیله جستجووده سرحد مبالغهیه قدم
باصدیلر عاقبت برقاج قایف خایف دلالتیه « یعطی
و یمنع لا بخلا ولا کرما » صنمخانه سنده آرایش دیوار
هرم اولان هیاکل اجاو یف عجیبه التماثلیدن ایکی
شخص مهیب الشکل معزول العقلی بولدیلر که هیولای
اذعانلری قبول صورت تمیز مرآتیدن ساده وعینک
حلق مقوله اتقانلری آبکینه تشخیص جمال نیک
و چهره بددن آزاده ایدی .

شویله که هر بری اقتناص شوارد قضایا ایله سبک
پوته قال ایدوب ساحه استصوابده تحت سحاب
عزیمت دفن حفره حافظه ایتدیکی نقره مغشوش
فکر خامی هنگام استحضارده تلال جبال ادراکنده

نمودار اولان مرزن بلادت دلالتیله ارامقده نقد
 وقت جچی و صخره الصمائی بدستون مشکلاتده
 کریوه کن اندیشده اولوب دستیاری تیشده تعبیر
 ایله صورت و یردیکی نقش شیرین تدبیر صوابی
 شکل پیرزن فرهاد کش خطاده تصویر ایتکه
 سنکپاره ناطقه سی «سلام کا ضمن الوحی» ایدی
 هزار فسون زند و پازند اوقغله آزر کشتاسب
 تسخیرده سروکشت زر دشتی کی نشانده ایدوب
 موی رویلرینه نوره پاش ستایش وینایش اوله رق
 چهره عبوسلرینه وجوه ضوا حک ایام بهار جوانی
 وش کالکونه افروز کامرانی ورنک و بویلرینه غایه
 و غازه مداهنه ایله نمایش و افزایش و یردرک آب
 و تاب صورت حقانیتده ولات و عزایه مدانی قیلدیلر
 و سر اصلعلرینه قلنسوه حلف و قسم پکروب
 نکهبان بوستانسرای دولت وید اقطعلرینه سوار
 افتراء قبض و بسط طاقوب اسناد قدرت و مکت
 برله سومنات فتنه اولان دارالندوه لرنده آرایش

متکای مقصوره استناد و امت محمدن عبودیت
 اقبی ایله غصب ایتدکلری برطیل سخت محضی « تلک
 الغرائبق العلی » به عرض ایدوب « ان شغاعتهن
 لترجی » دمدمه سیله ژاژ خایان سفهای قریش
 کی تعذیب سامعه عباد ایتده دقیقه نامر عیه
 قویمدیلر اول یادکارلر دخی قلاده مقتوله اقالید
 مقالید فرمان فرمای ایله پالهنک وبالی عنق مستعد
 حنقلرنده « فی جیدها جبل من مسد » کوروب دمبدم
 سوراخ بوق دماغلرینه القای هوای دادوستد
 اولندیغنی حس ایتلریله حلقوم میشوملرین خیشوم
 عجل سامری کی ناقور مهیب الصدا ی ارغنون خوارق
 واشباح همزه ولزه مضموره درونلرنده تمثله رهیاب
 اولوب پیدری دیوریو اسغل السافلین زمبندن
 شق الارض ایدرک استراق سمع ایتدیکی سریره کتر
 ودفینه بی غمز ورمز ایله سانح الیمین قالمیری اولدیغنی
 درک قلملریله قاقوزه قلملرین کاسه شادروان کذب
 اولان رواح عراف کی منهل العلایم زواحق بیلدیلر .

بفکر نیستی هرگز نمی افتند مغروران

اگرچه صورت مقراض لا دارد کریبانه

وهر برینک پایگاه تفرعن و تهر دنده حایز مرتبه عنو
هامانی اولان کاهن جوان و بختک بختکان کمال
سفاهتدن اضرار حفظه جناح مصطفویده اولان
اصرار ابو جهلی به تقلید کوسرتوب کوزلرینه راست
کلان برره اهل اسلام واعزه مؤمنین کرامک قلاده
نعرسی کردن عرضلرینه طوق وتازیانه تهدید کونا
کون ایله منهج حقندن عدوله اکراه ایدرک زیر اواء
غوا التوالرینه سوق ایتمکه باشلدیلر .

ازمائل شادمانی سر بلندان غافلند

اره این نخل سرکش خنده دندان نماست

انلرکه نعمت عزیزالوجود کریز ایله مغنم مأده
فائده عزات اولمق سعادتنه نائل اولدیلر چاشنی
سبح لذت مباعدلری اولدیفه « پیوند دولت آمد
ازچون تویی بریدن » نشید سیه حد و شکر
سعادت فراقی لازمه ذمت زندگانی بیلدیلر اما

انلرکد خاطرۀ تنعمات کونا کون ایله نقش کتابة
 سدير سريره لری « فی قلوبهم مرض » ایدی امید
 تناول لقمۀ لم و سحت ایله امتلاکاه ابتها لده داخل
 سفرۀ « فزادهم الله مرضا » اولوب قالدیلر هنکام
 معاشرته رؤیت هیئت لریله تعذیب باصره ایتدیکه
 « سرمایه سعادت روی تراندیدن » ترانه سن قانون
 کرنش و تسلیمده دمساز زیر و بم سازتهانی قیلدیلر .
 یا مغرما بوصال عیش ناعم
 ستصد عنه طایعا اوکارها

ان الحوادث تزعم الاساد عن
 غایاتها والطیر عن اوکارها

✽ شرح مقاله ثالثه ✽

جمعیت فتنه نك متاع کاسد مفاصدی دلالت دلان
 اغراض ایله رهین بازار اشتهار و رواج اولدقد
 « والی و مشایخک نفوذ و رأی لری بحسب الظاهر
 جمهور شورک اداره لجام و زمانه مصروف و انلرک

نظر انقياد و متابعتی دخی علما و مشایخه معطوف
 کبی کورینور و معن زاده صالحک سوزری دخی
 احوال و مشوارک مقتضاسندن عد اولنور ایکن
 ایشک بالکلیه رنک و شکلی و اداره قانون فتنه نک
 قواعد و اصولی تبدل ایدرک رباب ارباب فساد « زاد
 فی الطنبور نغمه آخری » مقام خدعه کاریده بر بسته
 نواهنک دها ایجاد ایله کندورینه تعلیم ضرب
 ثقیل کارزار ایده جک استادی داد اراد قلزندن
 مؤلف رساله اشبو مقاله ده مقامه مناسب تعبیرات
 و ایهامات ایله تشبیهات واقعه فاسده بی تسطیر و « باشمز
 اجله » محله به باغلو در « عباره سندن » و انا علی
 اثارهم مقتدون (نص جلیله مر بوط تکمله
 فقره به قدر یکچیری طاقنک سائر جمعیت فتنه
 اربابیه برابر اولاجله علومه متابعتی بی بیان و تقریر
 ایشدر کرم و سرد روزکاری تجربه ایدنلر حقنده
 مستعمل اولان « کرک باران دیده » مثلندن و « ابدر
 زیرگاه » تعبیرندن مستفاد اولدیغی وجهله یکچیری

اختیار لریدن بعض اشخاص خفیا اجرای میاء
مشورتله اداره امر خروجك « مدعی منقولرك ید
مر تعشلرندن » یعنی کروه علمانك اللرندن نزع
و واسطه جمهوره تفویضنی تحصیل نام و کامه مدار
اولق اوزره تکلیف و اتیان ایللری حقیقه شایان
دقتدر چونکه موالی و مشایخدن ارکان فسادك
دعوتلرینی قبوله مجبور اولتلر امور جمهوره اظهار
تجلمد و بوطریق ایله بین العوام تفرد ایتشلر ایکن
یکچیر یلرك انلری اره دن چیقار مغه قالقشملری هر
وقت و زمانده سرنمای ساحه بروز اولان حرکات
باغیاننه نك بالطبع بر قاعده ثابتهیه مبتنی اوله میه جغنی
و بسمله صدق و صواب ایله تألیف اولنمیان حال
و کاردن هیچ بر وقته اثار مستقیمه مشاهده
اولنه میه جغنی مؤید کیفیات غریبه دن اولدغله او یولده
کسترار فتنهیه ایشار اولنان تخم اضلالك نه صورتله
سنبله نمای ظهور اولدیغنه دائر خانه مقالهیه قدر
محصول قلم اعجاز رقم منشی رساله اولان تعریفات

مغلقة على طريق الترجه شوجهله زه كريبان اجمال
 قلزور كه (بيكچرى رؤساسى اداره امور فساديه نك
 برآورده قبضه جمهور اولمسند مطالعه ايتدكلرى
 محسناتى افكار افراد اجناده ادله عاميانه ايله
 القاصره سنده تشبث ايتديكمز مصلحت فتنه
 مساعى مخصوصه مزله نتيجه پذير اوله جغندن اعوان
 وانصارى خذله اهل سوقدن عبارت اولان معلمين
 فن خروج ايتدا ايلديكمز تقذيرده انلرك اوامر
 ونواهيسنه كردن داده انقياد اولق لازم كلوب
 حالبو كه اوزر مزدن دفع تغلب ومعارضلرك ازاله
 وجودلر نده تصلب ايتدكجه صيت سلاح اقتدار مز
 نابود اوله جغنده شبهه يوقدر بناء عليه ايچمزدن
 برمدير مدبر انتخاب ايله سالك مسالك كارزار اولق
 ارجح وانسب درديه رك نشانچى احمد پاشا ايله چالق
 احمد اغاى ميدان فساد كتنوروب ومداهنات كونا
 كون ايله تملق ايدوب احمد پاشاى صدارت عظمى
 قائم مقاملغنه وچالق احمد اغاى بارتبه وزارت بيكچرى

افاغنه اقعاد و امدادیه نامیله کیسه عوامدن
 طوپلادقلری رشوتلری عرض و تقدیم ایله تمنی
 تشید بنیان فساد ایلدیلر انلر دخی اشبو متابعت
 و مر اجعتدن استفاده ایله سلطان مصطفی خان
 حضرتلرینک خلعی حقنه جاییکبر ضمیرلری اولان
 حرکت باغیانیه وجوده کتورمک ایچون مسئلهیه
 مداخله دن مجتنب عظمای علمایی تهدید و تخویف
 ایله خواه و ناخواه دأرء اتحادلرینه جلبه باشلادیلر
 کوشه عزتده قالغه ظفریاب اولنلر منبسط و متشکر
 و پنجه فساد پیشکانه دوشنلر مضطرب و متحیر
 اولدی) انتهى

روایات موثوقه دندرکه چالق احمد اغا کندوسنی
 اصحاب بغی و شقاق ایله مشارکتدن بری الذمه
 کوسرمک ایچون اختیار اختفاء صوری ایلمش ایدی
 مقدا قول کتخد الغنده بولنش و اوجاقده تفرد
 ایتش اولسنه مبنی داخل حیطة مفسدت اولان
 یکچیری گروهی کندوسنه تکلیف رفاقت ایتد کلرنده

سکبان باشی هاشم زاده‌نک غالمه و جودی برطرف
 اولدغه اوحاغه دخول ایدم دیملکه غلضای جهور
 هاشم زاده‌نک قطع رشته حیاتی ایچون احمد اغا
 نزدنده عقد حباله اتفاق و مقدمه ده کشیده سلاک
 سطور اولدیغی اوزره هاشم زاده بی اعدام ایله
 ایفای شریطه عهد و میثاق ایلدکلی مثلاًو چاق
 احمد اغا دخی بوجه محرر و عدینی انجاسایله اغاق
 منصبه استیلا ایدی و نشانی احمد پاشا زانا ترسیم
 هیولای فتنه و اختلالده چاق احمد اغا نك ققاداری
 بوندیغدن معرفت عصاة ایله مقام صدارت معلایه
 قدمنهاده نکت اولدقده تحکیم رابطه یکرکی ایله
 توجیه مناصب و ترتیب کتابجه شروع ایدرله تکثیر
 سواد فساد ایچون قصبات متجساوردن سستغور
 و اغرب من الغرائب اولسایله کوندر دکلری فرمانگری
 عدالته عزو قصور ایله اوزرینه خروج ایلدکلری
 بادشاه ذیشانک طغراسیله تصدیق و اجتهاسار ایتدیر
 و یکجیری اوجاغنتک اشده اشراسی اولان دیو علی

اغای قول کتخداسی و محضراغا قائم مقامی قره
مصطفایی کتخدایری نصب ایلدیلر فقط سالف
الذکر ارکان اربعه دن سلیمان اغا مراتب سائر هیه
تقدمی خلاف قانون اولدیغندن بحثله محضر لکه
قناعت ایلدی و مناصب دیوانیه دن باش دفتر داراق
ضرب خانه امینی محسن زاده عبدالله پاشایه تقلید
اولنوب کند و سندن امدادیه نامیله کلی ایچیه الندی
و حسن اغا نام شخص سلحداران اغالغنه و بلغرادی
کوچک حسین نامنده بر مغلس کامران ترکیب دخی
باش باقی قوللغنه و صوباشی سابق علی چاوش دخی
چاوش باشیلغنه تعیین قلندی و یکجیری اوجاغنک
فدایلرندن دوره ژان احمد کوچک چکمه ده ساکن
ایکن کلوب داخل دائرة فتنه و فساد اولدی .

منشی رساله نك احوال مشروحه هیه متعلق اولق
اوزره اشبو مقاله نالته ده نقش خامه بدایع نکاری
اولان ضروب و نکاتدن « انا ابن دانت ارقاب له
مطلعنه مربوط قطعه عربیه ايله انك مابعدنده

مندرج دیگر نظم ضروب امثال شرحنده محرر
 حکایه طویله به مبتنی اولوب حسب ونسبده کرام
 ناسدن برینه متعلق دکل ایکن اظهار علوم و مترات
 غرضیه مغفلا نه اداره کلام ایدنلر حقنده ضروب
 امثالدن اولدیغی کبی (اوا بدیله زمزمه پیرا) قولنده کی
 اوا بد دخی مدی الدهور قهقی باقی قاله جق فعل
 قبیح و عجیبی اختیار ایلینلر ایچون امثال عربدن
 اولمغله بونلر معلمین فن خروجه تابع اسافل ناسک
 احوانی تعریف ضمننده استعمال اولمشدرو (ایکی
 شخص مهیب الشکل معزول العقلی) عباره سی
 بالاده ایضاح و افاده قلندیغی وجهله احمد پاشا
 ایله چالق احمد اغانک صفاتی معرفدر (ساحه
 استصوابده تحت سحاب عزیمت و دفن حفره
 حافظه ایندیکی نقره مغشوش فکر خامی هنکام
 استحضارده تلال جبال ادراکلرندن نمودار اولان
 مزین بلاد دلالیه ارامقده نقد وقت جمعی) قوی
 دخی ضروب امثال شرحنه کوره بر حکایه به مبنی

اولوب مؤلف رساله بوعباره ايله احمد پاشا واحد
 اغانك كال بلاهت و حاقني بيان و (سنكپاره
 ناطقه سي سلام كما ضمن الوحي) قولنده بولنان ضرب
 مثله دخي انلرك كلام مفسدت انجاملري نزد ارباب
 شفا قد كالتقش في الحجر ثابت ومؤثر اولديغني اتيان
 ايتمشدر (تلك الغرائق العلي ان شفاعتهن لترجي)
 قولي سورة كريمة (والنجم) نازل اولدوقده
 سركشان قريشك تسويلات شيطانيه ايله حضور
 لامع انور جناب رسالتناهيده طريق شرك
 وتزويره سلوكلرينه دائر برقصه غريبه به مبتني اولوب
 تفصيلاتي مطولات ائاردن نقل ايله سير ويسينك
 بر مقاله معجز ادا سنده مندر جدر . مؤلف رساله نك
 بوعباره بي استعمال ايتسي احمد پاشا ايله چالق
 احمد اغايي وادي ژاژ خاييده عنده قريشه
 تشبيهن نشأت ايلديكني سياق وسباق كلام تأييد
 ايدر و (اضرار حفته جناح مصطفويده اولان
 اصرار ابو جهلي به تقليد كوستروب) عباره سي

دخی اجمال مقاله ده تصریح اولندیغی اوزره ماده خلع
حقده انلرک تسمیر ساعد مساعی ایلدکارینی تعریف
ایلر .

متن مقاله رابعه

بومقاله خلیخده فرسادهات متعصبان میانه ده فسا
بینهم الظربان رایحه سنی استشمام ایتملریله مجمره کردان
اهتمام اوله رق تبخیر یعه مصافات ایتدکارین بیان
ایلر .

سازنده ساز این فسانه

زین نغمه چنین کند ترانه

چونکه فرقه خرطیتان کسسته مهار اتخاذ پیش
آهنک ودمدارایله بریرینه ربط عذار یکرنگی
ایدوب مرتبه القطار من الق شقاقده سائر بقار
مسلوبه الانباره مسابقت کوسترملریله صیت جرس
سلطوت جهانگیرانه لری درای زوامل صولت تیموریانی
انباشته گیاه نسیان ایتدی پس دیباجه بندان

مبادی و مقاصد قیل و قال یعنی متصنّفان رساله
خیال محال حظ از لام عزملرنده بوکونه غفل غیر
مأمولی مشاهده اید بچک مر غولۀ سکینه لرینه موی
زنکی کبی پیچ و تاب اضطراب طاری اولغین هر
رینک هیون خاطره سی بر کر یوه خاطره خطرناکده
افتاده قنود اندیشه اولوب قالیدی اما اغلی
حشرات حربا حرکات عوام مناط منامدن پرتو
مهر بشارتله دیده کشای شوق و غرام اولوب
کندیلدن روگردان اولدیله توهمی اولغین معاجل
حزم و احتیاطه ذاهب اولوب «از چکر و شان ساز
سفر موج سرباست همراهی این تسنه ایسان
تاب سرباست» هوام عوامه اعتماد طریق سداددن
بغایت بعیددر خصوصاً ممازجات نحوس ایله برج
معوج الظلوع کسافتدن طالع اولان کواکبی فخمه
العشای دیجور مشکلاتده نجم هدی اتخاذایدن
وجود شریفک تیره شمع رأینه جمع اولق کوز کوره
شعله چشم روبه و شغال ایله قفار بوارده اثر مقادم

غول ضاله کیدوب ورطه هلاکه دوشمکدر « یحیی
 بوراده خاطر یارانه باقلز، محل تهلکه در اولسی همان
 مداس فسح عزیمت وضع قدم جزم ایتمکله « طبل
 برکشتن بزن من مرد میدان نیستم، طریقی طوتوب
 حصن حصین سلامت برخطوه اول ایرمکدر « دران
 مقام که شاهی بهر کدابخشند چه دولتست که
 مارا همان بما بخشند، خاطره لایله بعض مرتبه
 بنیان ثباتلری متزلزل اولشیدی قرینه حال برداء
 عصال دخی ظهور ایده دوشیدی که « غافل نه
 طور رسز پس نشینان سایه جدار دارانندوه
 شمشیر شهیر اولوب سزی تشهیره حاضر اولشالر
 « پیداست کازین میان چه برخواهد خاست « اول
 مرغه افیون ومعلقه برش دشنه وکوپال یرینه
 النده کیسه تنباکو همیانجه باروت مثال بلنده قصب
 دخان تفنک آتش فشان مانندی شرر پاشیده
 مروحه حلکاری سپر هندی کبی بر روی کشیده
 عصا در کف عینک برانف « تماشای کهن سال از

جوان سنجیده تر باشد ترازوی زکّه سنجست عینک
چشم پیرانرا ، پیران دور بین سنجیده ، نظران بر برینسه
مروحه جنبان استنکاف اوله رق ، بقه یاران صفعا
« پوشیدن چشمست زدشمن سپرما ، احتمالات سائره دن
قطع نظر بونجه حشر شاکی السلاح اطرافزی
بویله محیط ایکن بو میدانده مأمون الغائله مکث
وتوقف بزه عین خطا در « الناس فی غفلة عما یراء بهم ،
« کانهم غنم فی دار جزاء » یعنی « در زیر فلک نشاط
ماچیت ، رقص بره و دکان قصاب » مفهومیست
ما صدق بر معتاد رهله عاقله ال ویرر ایش دکل
« شمشیر چو پرا جگر کارزار نیست ، دیه رک هر بری
بر ثله کوریزه ولوج ایله مأل حاله دوردن نکران
اولمغی تصمیم ایتدیلر . اما صورت مختارده مجبوریت
بشری عارف اولان کملین « عنان کار دردست
قضانه ، مصداقجه سر رشته افعال نیک و بد
عبادی رهین قبضه تصرف « اوست خالق هر چه
خواهد آن کند ، یلوب همیشه مقام تسلیم

ورضاده بولمشلردر « زمجنیق فلک سنک فته
 میبارد من ابلهانه کریم درآبکینه حصار،
 یزنده قطب مرکز دائرة ثبات ووقار اولوب
 طور دیلر « نقطه اسوده زسر کشته کی پر کارست »
 سیما هر حرفندن انتخاب اولوب مقدمه الجیش اولوق
 اوزره دال قلیج اعداد اولنان « پری و شان ملائک
 فریب و مردم کش سهی قسدان صنوبر خرام
 خوش رفتار » که اصلا یمان کون کور مامش کوشده
 ذلایل وصال لرینه اول کونه د کین دست ارازل
 ایر مامش پرورده جلیباب ناز نرم و نازک و شوخ و طناز
 ماهر و یان چارده ساله « هربری بر رستم صاحبقران
 غمزه قلیج کندو قوچاق پهلوان لیک فغان عاشقه
 مهمان اولور یار دله صاریله جق جان اولور،
 چرخ و مغزل قابله سن کان و خدنک و عصبه کلرنک
 مادرین طراز بیرق جنک ایدوب اماده کیر و دار
 اولدیلر « طور رمی فارشور ستملر او چشم قهرمان زورده،
 فاشی یابینی قورمش ناوک مرکانه ال صونمش، آرد لر نجه

الایس لذاید شهوات بد فرجامدن صابون تجمرد ایله
 شویید، بنان تعلق اولان سوخته وات صاف نیات
 اول خسروان ملک ناز شیرین لبانی مضمار جلادنده
 بوکونه قهرمانه اطوار ایله تماشا ایتدکلرنده شدت
 تهیج مردانیدن اعصاب وعروق شهامت
 سبعتلرینه رعشه تعطیل ایریشوب ساق اتساقلرندن
 تاب مشی ساقط اولغله طوردقلری یرده « درکف
 عشقیم عاجز ورنه درمیدان رزم شیر مردانرا
 بمشکان جبهه میخواریم ما » نعره سیله نوؤ پاش قطرات
 رقت حیز شیر اوله بق هر بریسی خطیره انجمنکا هد،
 خیابان خضرای دمن اولان اوتاد رکیز الاطرافدن
 برین قلع ونیزک حلقه رباکی تحمیل دوش مظاهرت
 ایدوب قفادارلق مقامنده قیام کوستردیلر « درغیرتم
 از صبا که چون بیکه وکه کستاخ رود بسوی ان
 زیبامه آن میرود ومن از قضا میگویم کریان
 کریان که لیتی کنت معه » یس غطارفه انجمن
 کوردیلر که دفعه روز کار شیفته اطوار « کردون

نلافی ستم خویش میکند، فحواستجده دل زدکان
 شیوه ناهنجارینه خاطر را با اوله رق جرائم گذشته سن
 استعفا کونه وضع دافریله شیرین کار لغد باشلوب
 ایش ایشدن یکدی اهما مال اولنورسه « این کار بتدبیر
 نیاید راست، جمله سی بریره جمع اولوب ایرای زناده
 مشورت برله ایقاد فقیله روغندان مصافاته تسمیر
 ساعد اهما تمام ایتدیلر، ایچلرندن نیجه جهابده کار ساز
 میانه ده مروه جنبان رفع اشکال اوله رق شهید
 اتحاد پاشیده ونیم توحش اولغله آلوده لوث
 دغرغه تفرقه ایدن ذباب تشویشی طرد ورد ایله
 بنیاد جمعیتده بی وجه ظهور ایدن رخنه خللی
 بواسلوب حکیم ایله سد ایتدیلر که بعد الیوم کاتب
 مراتب و معارج یعنی مستوفی دیوان خوارج « آن
 خر که سه در دفتر او نصف چهارست، دستور
 العمل اولوق اوزره صورت ناصیه حالی کی تسوید
 ایتدیکی دفتر مدارج مستحق المارج « کل ضرب بما
 لدیهم فرحون، امضا سبیله مسکی الحتام قیلتوب انلر

امور جهادده بونلر اقتصاص شـوارد اجتـهادده
 مستقل الرأى اولملييله هرکس مراسم مقتضای
 رتبه سنه راعى ولوازم تمشیت مصالحه عن صميم
 القلب ساعى اوله اما بشرط آنکه اگر جریده امور
 جهورده شیرازه تألیف اولان رشتهء مابه الغرضده
 برعقدهء مشکل بند ظهور ایدرسه انحلالی امرنده
 ینه جله نك حسن مصافات و مساوات اوزره نسیای
 رأى ومشورتى یيله بولنه و بوقاعدهء یکر نکی و یکجهتی
 دائماً مرعى بلکه میانه ده بوارومهء اتحاد مدی الدهور
 فانوس خیال وجوده شمع ظهـور اوله جق خلف
 مجهـوللری اره سنده دخی مصون الانقلاع اولغله
 بوقانون طامهء کبرای قیامت وقوعنه دك جاری اوله
 پس بونك اوزرینه جله سی مصحف و تیغ و نك
 ایله منطقه پیوند یمان اولوب محول الاحـوال جانبینی
 ترك ایتدیلر هیئات هیئات

ستبدی لك الايام ما كنت جاهلا

و یا تبك بالابناء من لم تزود

شرح مقالهٔ رابعه

مقالهٔ ثالثه ده ایضاح اولندیغی اوزره یکچیر یلرک
 نسانجی احمد پاشا ایله چاق احمد اغای انتخاب
 ایتیری میدان فسادده مربع نشین مقام اکرام اولان
 کرام علما و مشایخه خدشه واضطراب ویره رک من
 بعد ارباب اختلاله اعتماد وعلی الخصوص اوجاقلی
 طایفه زیاده مائل و متمسک اقران و امائل اولان کبار
 مدرسیندن کواکبی زاده ولی الدین افندی نک رأینه
 انقیاد ایتک ورطه هلاکه دوشمکدر دیو پشمقچی
 زاده سید علی افندی بی جاء والای مشیخته و توفیق
 زاده محمد افندی بی روم ایلی و عبدالرحیم زاده یحیی
 افندی بی که متصلبان طریقدن ایدی اناطولی
 قاضی عسکر لکی مقام لرینه و سابقا مصر قاضی سی
 بکر خواجه سی احمد افندی بی استانبول قاضی لکنه
 و موالدین سیفی زاده سید ابراهیم افندی بی نقیب
 الاشر فلق منصب لرینه اقعد ایتدیلر لکن سید علی

افندی عاقبت اندیش اولمغله معذرت وجودیه
 سردیله **ك**كوشه انزوایی منصب فتوایه ترجیح
 ایلدیکندن جمله علومك بنیان ثباتلری منزله اولدیغی
 سره ده یکچیر یلرك کندولرینی تعذیبه کر بسته
 اتضاق اولدقلری وادیسندن بر صدای دهشت فرا
 رسیده مسامع مولی وعلما اولمغله میدان الحمد بر سوری
 اسافل شدید الشکیمه ایله برلکده ارام واقامتدن
 متوحش اولدیله و صدر روم ایلی پایه لولرندن
 عارف عبدالباقی افندی دن ماعداسی خانه لرینه
 چکیلوب **ك**کتدیله واریاب حرفتدن داخل
 میدان شقاوت اولان اشخاص مختلفه نك کنجلی
 وارقه لرندن سوختكانك دینجلی فک طناب
 ارام ایله امر خروجه مهتم به اولان رابطه اتحاد
 واتفاقه تفرقه بخش اولمغه باشلا دیله . بناء
 علیه صنادید قوم ملاحظه عاقبت بینی ایله تشکیل
 انجمن مشاوره ایدوب (بزمه متحد اولان دلیرانك
 اکثری متشبث اولدیغمن امر عظیمك ضمنده ملحوظ

و مضمون اولان مخاطراتك اخفى كوردكارنده
 ياطاقت كتوره ميوب سمت سلامتد كريان و يا خود
 اغتنام امواله انهماك ايله پراكنده و پريشان
 اوله جقلىرى و كوشه اخفيايه چكيلوب دغدغه
 مؤاخذه بي دوش كر انبارمزه براقه جقلىرى و نهايه
 الامر جمله مزي گرفتار چنكال نكال اينديره جكلىرى
 بي اشتباهدر (ديهرك بودر او واقعات ملحوظه
 و خيميه قبل الوقوع علاج اولق اوزره احمد پاشا
 ايله چالق احمد اغا و مقاله ثالثه ده مذكور الاسامى
 سائر مأمورين و اغالر حل و عقد امور جهه هورده
 و اصناف عساكر دخی مصلحت حرب و سفرد
 مستقل الرأى اولوب احادك مفردات مصالح
 خروجد تعرضلرينك منعنه قرار و يرلد كدن صكره
 احمد پاشا ايله احمد اغا محضر عوامده نتیجه
 مشروحه مذاكره بي افاده و هر كسك ساق شجره
 اتفاقه استناددن بر آن آيرليوب پاداشنك مال
 و عرض و جائنه متكفل و امور جهه هورده ظهور

ایده جک عقده مشکله نك انحلا ننه جمله نك رأی
شامل اولسی لازم کله جکنی علاوه واشاده ایتملیله
جهله جمهور بر اغزدن بوتدیرو اصولی تصدیق
ومصحف وتیغ ونك احضار یله امر متابعتده
ثباترینی تأیید ایچون یمین ایتدیلر .

مؤلف رسانک بومقالهده اثر کلک بی همالی اولان
نکات دقیقه دن (دهات متعصبان) تعبیری موالی
وعلمادن کنیه اولوب (فسا بینهما الظربان)
قولی دخی بر قومک شملی متشت اولوق مقامنده
ضرب اولنان امثال عربدن بولمغله عنوان مقاله
موالینک میانه جمهورده مشاهده ایندکلی اثر
تفرقه بی تشدید مصافاة ایله دفع وازاله یه سعلری بی
افاده ایدر . (فرقه خرطینتان) لفظندن مراد
یکچریلر اولوب (اتخاذ پیش آهنگ ودمدار)
عبارده سی احمد پاشانک قائممقاملغده وچاق احمد
اغانک یکچیری اغالغنه نصیبی تلخیصه دائر و (بقار
مسلوبته الانیار) بویندرودن قورتمش اوکوز

معناسنه اولوق اوزره سار صنوف عصاته عائد
 بر تعبير هنر آميزدر (برج معوج الطلوع کسافتدن
 طابع اولان کواکبي) قولى آنفاً ذکر اولئسان
 کواکبي زادهيه و (يحيى بوراده خاطر يارانه باقلمز)
 مصرعى عبدالرحيم زاده يحيى افنديك اناطولى
 قاضى عسکرلکنى قبول ايلديکنه اشارتدر (مداس)
 کلهسى چارق معناسنه اولديغندن (مداس فسخ
 عزيمته وضع قدم جزم اينمکله « طبل برکشتن
 بز ن من مرد ميدان نيستم » طريقى طوتوب حصن
 حصين سلامت بر خطوه اول ايرمکدر) عبارسى
 پشميجى زاده على افنديك مشيختى قبول اينديکنى
 متضمن و (صورت مختارده مجبوريت بشرى عارف
 اولان کلمين) قولى عارف عبدالباقي افنديك
 ميدان الحمد قرار و ثباني ميين اولوب (مستوفى
 ديوان خوارج « ان خرکه سه در دفتر او نصف
 چهارم » تعبير و مصرعى دفتر دار و نشايجيلقه
 بولنش اولسى اعتباريله احمد پاشايه و (صورت

ناصریہ حالی کی (تسوید) قوی دخی چاق احمد
از اشارت در .

ترجمہ احوال

بشمقجی زادہ سید علی افندی

مولانای مشارائید موالیدن بشمقجی زادہ محمد
افندینک فرزند ارچندیدر بیک قرق سکز تارینخندہ
داخل شہر ستان وجود اولوب طقسان سکز سند سند
قدر دور مدارسلہ پایہ مولوبتی احراز و خدمت
نقابت سادات ایلہ کسب امتیاز ایدرک ابو سعید
زادہ فیض اللہ افندینک اثر ہمتی اولق اوزرہ بیک
یوز ایکی تارینخندہ اناطولی پایہ سیلہ و بیک یوز
اوچدہ روم ایلی صدارتیلہ مجمل اولمش ایکن بیک
یوز بشدہ معزول و بیک یوز التیدہ ابو سعید زادہ
انتسابی سبب عد اولندرق مصر قاہرہ دہ اقامتہ
مأمور اولدی و بر سند صکرہ معفو استانبولہ کلوب
بیک یوز اون ایکیدہ ثانیاً روم ایلی قاضی عسکر لکی ایلہ

تلاطیف اولندیغی حائده ایتسی سنه یته عرات کرین
اولوب شرح مقلهٔ رابعه ده بیان اولندیغی اوزره
ثنای وقعه ده بین العلما مقام جلیل مشیخته انتخاب
اونمشلر ایکن اعتذار و کوشهٔ وحدتی اختیار ایتشلر
ایدی عقیب وقعه ده یعنی بیک یوز اون بش
سنه سی رمضانده زیور مسند افتا و مظهر منظوق
« وعلیه الفتوی » اولوب بیک یوز اون سکر تاریخنده
متقاعد اولدقدن برفاق کون صکره بالاهل و العیال
منفیاً سینوبه عزیمت و بیک یوز بکرمی ایکیده استنبوله
عودتله ثانیاً مفتی الانام و بیک یوز بکرمی درتد تکمیل
انفاس حیات ایلله راحتکدهٔ جنانه روان اولدی .
رحمة الله علیه رحمة واسعة .

✽ توفیقی زاده محمد افندی ✽

دور ابراهیم خانی علماسندن توفیقی زاده احمد
افندی بیک مخدومی اولوب بیک طقسان اوچ تاریخنده
دکین تکمیل پایهٔ مدارس ایدرک سلك موالی به داخل
و بیک یوز ایکیده منفیاً قبریسه واصل اولدق برسنه

صکرة معفواً عودتله استانبول قاضى يکى و يىک يوز
اون ايکى تاريخنده اناطولى پايه سى ايله تبجیل و اثنای
وقعه ده روم ايلي قاضى عسکر لکنه توصیل اولندی
و بر قاج ماه صکرة معزول اولوب يىک يوز يکرمى
تاريخنده روضه رضوانه ارتحال ایلدى . مولاتای
مشارالیه عمده مخادیم روم و دائره نشین ارباب رسوم
ایدى .

✽ عبدالرحیم زاده محي افندی ✽

عصر سلطنت محمد خان رابعه افخم صدور دن
اولان عبدالرحیم زاده محمد افندینک مخدومی اولوب
اکمال مراتب مدار سدن صکرة يىک طقسان التی
تاريخنده سلاک موالى يه داخل و بىک يوز سکرده
استانبول قاضى لکنه نائل اوله رقى يىک يوز طقوز
سنه سنده معزول و بر مدت کوشه نشین خـول
اولمشیدی شرح مقاله ده ایراد و افاده قلندیغی
اوزره انتخاب علما ايله اثنای وقعه ده اناطولى و چند
ماه صکرة روم ايلي صدارت لرینه ارتقا و بىک يوز اون

التي تار يخندہ متقاعداً انقرہیہ نفی واجلا قلوب اون
 سنہ مدت اورادہ اقامت و بیک یوزیکرمی التي
 سنہ سنہ اشقیاء هجومبلہ مقتولا انتقال دار آخرت
 ایلدی بین الموالی ثروت و سامان ایلہ مشهور
 شدید و غیر جری و جسور بر ذات ایدی غرائب
 احوالند رکہ مشار الیہک جدی عبدالرحیم افندی
 مقام مشیختہ ایکن سلطان ابراہیم خان حضر تلیرنک
 خلعتہ اقدام و پدری مشار لید محمد افندی سلطان
 محمد خان رابع حضر تلیرنک خلعلری ایچسون دامن
 درمیان اہتمام ایلش اولدیغی مثلاً و کندوسی دخی
 فیض اللہ افندی وقعہ سی سبیلہ خلع سلطان
 مصطفی خان ثانی بی ترویج و تجویز ایدنلرک جسور
 و جلیدی اولوب انقرہیہ نفی اندن نشأت ایتمش
 و عاقبت جزای مایلیقنی کورہرک کوچوب کمتشدر
 تجاوز اللہ عن معایبہ .

✽ بکر خواجہ سی احمد افندی ✽

شجرہ وجودی قونہ دہ نشو و نما بولہرق استانبولہ

كلوب طريق علمه سالك و صدر اسبق مرزيفونى
 قره مصطفى پاشا داره سنه انتساب ايله مخاديمك
 معملكارى خدمتند مالك اولمغله بلكر خواجدهسى
 عنوانيله اكتساب حيثيت وشهرت و يك يوز
 درت تاريخنده احراز پايه مولويت ايدرك مصر
 قاهره مولويتندن معزول ايكن اثناسى وقعه ده
 استانبول قاضيلكنده مأمور اولوب يرقاچ ماه صكره
 قهر يسه نفى واجلا قلندى و يك يوز اون سكر
 تاريخنده اوراده وفات ايلدى اكثر فنوندى
 حصده دار اسلوب محكمه ده كار كذار وجيه و وقور
 شديد و غيور ايدى .

✽ سيني زاده سيد ابراهيم افندى ✽

علمى عصر سلطنت ابراهيم خانيدن سيف الله
 افنديك مخدوميدر شيخ الاسلام بهايى افندى
 هميله دور مراتب ايدرك يك يوز اون بر سنه سى
 خلانده سلك موالى بى ملحق و ظهور وقعه ده نائل
 مقام نقابت اولوب بر سنه صكره عزل و امثالى

صره سنده بروسه به ننی اولندی و بیک یوز یکر می
ایکیده اوراد، ترک حیات مستعار ایلدی صیقل کش
سلاح صلاح بر ذات معارفسمات ایدی .

✽ کواکبی زاده ولی الدین افندی ✽

استانبول قاضیله کنندن معزولا وفات ایتمش اولان
کواکبی زاده شیخ محمد افندینک بیوک مخدومی
اولوب دور مدارس علیه وعقد مجالس علمیه ایدرک
اثنای وقعه ده کبار مدرسیندن ایکن حلب قاضیسی
اولش ایدی بعد العزل حلبده اقامته مأمور و بیک
یوزاون طقوزده در سعادته کلکله تحصیل رخصتله
مسرور اولوب بیست یوز یکر می انتیده استانبول
قاضیله کنندن معزولا ینسه حلبه ننی و اجلا و بعد
الاطلاق بیک یوز اوتوزده اناطولی صدارتی ایله احیا
قلمش ایکن زمره قضائک شکایتی ایله معزول ومنقأ
مدلویه موصول اولوب براز زمان صکره استانبوله
دعوتله بیک یوز اوتوز درنده روم ایلی صدارتی ایله
مظهر کمال عنایت اوله رق بیک یوز قرق تار یخنده

کوکب حیاتی اوج سماء وجودن حاضیض خالك
 عدمه سقوط ایلدی و جیه و وقور جری و جسور
 بر ذات اولوب فقط اثنای وقعه ده، هیجان غبار
 فتنه یه ساعی اولسندن ناشی جامه اعتبارینی لیکه دار
 ایدرک بر قاج دفعه نفی اولمش ایکن ینه تجسس
 امور اداره یه انهما کدن تخلص کربان اید، مامش
 اولدیغی راشد تار یخنده محرودر .

﴿ متن مقاله خامسه ﴾

بومقاله نمکین ادا غلیان صفرا ایله محرو المراج اولان
 دارالابتهاج دروننده اخلاط رویه دن حاصل اولان
 فضلاتی نه بوزدن دفع ابتدیکن تلمیح ایدر .

حکیم سخندان رسطونهاد

بدین کونه قیغال دستان کشاد

طبيب طبایع شناس روزگار مبتلای داء لاسدا اولان
 جسد کائناتی استغراغ کل ایله تنقیه ده، مقتضیات
 زمانه دن ناشی « در ضرورت هست هر مراد پاك »

مدلوله امهالی تجویز ایتش ایدی پس سده
 سینه ده نجه سده عینه پیدا و داخل عروقده
 تولد ایدن صفری فاسد دخی سائر اخلاط ریه بی
 محرك اولغین دفع قوای طبیعی ایله عالم ذخیر کاذبه
 میتلا اولدی « هلاک اوور ایدی عالم ذخیر کاذب
 حکیم دافعه سور میله ایتسه تدبیر، لله در قائله
 اگر چه خروج ایدن فضلاتدن علت خفقان خافقین
 مزمنه زولاتی مشاهده اولندی لکن مزاج
 کائنات بر مرتبه فاسد اولدی که هر کس دارا نشفای
 حکمت ازلیه دن طبیعت استعداده موافق تعیین
 اونان راتبه قسمت ایله حفظ صحت انتعاشه مترضی
 اولیوب قانون قناعتدن بیرون مجنون ارزوی کونا
 کون ایله نجه دراو خیال محالی متقاضی اولوب
 طریق اعتدالدن اعتزال کوستر دیلر مثلا از جمله
 فحش بیان حاشیه جدید یعنی متکلمان خود گفت
 و شنید اول نفی اقا نیم ثلثه ایله بالاجماع تصحیح
 مسئله به راضیلر ایکن بو کره تعدد قدمایی سلب کلی

برای تغییر نبات ایدوب فساد عقائد جهانبنانه ساعی
 اولدیله « قاضی تودرین مسئله فتوی چندهی »
 اتفاقیاتدن بوحالی مقارن مقناطیس مدعا وجه حسن
 ایله عرض اولنسه حدید ماده نزع سهولتله جذب
 اولنق احتماله وجود ویرملریله امضا کرده محضر
 رأی اولوب کوندردکلری قاصدلری دخی کیویه
 عودت ولکن حامل اولدقلری حل جلیل وصایا
 مغایر خاطر خواهلری اولغین مربع نشینان بالا
 خانه تعصب « ولا ترکنوا الی الذین ظلموا » سندیه
 منع مقدمه تبلیغ ایدوب « مجرد سنز شیرینداق شهد
 رشوت اولمشسنز » دیو منهل العذب عنایتدن کاسه
 لبریز احسان ایله شاداب زلال مرام اولدقلرین
 تو ییخ ایتملریله شمامه طلاق دستخوش لسانی اولان
 سفیرخوش تقریر کوردیکی واقعه بی تعبیره ناطقه سنده
 مکنت اداره قالیوب پیغوله خوانده وهدت وحدت
 نشین اولدی .

در مشرب من خلوت اگر خلوت کورست

بسیار به از صحبت اینای زمانست
 دیوانه مارا نخریدند بسنیکی
 یوسف بز قلب درین شهر کرانست
 اما اول ضاله شید سداد اولان فئه متواهد بی سمت
 رشاده ارشد ایچون تحریک قادمه اهتمام برله امانه
 جام اقدام ایدن ایکی برید خجسته نویدک بری که
 نیمه کریبان رسالتی « تذکره لمن تی » توشیعیه
 موشح توقع وعد سر یع الانجاز ایدی ماضق حالی
 « لیسجند حتی حین » مصدوقه سی اولوب اخری که
 کره کلرنک زبانه فارس الخیل بیان میرجنبه کش
 انداره دغدغه انداز اولدی رکاب کیت قهقری
 السیر یلک بلا ایله وضع قدم ایدوب « من نجابرأسد
 فقد ربح » بدر قدسیله کریوه کریره کوجه رهیاب
 اوله یلیدی « دراپیش باطلان جهان صرف حق
 مکو » منصور شده لاک زحق گفتن اینچنین ، کرچه
 طومار رسل و رسائی بو یوزدن طی ایتدیلر لکن
 متعاقبه ورود ایدن طرفینک سفیرلنده دوخته

کریبان تو صید اولان نافع الماسک منایا که بالجملة
 شدای دلکش اداسی لخنه بشارتی بویا ایدی
 پیچیده لغافه کتمان قالمغله افسرده دماغان تعصبه
 بعض مرتبه عطسه فتور شوق ایراث ایتکله پرده
 شکاف رعاف شم معاضدت اولق رایحه سی استشمام
 اولندی لاجرم بو واهمی دفع ایچون احتیاطاً
 ایرتسی واعظ من رکش طیلسان مهر کرسی سبز پوش
 زبردین ساق سپرده آیات سورة نوری تفسیر ایله
 انجمن ارا اولدقده تمشیت مصلحتده جل همتله
 تصرف کل صاحببری عقد مجلس جمعیت ایدوب
 بو عقده دغدغه پیرادن پیرامنکر خاطر لری اولان
 معنای جگر خای خرد فرسای ازاله ایله ارمیده
 وساده اطمینان اولق ایچون نقد دموع سرمایه
 چشم کریانی وحدیت ذو شحون رأس المال دکانچه
 دهانی خرقة پوشاندن بر شخص کرانجانی که خضاب
 کرپاس رویی رنک پذیرای «عبوسا قطریرا» ایدی
 انتخاب ایدوب دم اندازایله آتشدان انز جاردن نرم

اولی احتمال و پردکاری آهنین دلی ارائت
مقاطیس فسونله تکرار طرفلرینه انجذاب ایچون
اتفاق ارا ایله برکسی صد فکاری به چیقاروب
اطرافنه هاله وار منطقه پیوند احاطه اولدیلر
« واعظ ز خبث خلق دهزا نکرده پاک » دندان خود
سفید بمسواک میکند ، فحوا سنجیه الیش لذارند
ماسوادن آب وضوی تبرایله شویده دهن اولدن
تعبیر عامی پذیرینه آب و تاب طلاقله تخلیط شهد
وشیر ایدرک بوکوته دیباجه بند خطبه تقریر اولدی که
« یامعشر الناس همیشه نواصی پرستش اول طرح
انداز قنطره صراط مستقیم اولان حضرت پروردگار
« مالک یوم الدین » درگاهنده فرسوده سجدهات
حد و شکر اولسون که بزر تنکنای سجن وجودده
غل ذل جهالت مبتلاسی بر بلوک اسیر نفس مستندلر
ایکن اول مبعوث بانسیف اولان سه سالار انبیا
علیه افضل الصلوة و اکمل التحایا جنابک سنت
سذیه سنی راهبر دین و کتاب فصل الخطاب ایله عملی

هادی طریق هدایت قرین ایدوب شقه رایت حالمزی
 «الیوم فدا فلح المؤمنون» دیبای زیباسیله مطرز
 ومزین ورقعه منشور احتشادمزی حالا «یدخلون
 فی دین الله افواجا» توفیق سعادت نشانیله موشح
 ومعنون ایلدی ایمدی بزلره دخی لایق واحری
 اولان کتاب وسنته اتباع واجماع امته اقتدا ایله
 فی سبیل الله تعالی رفع لوای جنک ووغا ایدوب
 کبار صحابه اثرینه کتمکدر یعنی مجاهده فی سبیل الله
 ایتمکله هر بریمز کسب فضائل غزاة فائز السعادات
 ایتمکدر .

چون نبی سیف بود است آن رسول
 امت اوصف درانند وفحول

منفعت دردین ما جنک وشکوه

مصلحت دردین عیسی غار وکوه

یامعشر الغزاة بودین میننده منفعت جلادتده برکت

بداوتده در «لارهبائیة فی الدین» کوشه کاشانه ده

چار بالاش نشین بتل اولوب رواق قصره مقصور

اولان نظاره چشم جادو فریب نسوانه مخصوص
 شیوه شوهر بستدر « اوله زن کبی مقیم خانه
 مرد ایسه ک سنده قارش یارانه ، یامعشر المجاهدین
 رمة بی شبان وکله لک کرده نکهبان کبی هرزه بویان
 بیابان این وآن اوله دن تحصیلم « کالذی استهوته
 الشیاطین فی الارض ، مصدوقه سی اولور
 ملاحظه ربه زهار سرچشمه خاطر کزی شوائب
 اوهام خوف و خشیتله مکدر ایتیوب قلب کزی
 قوی طوتک عن قریب ابتلاج صبح عنایت صمدانی
 برله « آتیکم بسلطان مبین ، مطلع الانوار دن اوستره
 بر قوتلو کون طوغوب بو ظلمات تردد باند کلیه اچیلور
 اول زمان کور رسز « فای الفریقین احق بالامن ،
 انوار ساطعه الاثاری نیجه سچیلور رجال اللهک همتی
 بزمه بیله در « ان جندنا لهم الغالبون ، غلبه مرده
 اشتباه یوق مسئله خود معلوم شمدنکرو کتابی
 اولان مشکلاتم مفتی نافذ القول که سیف مسلول
 بی فلولدن عبارتدر اندن استفتا اولمغله فیصل

بولسون « السیف اصدق انباء من الکتب » دیلم
 خطالرمزه استغفرالله اگر ظاهر اگر غائب داخل
 حیطة معاضدت اولان دین قرن داشلری و یول
 یولداشلریمز شهباز قوچاقلرک بچاقلری کسکین
 سیندلری پرکین نعره لری سهمکین اولسون قلبا
 وقالباشد نطاق مظاهرت ایدن مجاهدین وقاعدین
 ربات الحجال اماللرین قریبا بروفق دلخواه تن داده
 آغوش استحصال بولسون آمین « دیو فائحه کلامی
 ختم خنامه ایرشدردی « سبکساران بشور آید
 ازهر حرف یعنی بفریاد آورد اندک نسیمی نیستانبرا
 وفقجه اول سلسله جنبان جنون و شجون و سوختکان
 تارکانون فسون قاطبة طیف و خیال مس ایتش
 اصحاب خيته دونوب تهیه اسباب کارزار ايله
 مجنون وار سر بصر اولغده نزع سراویل ارام
 وقرار ایتدیلر .

الی حیث القت رحلهها ام قسم

﴿ شرح مقاله خامسه ﴾

پای تخت سلطنت سیده حاصل اولان علت مزمنه
 فتنه نك تدفای ایچون متغذان ارباب فساد
 حلقه نده ایجاب ایدن عقوبات و تنقیحاتک اجرا سنده
 مقتضیات زمانه دن ناشی طرف سلطنتدن تجویز
 امهال اولنمی شورس واختلال طرفدارانك تكثر
 ظهورینه سبب اولدیغندن مقاله رابعه ده نكاشته
 صحیفه تقریر اولدیغی اوزره بین الجمه - نور تحکیم
 اساس اتفاق وامر اداره نك عظمای مفسدت
 پیشکانه تفویضی بایند، تجدید عهد و میثاق
 اولندقدن صکره سابقا شهرزور والیه سی اولوب
 ذیل شرحده ترجمه حالی تحریر اولنان صاری
 حسن پاشا که فعل قتله جرأتندن طولایی استجابولد،
 اختفا ایلمش ایدی . نار و قود فتنه نك کمال
 اشتعالی کوردکده ع « مرد ایسه ک سنده قارش
 یارانه » دهرک میدانده جیفغله واسباب آتیه الذکره

بناء هيئت باغيه نك اقصای مقصد لری ادر نه به
 عزیمت و سلاح شقاوته مراجعت خصوصی اولوب
 اولخالده احد پاشانك برلكده كتمی واستانبولده
 بر قائم مقام بولندیرلمسی اقتضا اینكده احد پاشایی
 مقام صدارته و حسن پاشایی خدمت قائم مقامی به
 تعیین ایتدیلر و سید علی افندیك تمارض
 و تبعیدینه مبنی مقام مشیخت علیایه بر ذك
 نصبيله فیض الله افندیك همان اعلان عزلی اهم
 امور عد ایلدكلرندن مقدما یتمش کون قدر قاعد
 محراب فتوی اولان امام محمد افندی كه كذب بی
 ناميله شهرت شعار و برمدتنبیری استعمال معجون
 یأس و نومیدی ايله مختل الافكار اولمش واركان
 فساد ايله نهانی عقد اتفاق ایلمش ایدی .
 جمعیتكاه فتنه به كتوروب جاه والای شیخ
 الاسلامیه افعاد ایلدیلر و لیکن فساد اخلاق
 حد مبالغه بی تجاوز اینكده رهنورد وادی طغیان
 اولنلر آمال و مقاصد لایتناهی ايله یوزلرندن رفع

قناع قناعت ایلد کلزندن هر کس در او خیال
 محاله تابع اولدی . از جمله احمد پاشا ایله چالق
 احمد انا و مقام مشیخته قائم اولان محمد اقدی اولجده
 فیض الله اقدینک و ایکی مخدومک نفی و تغریبنه
 رهیاب اولغله دعویه فیصل و یرمکه قانع اولمشلر
 ایکن ایادی مفسدت بادیلرنده قوت و اقدام مضرت
 اقداملرنده ثبات و مکننت مشاهده ایدنجه مشارالیه
 بالکلیه سلب وجودلرنه تحویل نیتله عتاید
 جه-وری از سر نو افساده باشلادیلر . بونک
 اوزرنه داخل دأره جمعیت اولان نفوس مختلفه نک
 هر صنفدن بر قایح خلیع العذار و علی الخصوص
 احوال و افعالی مقاله ثانیه ده تعریف اولنان متسید
 مصطفی و معن زاده صالحی و قره قاش مصطفی
 و دوره ژان احمد و کوچک علی نام اشخاص
 بد کردار احمد پاشا و چالق احمد انا محضرلرنده قنح
 مجموعه قیل و قال ایدوب صورت مدعای جه-وری
 حاوی اول باول بر محضر ترتیب و سفرای طلیق اللسان

یدیلہ عتبہ علیہ پادشاہی بہ تسریب اولنہ رق اولبابہ
 صدور ایدہ جک جوابہ کورہ حرکت اولنہ سنی ایراد
 وتکلیف وصنادید جهور بورای استحسن وتصدیق
 ایند کلرندن عامہ خلق جناب شوکتاً بدن ورامی
 پاشادن خشنود ومتشکر وانجق فیض الله افندی
 زیادہ سیلہ دلکیر ومتفر اولد قلرندن مشارالہک
 اولاد واحفاد ومتسبائیلہ دردولتداردن طرد
 وابعاد وکندوسی ایلہ مدافعہ بی مقتضی اولان
 دعوالرینک رؤیتی وفیمابعد مناصب عالیہ اقدم واعلمہ
 توجیہ واولجاقلر مواجبینک وقت وزمانیلہ اعطا
 وتوزیعی وپادشاہ حضر تلرینک بای حال استانبولہ
 عودتی مادہ لرینہ دائر قلہ النان محضری مشایخ
 متجلدہ حلوتبہ دن طاشجی زادہ مصطفی افندی
 مجمع ناسدہ قرائت ومندرجاتی حقندہ جہلہ
 جهوردن تحصیل موافقت ایلد کدن صکرہ بالجلہ
 علما ومشایخ واولجاقلر اغاری وسائر رؤسا ختم وامضا
 ایدوب موایندن قاضی کو بیلی داماد حسن افندی

وشعبان افندی و سلطان سلیم جامعی واعظی شیخ
 عیسی افندی وشهزاده واعظی عیسی زاده شیخ
 عمر افندی وسالف الذکر طاشجی زاده افندی
 علی طریق السفاره تقدیم محضر خدمته انتخاب
 وتعیین وصنوف مختلفه عسکریه ایله اهل سوق
 طرفلرندن ایکیشرا دم دخی ترفیق اولندرق ادرنه یه
 کوندردی . چونکه قائم مقام کوپرلی زاده
 عبدالله پاشا فتنه نک صورت تحدثنی اولجه علی
 التفصیل ادرنه یه اشعار وانها ایلمش و قبل جهوردن
 ترتیب وتسریب محضره قیام اولندیغی دخی ولوله
 انداز مسامع ارکان دولت اولمش ایدو کندن فیض الله
 افدینک باشنه زنبور تلاش واضطراب اوشه رک
 ووکلا ورجال باشلری قیدینه دوشه رک داهیة دهیای
 اختلاک دفع وازاله سی حقنده افکار پریشانلرینه
 وارد اولان آرای ضعیفه وندایبر سخیفه نک بری
 قول کتخداسی عبدالله اغانک مواجب نفرات ایچون
 بر مقدار اقیچه ایله عجله استانبوله اعزامی ماده سیدر که

عسکر اکا دسترس اولق سودا سندن کچوب عامه
 خلق ايله امر خروجه اتحاد ایلش اولد قلرندن
 اقچه ايله اسکا تلبینه صرف نقود مجه وود ایتنک
 فائده سی مشهود اوله میله جفی بدیهی ایدی .
 دیگر ی هاشم زاده نك اعدامی سببيله عموم اهالی
 استانبولک اباحه اراقه دملرینه فتوا ویرلسیدر که
 شق عصای جماعت اسلامدن بشقه بر نتیجه یی
 مفید دکل ایدی . شویله که قول کتخداسی
 عبدالله اغانک استانبوله اجنحه کشای عزیمت
 اولدیغنی متعاقب صدر اعظم رami پاشانک
 سرایند عهد مجلس اولنوب فیض الله افندی نك تعیم
 و افانده سی وجهله یکچیری اغانغی طرفندن بالوکاله
 مدعی مقامنده قیام ایدن محضر اغاجده جی اوجاغنک
 قپو چاوشی صالح اغا علیهنده دعوا یه ابتدار ايله
 « سنک استانبوله تشکیل جمعیت فساد ایلش
 اولان یولداش لرك باش اغامز هاشم زاده مرتضی
 اغابی قتل ایتمشلر . اوجاغز طرفندن بالوکاله قانی

طلب ایدرز، دیدی صالح چاوش دخی كذلك تعریف
 اولسان وجه اوزره یولداش لریك مومی الیهی قتل
 ایلدکلرینی اعترافی ایدوب بینه یه حاجت قالدیغندن
 روم ایلی قاضی عسکری ده افندی هاشم زاده نك
 دمنی جبه جی اوجاغنه حکم ایدوب ختام مجلسده
 صوت بلند ایله « هالی استانبول عموماً باغیلردر
 طوائف خوارجه ملحق اولشلردر . اوزرلر بینه غزا
 ایدلک کفار ایله جهاددن افضلدر ، وادیستده
 برطاقم کلام ملال انجام دخی ایراد ایلدی .
 فیض الله افندی بوقراری دفع غائله وحشته
 مدارعد ایدوب واریاب جمعیت ادرنه یه پانه سده
 شقاوت اولورلر ایسه بموجب حکم طرف ساطنتدن
 سوق کتیه جلادله استقبال وتنکیل اولمق ایچون
 بعض تدابیر احتیاطیه دخی شروع ایلوب ازجمله
 ادرنه ده موجود اولان یکپجری اورته لرینه یاغ
 وبال ورنج واقعه ارسالله مراسم خاطر سازی به
 تشبث ابتدی . بو ائناده طرف جهوردن محضر لرله

کوندربیلان سفر ادرنه به قریب حفصه منزلته
 نزول اید، جـ کلری خبری وارد اولغله تکرار ترتیب
 اولتان انجمن مشورته فیض الله افندی «سـ غیرک
 ادرنه به دخول و حضور همایونه قبولارنده مخاطرات
 عظیمه واردر . بناء علیه کندولرینه جواب
 رد ویریلرک دفع ایدملری انـ بدر ، دیو عقود
 رشته اصراری تحکیم ایلدی . رامی پاشا بو
 تصورنا بحسان مضطرب اولوب «حامل محضر
 اولنلرک قبل الاستنطاق در دولتدن طرد و تبعیدلری
 موافق معدات اوله میه جفتدن برکـ افاده لری
 استماع و تدقیق اولنهرق مستوجب مؤاخذ
 حرکتلری تحقق ایدر ایسه ترتیب جزالرینه ابتدار
 قلنور ، زمینده بسط مقال ایله تعدیل رأی سقیمه
 صرف مساعی ایتدی . نه فائده که فیض الله افندی
 محافظه اقبال غرضیله متلاشی و منشأ اختلالک سلطان
 مصطفی خان حضرتلرینه عرضندن متحاشی اولغله
 صدر اعظمک افادات محفانه سنه احاله سمع اعتبار

ایتمه رک سفرانک قلاع منجاورده دن برنده حبس
 و انسجینلرینی و کتوردکلری محضرک شق و حرقنی
 مصرانه تکلیف ایلدیکندن رانی پاشا کان کشاکشی
 « عطا القوس باریها » مغز اسنجه فیض الله افندیك
 قبضه قض و بسطنه تسلیم و ادرنه بوستانچی
 باشیمی علی اغایه سفیرنری حفصه ده باصدیروب
 ویدلرندن محضری آلوب اگری دره پلنه سنده قلعه
 بند ایلسنی تنبیه ایتمدی و علی اغا دخی مقتضای
 مأموریتنی ایضا ایلمدی . فاما اشبو معامله غیر
 لایقده بی سلطان مصطفی خان حضر تلی استماع
 ایتمکله رانی پاشایی مؤاخذه و تکدیر بیوردقلرنده
 مشار الیه بی محابا جوابه تصدی ایله « تسلیم مهر
 شریفده شیخ الاسلام افندیك رأیندن خارج
 حرکت ایتمه کلکمکی تنبیه بیورمش اوندیغ کزدن
 بوایشده دخی انلرک رأی و مطالعه لرینده موافقت
 ایلمش ایدم » دیهرک سبب فتنه بی علی التفصیل
 عرض و تفهیم ایله فیض الله افندیك و اولادینک

مسقط رأسی اولان ارضرومه نئی و اجلازی
 واکری دریه منفی سفیرک اطلاق و تطبیلی حقند،
 خط همایون استحصال ایله سرایه عودت ابتدی
 و یکچیری اغاسی طرابلسلی عثمان پاشایه فیض الله
 افندیك خانه سنی مستوفی نفرات ایله حصرو محافظه
 و اولاد و اتباعك خانه لرینه دخی بر چـ و رباحی
 تعیین و اقامه ابتدی معنی تذهیب دن صکره حکم اراده بی
 حاوی فیض الله افندی ایله بیوک اوغلی نقیب
 الاشرف فتح الله افندی به خطاباً بر قطعه بیورلدی
 تسطیر و رئیس الکتاب عبد الکرم بك ایله چاوش
 باشی عثمان اغایه تودیعاً تسبیح ایلدی . بوند
 وقت غروبده فیض الله افندیك قوناغده واصل
 و مخدومیه تنهجه صحبت ایدرایکن استیذانه وقت
 براقیه رقی متساویه الاقدام خلوتخانه سینه داخل
 اولمربله فیض الله افندی کرداب استغراب واضطرابه
 دوشوب سبب ورودلر بی سؤال ایتمکین چاوش
 باشی عثمان اغا بیورلدی بی بدینه اعطا ایدرک بالمطالعه

واقف حال فلاکت مدار اولتجد رئیس افندی به
خطاباً « ارضروم قصبه سی ایوا واسکانز تخصیص
اولتمقدن ایسد مطرح آسایشیری تنکنای مزار ایلک
انفع واولی ایدی سن برطوغری سوزلی آدمسک
حقمرده بوندن بشقه برشی واری » دید کده رئیس
افندی « مأموریت ومعلوماتمز بوکا منحصر در فقط
سرعت حرکتکن اراده یورلمشدر » جوابله فیض
الله افندی بی ومخدومنی حرملرینه وداعه بيله وقت
ویرمیدرک برقوقچی به ارکاب وادر نه ده تکیه قیوسی
قربنده کائن نمازگاهد چاوشلرله اذهاب ایدوب سائر
اولاد ومتعلقاتی دخی وقت عشایه قدر اورایه ایصال
قلند یغندن وارنه اسکله سندن سفینه ايله طربزونه
کوندرملک اوزره جله سی یوله چیقارلمش ایکن رامی
پاشا شاید جمهور استانبول بونلری دردست ایتمد بجه
ارام ایلزلر ملاحظه سیله فیض الله افندی بی واولادینی
مؤلف رساله نك ضبطنه نظرا پراوادی قصبه سندن
دوندروب الاجه حصارده ایوا و توقیف وراشد

تاریخک روایتند کوره ینه ادرنه به جلب و اغاق و سنده
حبس و تسجین ایتدیدی واکری دره به نفی اولسان
سفیرل در حال کتوردیلوب حضور همایونه تقدیم
ایله ایچلرندن امام دامادی حسن افندی به صدر
اناطولی پایه سی توجیه و دیگرلری دخی صورت اخری
ایله تملطیف قلندی .

فیض الله افدینک بنیان مرصوص اقبالی خراب
وویران و منفاده اولان سفرا مظهر عفو و احسان
اولدقدن صکره محضر معهوده جواب اولق اوزره
صنادید جهوره خطاباً بر قطعه خط همایون تسطیر
و مآئند مواد مستدعائک جمله سی رهین مرکز
اسعاف اولدیغی و یشمقچی زاده علی افدینک مقام
مشيخته مأموریتی تعهدیق اولندیغی بیان و تذکیر
بیور یله رق اشبو خط همایون هنوز سفرا ادرنه ده
ایکن میراخور ثانی سلیم اغایه و علی افندی ایچون
بر معتاد ارسالی لازم کلان خلعت بیضای مشيخت
دخی تذکره اول مصطفی افندی به تودیع استانبوله

ارسال قلندی . لیکن فیض الله افندینک استصوابله
 سفیرله مترتب اولان جزا دهان ساعیان فتنه انکیزدن
 اولجه واصل مسامع جهور مفسدت یما اولغله
 جله سی طریق شقاق و عنادده قنطره اعصاب
 و عروق لری سوکلدیکه بر برلینه مخالفت ایتمام
 اوزره تأکید رابطه اتحاد ایلمش اود قلزندن سلیم
 اغانک کنوردیکی خط همایونک حکمنه و فیض الله
 افندینک نفینه بی اساس نظریله باقه رق و مصطفی
 افندی بی ادرنه قپوسندن استانبوله داخل اولور
 لیکن اخذ و گرفت ایله سفرا حقلرنده اجرا اولنان
 جزایه بدل اغا قپوسنده حبس و توقیف ایدرک سلیم
 اغای مقدما سفیرله کوندر دکلری محضری مؤید
 و فقط شیخ الاسلامک امام محمد افندی به وروم
 ایلی و اناتولی صدارت لرنک و سایر مناصب علمیه تک
 انتخاب ایتدکلری ذاتله توجیهی استدعاسنی مبین
 بر محضرله ادرنه به اعاده وابعاث و مصطفی افندینک
 ششمجی زاده ایچون کنوردیکی خلعت بیضایی امام

محمد افندی به الباس ایتدیلر . سلیم اغا ادرنه یه
 واصل و محضر جدیدک مألنه و جهورک سوء حالنه
 ارکان دولتک اطلاعلری حاصل اولغله بعد الاستشاره
 بر طرفدن روم ایلی قطعه سننده بولنان وزرا و امرایه
 قیولری خلقی ایله ادرنه یه شتاب ایتلری حقنده
 اوامر علیه تسیرینه وارنودلق و ادرنه و سلائییک
 حوالیسنندن عساکر کلیه تحریرینه مباشرت
 و بر طرفدنده سفیرک توسطلری و انضمام
 ضمانتلی ایله مطالب اخیرک دخی قبول و اسعافنه
 مسارعت قلنه رق اولبایده صادر اولان خط همایونک
 تودیعبله استانبوله عودتلی حقنده سفیرله مأذونیت
 اعطا اولندی .

﴿ صورت خط همایون ﴾

سز که استانه سعادت اشیه مزده اولان علمای
 عظام و مشایخ کرام و ائمه و خطباء و سادات ذوی
 الاحترام و طلبه علوم و التی بلوک خلق و درگاه عالی

یکچیر یلرینک اوجاق اغاری و نفراتی و جبدجیلری
 و طو بیلری و طوب عربہ جیلری و چور باجیلری و او طہ
 باشیلری و سائر طوائف عسکر یہ و کافہ مؤمنین سر
 سلام ملوکانہ مز ایلہ حالکز تلطیف اولندقدن صکرہ
 معلومکز اولہ کہ میر اخور ثانی سلیم اغا قولم ایلہ
 کوندردیککز محضر کلوب منظور و معلوم ملوکانہم
 اولمئندر . بامر اللہ تعالی سید علی افندی یہ علت
 صابت ایتمکله سابقا شیخ الاسلام اولان محمد افندی
 داعیمز ایچون رتبہ فتوی و توفیق زاده محمد افندی
 داعیمز ایچون صدر روم و عبدالرحیم افندی زاده
 یحیی افندی یہ صدر انطولی و سینی زاده سید ابراہیم
 افندی یہ نقیب الاشرافلق و مصردن معزول احمد
 افندی یہ استنبول قضاسی استدعا اولمش عواطف
 علیہ ملوکانہ مدن مساعدہ همایونم اولشد . و مفتی
 سابق فیض اللہ افندی اولاد و اتباعی و اہوال
 و ارزاقی و ککندند و اتباعند: اولان مالکانہ لری
 میردن ضبط اولنور . بونکله اکتفا اولمئندر .

واستانه سعادت تشریف همایونمزدخی ان شاء الله
 مصمدر . شیخ الاسلام افندی و صدرین افندی
 داعیلمز کلدکارنده سولشیلوب عزیمت اولنور .
 بوندن اقدام محضرایله کلان حسن افندی
 داعیمز و شیخ عیسی افندی و مصطفی افندی
 دعاجیلرمدخی مأذون انصراف اولمیرایله خط
 همایون شوکت قرومزد شرفیافته صدور اولوب معاً
 ارسال اولمشدر . سائر رفیقلمزدخی کوندریلوب
 ان شاء الله تعالی وصوللرنده اول طرفده اولان
 اهل سوق دکانلری قیانونب بو قدر زماندر کار
 و کسبلرندن قالوب مضطرب الاحوال اولمشلر بعد
 انیوم هر کس ایشنده کوجنده و کار و کسبنده اولوب
 مؤمنین بیننده عیاذ بالله تعالی شق عصا و فوعیله
 شماتت اعدای دین و اختلال ثغور اسلامیده و بو
 مثالو نیجه مفاسده مؤدی اوله جق حرکاتدن احتراز
 ایلیه سز طرف طرف سرحدلرده نیجه امورلریمز
 اولمغله خیر دعامز ی استرسکز بو اختلافی اتلافده

و بوشقانی و فاقه تبدیل ایلوب دوام عمر و دولتم
 ادعیه سنه مشغول اوله سر فیما بعد الی بلوک خلقی
 و درگاه معلام یکچریلری و جبه جیلری و طوبیجی
 و طوب عرب جیلری و بوستانیان خاصه و بالجه
 قوم قوللارینک مواجبلرینه تعید و اهتمام اولمق
 اوزره تنبیه همایونم اولمشدر . ان شاء الله الرحمن
 ضرورت و مضایقه حکمرنر و السلام .

وقتاکه سفیرلر در سعادت کلدیلر صنادید جمهوری
 اورته جامعه جمع و جلب ایل خط همایونی قرائت
 و حامل اولدقلری حل و صایابی تفهیم و تلقینه
 مبادرت ایلدکلرنده ارباب فتنه متحد اللسان
 اوله رق « سز لر طرف سلطنتدن مظهر اولدیغکلر
 اکرامه فر یفته اولوب تشکیل ایتدیکلر حلقه اتحاد
 خلل و امر خروجده حاصل اولان شوقه کسل
 و یرمک ایستورسکلر من بعد جمعیت مز التحاقلر
 ارئه روی جواز ایدمیز » وادیسنده کلمات وحشیانه
 ایل سفیرلری میدان فساددن دفع و طرد ایلدیلر .

زیرافض الله افندیك واولادینك برتدیراحتیاطکاری
 اولق اوزره طریق منغان دوندرلمسی وعسکر جلب
 وجهنه تشبث اولمسی وجههورك اراقه دملرینه
 فتوا ویرلمسی فوق الحد غلیان اذهان مفسدت
 پیشکانی موجب اولوب حتی فیض الله افندی نفی
 ایدلمیوب ادرنه سراینده اخفا اولمش وحالا حوالی
 ادرنه دن نفیر عام وقریم ونوغای طرفلرندن تاتار
 خان قومانداسیله عساکر بیکران جلب ایدیلهرك
 جمهور استانبول قتل واعدام ایتدیریلهرك ایش
 دیور مرتبه سراج دروغه فروغ ویرمشلرایدی که
 بالکزارباب فتنه دکل خانه لرنده قالان اهالینک
 یله قلب وقالبیری سیلاب وحشت ونفرتله مالامال
 اولمش ایدی . لکن خطهما یونده مندرج تأمینات
 وتبشیرات طلبه ودرویشاندن داخل دائرة جمهور
 اولنلرک بعض مرتبه مصلحت فتنه ده فتورلرینی داعی
 اولمغین کندولرندن ظهوری ملحوظ اولان اختلافی
 دفع ایچون مشایخ وموالینک تنسیب وانتخابیله مشایخ

حلولیه دن همت زاده عبدالله افندینک میانهٔ جمهوره،
ایراد ایلدبکی مواعظ و نصایح که متن مقاله ده مفصله
و موضوعاً محرر در . انک تأثیر یله مفتورین جمعیت
شوق تاز، کله رک و طرف سلطنتدن جمع لشکره
تشبثک انتاج ایلدبکی اراجیف دخی افکار کارزاری
تشدید ایدرک درنه اوزرینه تحریک قادمه شقاوت ایدن
هیئت جمهور داخل سوردن خروج و حرکت کر بسته
اهتمام اولدیلر .

اشبو تفصیلات و نشر یحاکم تطبیقندن رهین علم
دقایق اشنایان اوله جغی وجهله مؤلف رساله
محضر جمهورک صورت تقدیمی واکا متعلق معاملاتک
کیفیت جریانی متن مقاله ده مختصراً بیان ایلشدر .
لکن وقعته نک اهمیت اساسیه سی بومباحثدن رونما
اوله جغی جهتنه اولیاده تتبع اثار و تحقیق اخبار ایلله
اشهب براعه عجز براعه فقیر وادی اطمنابه سوق
و تسسیر اولندی .

متن مقاله نک حاوی اولدیغی رموز و کنایاتدن « داخل

عروقه تولد ایدن صفرای فاسد « صحیفه گذشته ده
احول و افعالی تعریف اولنان « صاری حسن
پاشا در که جانباز امیرك خانه سنده مخفی ایکن
میدان فساد بای انداز دخول اولمش ایدی .
« عالم ذخیر کاذبه مبتسلا اولدی » قوی دخی امام
محمد افندیك مشیخته اقعادینه و « اول نفی اقایم
ثمنه ایله بالاجماع تصحیح مسئلهیه راضیلر ایکن
سلب کلی برله تغیرنیت « فقره سی محلده ذکر و بیان
اولندیغی اوزره صنادید جهـورك اول امرده
فیض الله افندیك و محمد و ملرینك نفینه راضی
اولدقلری حالده ازاله وجودلری غرضیله تغیرنیت
ایلدکلرینه اشارت و « مقناطیس مدعی وجه حسن
ایله عرض اولنسه » قوی داماد حسن افندی ایله
تقدیم محضره قرار و یرلدیکنی تلمیحدن عبارتدر
و « کریان رسالتی تذکره لمن التی » فقره سی
ادرنه دن استانبوله کوندرلش اولان تذکره اول
مصطفی افندی به و « ماصدق حالی لبسجته حتی

حین ، قولى مومى اليك اغاقوسنده خبس وتوقيف
 اولنديغنه دأر اولوب « ميرجنیه کش انذار دغدغه
 انذار ، تعبیری میراخور سلم اغادن کنایه در .
 و « خرقة پوشاندن بر شخص ، قولندن مراد میانه
 جمهورده وعظ ایدن همت زاده شیخ عبدالله افندی در
 موعظه مبحوئه ، ❀ کالذی استهوته الشیاطین
 فی الارض ❀ آیت کریمه سبله بدأیدن مقالات
 بین الجمهور جبل متین انحداده خلل و اداره شمشیر
 جلادنه کسل کتورلمدیکی تقدیرده مصلحت اجلاسک
 متغلبانه پذیرای حصول اوله جفنی تفهیمه دأر
 اولوب مؤلف رساله بودقیقه بی ❀ آتیکم بسلطان
 مبین ❀ آیت کریمه سی ایله افاده ایتش و « رجال اللهک
 همتی بزمه برابر در ، فقره سی ایله مشایخ و علمائک
 ترویج مصالح جمهوره سعیرینی متضمن اولان کلمات
 مواعظ آمیزی مراد ایلشد .

❀ اشبو مقاله ده مذکور الاسامی ذواتک ❀

❀ تراجم احوالی ❀

✽ امام دامادی حسن افندی ✽

زعفران بولاییدر . استانبوله کلهرك سرای
 همایونده غلمانان خاصه زمره سنه داخل و خلیفه لاک
 رتبه سنه نائل اولدقدن صکره طریق علمه دخول
 ایله بر مراد و امام سلطانی ابراهیم افندی یه داماد
 اولوب سلطان سلیم مدرسی ایکن قاین پدری ایله معاً
 جزیره قبریسه نفی ورتبه سی رفع اولمش ایدی .
 بیك یوز اوچ تاریخنده معفوأ استانبوله عودتله
 مولویتہ مظهر و محلنده بیان قلندیغی اوزره طرف
 جهوردن محضرله ادرنه یه عزیمتده مکة مکرمه
 پایه سیله مکرم اوله رق بیك یوز اون التیده
 استانبول قاضیلکنی دخی احراز ایتمش ایکن عزل
 و بروسه یه نفی ایدیلوب یوز یکر می اوچده اوراده
 ارتحال دار بقا ایلدی .

✽ شعبان افندی ✽

طوسیه ایدر استانبوله کلوب خاصکی سلطان
 کنخداسی اولان حضر پاشایه امام و دور مدارس

معتاده ايله بكام اولدقدن صكره سلاك موالى به داخل
ويك يوز اون تار يئخنده قلبه مولويته وفيض الله
افندى وفعه سنده ادرنه قضا سنده نائل و ثانياً
مولويته قلبه به واصل اولوب يك يوز اون التيد،
معزولا استانبوله عودت و يكرمى بر تار يئخنده
سمت عقبايه رحلت ايلدى . جسيم و سمين اولديغندن
قباشعبان افندى ديمكده معروف ايدى .

✽ شيخ عيسى افندى ✽

قضاتدن كرده لي صكوكى على افنديك صلبندن
بيك قرق يدي تار يئخنده قدمنهاده عالم وجود
اولوب سن رشده باغ اولدقده استانبوله كله رك
مشايخ حلوتيه دن يول بولييجى زاده شيخ عبدالكريم
افنديدن اثابت و احراز مرتبه خلافت ايلدكدن
صكره اولو او رته جامع واعظى اولوب اثناسى
وقعده ده سلطان سليم جامعى واعظلىك كنده بولموش
ايدى . مؤخرأ فاتح و بيازيد و سليمانيه جامعلى
واعظلىك كرنده دخی بوانه رق بيك يوز يكرمى يدي

سنة سی خلاند، بعد اداء الحج شام شریفه، عالم
بقایه زامله بند عزیمت اولمشدر :

✽ عیسی زاده شیخ عمر افندی ✽

قونیه دن نشأت واستانبوله هجرتله بیک یتیمش یدی
تاریخنده وفات ایدن مشایخ حلوتیه دن شیخ عیسی
افندیکن محمدومیدر . ات پازاری شیخ عثمان
افندیکن انابت و تکمیل اداب طریقت ایدوب بیک
یوزاون درت تاریخنده شهزاده جامعی واعظلمکنه
ویکرمی ایکیده ابی ایوب انصاری ومؤخرأ سلطان
سلیم جامعی وعظیه سنة ما مور اولمش ایکن بکرمی
بشده وفات ایلدی .

✽ طاشچی زاده مصطفی افندی ✽

بوسنة لیدر واصل سن رشد وسداد ونائل سرمایة
استعداد اودقدن صکره استانبوله هجرتله
کرسی نشین وعظ وتذکیر وناقل حدیث و تفسیر
اولوب سلطان مصطفی خان ثانی حضرتلرینک نتیجه
سفرینه عزیمتلرنده همت راده افندی ایله برابر

رکاب همایونه مأمور اولمش ایلدی . زمان سلطنت
احمد خانیده دخی بعض جوامع عالییه ده واعظ
اولوب بیگ یوز یکریمی یدیده دارالنعیم جنانه
انتقال ایلدی .

✽ همت زاده شیخ عبد الله افندی ✽

عصر سلطان محمد خان رابعده کبار مشایخ حلوتیه
ویرامیه دن اولان شیخ همت افندینک مخدومی
اولوب تحصیل علوم ظاهریه و باطنیه دن صکره
یکی بغچه قربنده کائن زاویه سنده جانشیز پدر
وبین الناس حسن صیته مظهر اوله رق بعض جوامع
سلاطین واعظلا کلرنده بولنمش و سلطان مصطفی
خان ثانی حضرت تکرینک نجده سفرینه عریتملرنده
فانج جامعی واعظی ایکن رکاب همایونه مأمور اولمش
ایلدی . بعدالعوده ینده وعظ و ذکر ایله مشغول
اولوب بیگ یوز یکریمی ایکیده وفات ایلدی .
« ایده همت زاده یارب عدن اعلا بی مقام »
تاریخ رحلتیدر . عذب البیان منطلق اللسان

وهر فنده ماهر یکنانه دوران ایدی .

﴿ متن مقاله سادسه ﴾

بومقالهء العجوبه نما اول باد پیمایان بادیهء غوا هنکام
عرض لشکرده قاعدهء سوقیان اوزره ترتیب الای
ایله عالمه رسوای اولدقلرین بیان ایدر .

حکیم سختساز طوسی هنر

بدین گونه ترتیب کرداین حشر

عرصهء روایتده صفارای غریب اثار اولان فارسان
الحیل اخبار تحقیق اوزره چونکه اول محمل اریان
معنی نه صد و هزار دعوی دهور ماضیه ده
پسندیده هوام عوام اولان نیجه بدع مضحکاتی
نظام امورانام ایچون موضوع قوانین دیرین اولق
زعیمه مراعاتده مبالغه بی لازمه ذمت بیلشلر ایدی .

بنابرین هنکام عرض لشکرده طریقت پیر پیش
قدمه رعایت مستلزم صلاح ملک وملتدر . لاجرم
هر حرفت علی مراتبهم بوليله حرکت ایتمک کرک

دیو ابتدا بر مصحف شریفی زی اشرا فسد بر گروه
 عظیم دست بر بالای دست واحد تعظیم ایله تقدیم
 و اطرافنی پرتو مهر رخساری روزنه دبستانی
 مشرق صبح بهاران ایدن لاله عذاران و مکتب عرفانده
 قصب سکر ایله مشق مقاله ناز و نیاز ایلین سانه
 لوحان سیپاره مرصع غلافترین حائل وارساعده
 راستدن آلوب کلخ آینه سینه اولان ثدی عینه
 تشبیب و کوشه دستار مظلالتین طرف بنا کوش
 سنبل پوشده صالوب بهار افروز طلعت ناظر فریب
 ایلش هربری صورت رقت انکیز ایله (عسکر اسلامه
 امداد ایله یامولی مدد) ترانه سنده نواسنج آمین
 اوله رق ولوله انداز قبه سپهر برین اولدیله
 ققارنده پیشوایان طریقت متصوفه دن (قطب
 اکلا دیغم مرکز غفلتده بواندی کیم دایره دن خارج
 ایدی ایتدیکی افعال) منظوقه سی صفت کاشفه لری
 بر قاج متر اهد ورع انتحال صوفیلری نامنده اولان
 سوفیلر ایله (خضم اگر یر دست تیغ خویش دارد

اعتماد) اعتماد تیغ بردست دعا داریم ما) زمزمه سیه
 سبحة دست اندیشه لری اولان عقود ماسوایی
 سبابة شره و آرایله تعداد ایدرک پای کوپان دست
 افشان های وهویله شورش فکن زمین وزمان
 اولوب آینه ثایه زلزله هراسانی وانجمن ثریاه
 دغدغه پریشانی و یردیله (بدم زاهدان افتادم
 از همواری ظاهر) ندانستم بنام تیغ این قوم
 از عصا باشد) بعده اختیار قضا ایله قضایی اختیار
 ایدن تیره روزان برکشته بختان که عنوان جریده
 حالری قلم واقعه نویس دیوانخانه منقب ایله
 * قد بلینانی عصر نابقضا * یظلمون الانام ظلماعما *
 * یا کلون التراث اکلا لما * و تحبون المال حبا جما *
 منظومه سی ایدی تعظیما لکبر عمایمهم زمزمه می قومه به
 ردیف مطیه ترتیب قلندی کذلک ارباب حرفتدن
 دخی پیشه ابوالبشر که زراعت و حراثتدر اصحابی سائر
 اصنافه تقدیم اولوب نباشیر صباح الخیر پیشانیستندن
 نیر زهت فروز (صفراء فاقع لونها تسر الناظرین)

شعشعی متللی کجیل العین ایکی توز غزال مثالی که
هر بری قاندلی اولان زواهدلردن براءت استهلال
ایدی جل مز رکش وتیر منقش ایله شوهر کد
بانوسرا کبی بزه یوب شاخلرینه اوتاغده لر تعلیق
ایتمکله شاه ایرانه وکردن وکوشنه یاره وکوشواره لر
یکورمکله کاو فریدون زمانه دوندروب آردنجه
لباس زراعیده بر شخص پادر شمم (امید کندم ایتمه
صاقین جوفشان اولوب) عالمده نیک و بد کتی هپ
اکدیکن بچر) ترانه سیله چب وراسته کندم
فشان اوله رق کشتزار کروفرده وافر تخم دبده اکوب
بچدی وراسته طحانین بر کردونه کاومیش منین
اوزره برقاعده بر خر آسیای سریع الدوان انشا
ایدوب (آسمیاب دولتی بر خرده اواسه دوندورر)
نکته سن تلمیح ایدرک کچدی . خبازان کثیر
الرمادک ایسه کذاک کردونه کردون نمون اوزره
احداث ایتدکاری تنور تفسیده دروندن فروزان
ولان زبانه نیران زبان حال ایله (بستان ز خلق

خام و بده پخته در عوض سرگرم « خوش معا ملکی
 چون تنور باش) مفهومنی افصاح و قصایان جبان
 الکلب طویل التجادک جوهر ساطور فولادی « شیرین
 و جرب میطابذ تیغ حادثات « جوشن زلاغر یست تن
 کوسقندرا « مضمونی ایضاح ایدرک کتدی
 حالان قوی الاقتدار ایسه لندهایانه اطوار ایله
 هر بری نمونه حل سیئاتی کوه البرز حجمنده بر اعجوبه
 کالبد ثقیلی دوش مباهاته تحمیل ایدوب « بهره
 خواجه زاسباب بجز محنت نیست « عرق از بار کران
 قسمت حال شود « دهرک جد اول شکن جینلرندن
 اساله آب عرق ایله ساحه کذرکاهی کل اکین
 ایتدی « فاعتبروا یا اولی الالباب « اما حرفت کله پزان
 برجوان بلورین ساقی النده نمونه سینئه عشاق
 بر کفگیر سوراخ نما بلنده ابرشیم فوطه مطلا بر تخت
 روانه خسروانه اجلاس ایتدیروب اوکنده سمین
 سینی و طبقه چینی برله آراسته بر مائه شاهانه
 پیرامنده کردا کرد کرسنه چشمان سفره وصلی

« جوان کله پزمن که دل سراچه اوست » تمام لذت
 عالم میان پاچه اوست » نشیده سیله پر جوش
 و خروش عقینده « سک نشیند بجای کیبایی »
 مقتضای سنج طائفه کنده پزان « مپرس از حکمت
 سخت و راز سر بهمراو » که کس نکشود و نکشاید
 حکمت این معمارا » نصیده سیله ظرافت فروش
 اولدی سر تراشان کذلک بر کجاوه ابکینه ایجره
 بر بت آینه طلعت بلورین ساعدی شیشه ده پری مثال
 ارایش و ساده غنچ و دلال و پیشگاهنده بر طفل
 مه عذار زهره جبینی دخی مشتری مقافیه قائم ایدوب
 مشکین شبستان صباحت اولان موی سنبلیبوی
 سر ملامت افسرین بریده استر الماسکون ایتد بجه
 پرتو حسن نظاره کدازی چراغ مهر عالمتاب کی
 فروزان و اطرافنده عشاق سر بازلی « دلارامی
 سرمن می ترا شد » زمین از عکس رویش لاله کون
 شد « دیو غرخوان اوله رزق کتدی بونلره تابع
 دلاکان پالوده تنان مه سیند « لاتعجبوا من بلی غلاته

قد زر از راره علی القمر، یعنی اندام یاسمن فاملری
 قیصان فرسوده ایله کویا فانوس مشمع ایجره فروزان
 شمع کافور بلکه ثباب بذله ایله هر بری ویرانه ده کیرلی
 برکج موفورایدی سینئه تابناکلی تابناف کشوده
 و طرف سسراو یلیری از کعب تابفخندین کشیده
 خنده مشتری تسخیر ایله ربوده دللرینه (کرچه
 حمام ایجره خوشدر صحبت یاران لیک سینن دلاک
 ایله خلوتده بشقه ذوق وار، نکته سن اشعار ایدرک
 رعنا رعنا طاوسانه خرامله عمر کرانمایه کبی کذران
 ایتدی موی تابان باز کون رفتارک ایسه شاکردان
 نادمیده مویلری « نازم بجوانی که بهنکام وصال
 چون اسب حرون باز بکفلی آید، نکته حالت
 بخشاشنی مشعر سپهر وار کون اطوار کبی عکسینه
 رفتار ایله دلفکارلرینه غیر معهود بشقه بریوزدن
 عشوهر صائدی قنادان شیرینکارک عنقای قاف
 حلاوت ادنی ذباب طبله لعل شکر فشانی اولان
 جوانان حلوا التبسمی نوشخند جان پسند ایله جیب

ودامان روزکاری لبیز شهد و قند ایدرک جلوه فروش
 و پیرامنده اشفته دلری « تمام عرصه محشر مکس
 فرو گیرد اگر چنین بقیامت شکر فروش ایی »
 نعمه سن طنین حزن ایله دمساز ناله و این ایدوب مکس
 وار خروش کوستردی خیاطانک دخی یاسمن مویان
 بنفشه خطانی هربری اندازه شیو ناظر فریبی
 قدر قاش دورنک چشم حیراندن حله دوزبالای حسن
 و بها اولوب کذر کهده دورویه صف بسته اولان
 صد باره دلار « ای رشته بس تو کامرانی » کردی
 باعل لبش عیش نهانی کردی « اندر کف او چرا شدی
 کوتاه عمر » چون غسل باب زندگانی کردی « ترانه سیله
 عرض خواهشه وسیله ایچون دلق و خرقة و قبا
 و کسوه ده چاک چاک دست شفاف اولدق جیب و کربان
 قومدی اما لحافه دوزان و قالیچه فروشان که حرفت
 سائر میانه سند « بتن بویا کند کلههای تصویر
 نهالیرا » بیایدار ساز دختکان نقش قالیرا « مطلعنک
 مضمون دلفشینه ماصدق پری چهرکان فرشته

فریب و فرتیله شهره دیار بر طائفه نظافت شعار در
 انلرک دخی هرتازه نهال دلاراسی مترصد ثبته الانظار
 اولان حسرنکشلرینه رداء ابهت حسن و بها ایچون
 سروطوبی خرام آرام ریاسنه نازان نازان رخصت
 اهتراز و یروب اول یوم الغطالی اشو بکاء قیامته
 مثال ابتدی « قو پسه یرندن اول قد وقامت غلو
 قویر » برفتنه در قیامت ایله رو برو قویر « حرفت یا غلقجیان
 و طاقه جیان و سائر ارباب بدستان که سفاحله
 معروف بر کروه انبوه شفف پزوهدر هرتازه
 خط نمکین سیمای زبنده قبای اول روز بهمرس
 مشتاقانده کچکرده دستار کاکل بقفا سنبل بطرف
 بنا کوش دستمال مخطط بر دوش غمره زنان طنز کنان
 شیوه معشوقه عاشق پسند ایله مستانه لوندا نه
 رفتار ایدرک بهجت افروز غرقه چشم تماشا بیان
 اولدقده « هربری صورت دیواره دوز عشاقک
 اوبت دیر ملاحت که کچریانندن » مشبک دریچه
 بالاخانه عصمتدن سیرایدوب ربوده اولان آشفته

من اجان من و اج جنبش « غمزہ دکل جلوہ رفتار دکل
 نریش کار کہ ہر دو جہان انجق ہو ، زمزمہ سبیلہ
 بر برینہ ہر بری برینی استصحاب کونہ کوسستروب
 « اولدی انکم کلشن آرای ہوس جوز کبی » اقدی
 کوکم بر نہال عشویہ صور کبی « دہرک ازواج
 مسلوبۃ الالبہاجلزدن استکراہ ایلہ خلع حیلہ
 ازدواج ایچون کشف قناع نشوزایتدی الحاصل
 ہر اصناف و تیرہ مر قومہ اوزر کالای روی دکانچہ
 معاشی یعنی رأس مال کارکا کارخانہ انتعاشی
 اولان شاگردان مشتری شکار تابند عذاری « پدرک
 روحی مادرک جانی « نوسانک رأس مال دکانی « عاشقک
 نقد عمر مکتبی « نرم و نازک سوللی چلبی « ہر بری
 بدشہ مخصوصنی مشعر اطوار عجیبہ ایلہ زیر علم پیر
 ویش قدملرند عرض ہنر ایدوب اشکال غریبہ
 ایلہ ساحہ کذر کاہی صحایف جریدہ اقلیدس
 و مجسمہ علی بہ دوندر دیلر بوجہ نک وراسند اول
 اینکی ہرزہ کرد روز کارک بری کہ وسادہ تنعم ترخاییدہ

رقاد حرص اشعبي ايله رصدخانه اقباله شخص
 مطلبم اولمش برهیکل کثیف و بی شعورایدی طغرای
 منشور شعارین « کلور اول دلیر سرکش قلیچی التده
 قانلو صاول ای کوکل یولندن که یمان کله شدر بو »
 عنوانله مطرز ایدوب توشیع کتابه ایوان شش
 جهات قیلدی دیگرری که رخساره حلیه حالنده
 اولان جریحه جرایم « يعرف المجرمون بسیماهم »
 بهوديله انبیام شهرت بولمش برعتریف منفورایدی
 صدای کمره نای اقتدارین « منم ان سپهدار
 بی مر سیاه » جهان پهلوان ویل کینه خواه « چومن
 باشم اندر میان یلان، میدان چه کارست زال زمان » بروم
 اگر سام در خواب دید « بترسیدولر زید و جایش برید »
 دمه سیله سیر آهنگ ایلوب مهره بطاس انداز
 سورگاه کائنات اولدی « وللقیامة اشراط و قد ظهرت
 بعض العلامات والباقي علی الاثر » فحواسنجه « قالدی
 شمسک طلوعی مغربدن » ساری بر برایتدی جمله خروج
 یعنی دجال و هم بنی اصفر « دابة الارض و لشکر یا جوج »

شرح مقاله سادسه

مقاله خامسه ده تفصيل و ايراد اوليان اسباب
و حالاته مبنی جمهور استانبول ادرنه يه عزيمت قرار
و بردگ کردن ترتيب و تحرير لشکره ابصار اولنوب
جمعيت فتنه ده اون بيك مقداری بيگچري و درت
بيك درت يوز نفر سپاه و سلحدار و بيك يوز نفر
اشاغی بلوگ نفقاتی و درت بيكدن متجاوز جبهه جي
و بيك ايکي يوز نفر طوبجي و عربيه جي و بيك نفر
مقداری سادات نامنه بعض اشخاص مجهوله
بولنش و طلبه علوم و درويشان اينله اهل سوق دخی
بش التي بيك نفره بالغ اولشدر که مجموعی او توز بيك
نفره قريب ایدی بوندن ماعدا استانبوله اطرافدن
عسکر دخولک منعی اچون طرف سلطنتدن از ميد
و مدانيه اسکلدرينه کوندرلش اولان ماء ورلر
جمهوردن سردن یکدی اغاری ارسالله استيصال

و بروسه حوالیسنده ایکی یلک نفری متجاوز یکپیری
 جمع ایله استانبوله ادخال قلندی و فیض الله
 افندی به قرابت صهریه لری اولان وانی زاده احمد
 و سلیمان افندیلر بروسه جوارنده کائن چفتلرکرنده
 مقیم ایکن سردن یکدی طاقی هجوم و قحام ایله
 مومی الهمایی اسیر سلسله بلا و مالارینی نهب و یغما
 ایتدیلر و فیض الله افندیك و اولاد و اتباعك
 استانبوله کائن خانه لرده و بدستان و جوامعه
 محفوظ اموالی دخی ارباب فتنه اخذ و غصب ایله
 مصارف سفریه بی اندن ترتیب ایدوب علما و مشایخه
 خرجرا هر اعطا ایلدک لری مثلاً قائم مقامغه تعیین
 قلنان صاری حسن پاشا ادرنه به عزیمت امرنده لازم
 کلان مهماتك تدارکنه صرف مساعی لایحصى
 و اثر تردد و تحاشی بی باکلیه امحا ایتدی و الحاصل
 هیئت فتنهك قوت و مکنتی نتایج نیت فاسده لری
 استحصاله کفایت مرتبه سنی بولدیغندن ورؤسای
 جمهور ایشه عوام پسند اولان نیچه عادات باطله بی

قواعد وقوانین قدیمه دن اولق اوزره اتخاذا و اجرایه
منهمك اولدقلرندن ترتیب الای ایله جمعیت فسادیه
داود پاشا صحراسند: کائن چرینی چارینه نقل
اوندی وقتا که جمهور فتنه نك استانبولدن خروجی
خبری سامعه دولتی تخدیش و قلوب و کلای سلطنته
القای تلاش و تشویش ایلدی اولجه ادرنه صحراسند
کلمکه مأمور اولان ولایه و امرایه اوامر مؤکده ارسال
اولنوب جمله دن اول اولاد فاتحان عسکر یله یورک
والیسی حسن پاشا وانی متعاقب عساکر مرتبه ز یله
محمود بك زاده خندا و یردی پاشا و روم ایلی بکک
بکیسی خزینه دار ابراهیم پاشا وارنودلق امر اسندن
سایمان پاشا ادرنه یه مواصلت و قره بایرل نام محمله رکز
خیام اقامت ایلدیلر .

• مؤلف رساله نك اشبو مقاله سادسه یی تنظیم
و ترتیدن مقصدی لسان استهزا و براسلوب لطافت
ادا ایله الای جمهورك صورت تشکیلی واریاب حرف
وصنایعدن داخل حوزه جمعیت اولان کسانك

صفات و احوالی تعریفند عبارت و اول وادید،
منقوش لوحه افاده اولان تعبیرات و ارسته ایض ح
و اشارت اولوب فقط «کیل العین ایکی ثور غزان
مثال، عبارت سی نشانی احد پاشا یله چالق احد
اغابی و» رقاد حرص اشعی یله رصدخانه اقبایه
شخص مطلع اولمش برهیکل کیف، قوی کذاک
احد پاشایی و» رخساره حلبه حائده اولان جریحه
جرائم، عبارت سی ینسه چالق احد اغابی تلخیص
ایلدیکندن بونلرک بیانیه اکتفا اولندی .

﴿ متن مقاله سابعه ﴾

بو مقاله اول تازنده کلاب ککرده خداوندک انسانی
هرزه کریده تألیف ایتدکلری صحیفهء سخیفهء بی
تسند برله سمت صلاحه داعی اولان اولی النهایی
نه وجهله رد و صد ایتدکلرین بیان ایدر .
حدی سیج جازه این رحیل
چنین محمل ارست زین قال وقیل

چونکه اول « سماعون للكذب » کریمدسی آویخته
 لوائ ادعاری و « اکالون للسمحت » تمیدسی دوخته
 کریبان اشتعالی اولان کتاب ابرهه رکایب مقاله
 گذشته ده طی کرده ساعی قلم مکبوب السبیب
 اولان وادی غریب و نهج عجیب اوزره زامله بند
 خروج اولوب فنای عربندالهرابده واقع ساحه
 نظیفه سی ظلیل معدات ظل اللهی ایله مانند بلد
 الامین « لافسوق ولاجدال » ربیع رحمت فیضانندن
 حج معصرات امن و امان ایله سرسبز وریان برمرج
 سنبلیز بهشتی ارجده تسوید حمل تدبیر سقیملری چون
 برقاج کون ضرب خیمه نزول برله ثقلت بخش سیند
 زمین اولدیلر آرزمانده فج عمیقدن کلوب اردوی
 تیره رو یلرنده تعفن و تگون ایدن نفوس ضایعه
 وحشرات شایعه دن اول زهتگاه دل نشینده
 کنجایشلری متضمن عسرت و هجمه زحامله
 معاضد تلری کذلک اطراف ممالکده دخی تلویث
 شعاب ارضین ایتمه وجوه ایله مستدعی جلادت

اولدیغندن غیری فسون و فسانه ایله صدسل طور دقلری
 برده عزیت خوان قیل وقال اولسه لریری رخان
 امال ممتل دائره دعوت اولق خیال محال اولدیغی
 دخی یراعه یقین ایله مرسم صحیفه بالمری اولغین
 فیما بعد دخیه مشکل قلم استدیالینک دروازه
 حصوله قدم نهاده وصول اولدیغی خلع نعلین
 آرام ایتمک اوزره کفش دوز پای تعصب اولوب
 ساق واحد اوزره قیام کوسر دیلر «تدبیر خون
 ریختن تاختند» بهم تیغ وراثت برافراختند، همه ساز
 کینه شد اراسته «چه از خواسته وزچه ناخواسته»
 چونکه اول سکر بیغی و شقاق سرکرانلری مزلق
 وقاحتده دست بدست نفاق اولغله شد نفاق اتفاق
 ایتدیلر اهل و عیال و مال و منالری رهینه وقایه
 امان اولق ایچون برطائفه صعب الکر یهه نك ضمان
 و کفالتنه و دیعه قلمق اهم و الزم اولغین قطع دابرری
 تأیید نظام عالمی مستلزم احکام جرایم و ماتمندن
 نه دکلو مسجون و محبوس حیات نرندن مأیوس زانی

وقاتل و نصوص آویختنی و کاریز کر زده متواری
 منجلا بخیبت و خذلان کشتنی و ارایسه بخدا فیرهم
 سبیلارین تخلیه و پاسداری شهر ایله بنات و نسوان
 و صبیان لری یاننده محافظه بی الیوم مدلیله حبذا
 حامی ناموس ملک و ملت و ناشر رایت عفت و دیانت
 اولدیلر « ان هذا شیء عجاب » روز دیگر کو توال
 صبح نقیعه خدیو چار اورنگ خورشید ایچون غله
 نجومی قلعه خالی رنگ اسمانده در نیار ایتدی
 یونلر دخی مهم سازی اسباب حرکت عذیم
 البرکتلریله تقدیم مقدمات نهضت ایدوب « ازرباط
 تن چوبکذشتی دکر معمور نیست » زاد راهی بر نمیداری
 ازین منزل چرا « مقتضای سنجده زاد و ذخایر راه و سائر
 لوازمات سپاهی منزل بمنزل مرفوع و مجرور تدارک
 و تحصیل ایچون بین ظهرانی الانام مهان و محقر اولان
 طائفه قبطیان مستهامدن بد اصل حرف سرط ضراط
 بر نشال یا جوج القامه مخاطبی سائلان مبهم چاپک دودن
 بر نیچد عونه ایله یکروزه راه ایلر ویه روبراه ایدوب

کند و لری دخی صدای کرده نای رحیلی « باهای و هوی
 و لاف کنم طی را د عشق » باشد که هول در دل رهن
 در آورم « ترانه سیله دمساز ایلوب نشو و نما
 عنایت ربانی برله روضه خلد برین کبی نعم فراوانی
 هر دم بهار « اکلها دائم » اولان بوستان سرای
 دار العیش جهان بینی دام محروسة الی انقراض الزمان
 فی وقایة الصمدانی که همیشه دست ضعیفیه نسبت
 با کور « اشجار مر فوعه سی » قطوفها دانیة
 و نوباوه غصان مطبوعه سی « لامر فوعة ولا تمنوعة » در
 ازهار و اثمارینی دندان تعرض برله یریر اضاعته
 مور مثال کر بسته حرص و از اولوب کتدیله
 شویله که مثل ایتد کوری بقاع و صیاصیده محصول
 مزرعه امن و اطمینان « فاصبح هشیما تذروه از ریاح »
 تفسیرین ایضاح و خیام و خرگاه لریله تفسیده تی
 تبر دکان وش آبله دار اولان کوه و هامونک دموغ
 رودی « صبت علی مصائب لوانها » صبت علی الایام
 صرن لیا لیا « نکته سن افصاح ایدردی تا که رهنمونی

دیور یو اول قافله بی توفیق مانند لجه هدایت
 رب مجید کناره بحر سفیددن دخی تبعید ایله دامن
 دشت و صحرا بی طوتوت تجدید عهد هرزه کردی
 ایده جک منزله ایرشدرنی یعنی هنگامه کرم اولوب
 التقاط نقره افکار خام ایده جک محله ینشدیردی
 پس در حال پیشگاه مخیم سفاهت تو املرنده واقع
 بردلکش فضائی چمن پیراده بسط کلیمپاره مشورت
 ایدوب «ویل للمکذبین» فلرونده محکمه آرا اولان
 متقاضیلر «مستقبل عالم بتر از ماضی شد» عاقل
 بخرابی جهان راضی شد «کوساله اگر خطیب
 کرد چه عجب» چون کاوقفیه کشت و خر قاضی
 شد «جاده عدل و سداددن جهت ترم و عناده
 عدول و اعوجاج کوسرتوب» لیس من الله بمشکر
 ان یجمع العالم بواحد «مقدمه سن احتیاج ایله
 تسویه امور ملک و ملتده عجز و قصوره ترتب ایدن
 معنایی متضمن تألیفنه سعی ایتد کلری حلیه صحتدن
 عاقل بالاجماع باطل اولان حجت لجاسی صحیفه

روی حالری کبی تسوید و عنوانی ختم و امضایله
 نمونه جبین شاهد زورایدوب قلم کراما کاتبین ایله
 روزنامه سیئات اولان جریده اعمالری کبی « هذا
 کتابنا بنطق بالحق » دیه رک تسنید ایتکله ممائل
 « یوم تبلی السرائر » اولان روز دلسوزده اول صحیفه
 صحیفه بی وثیقه ساطع البهان باهر النفوذ ایتدیلر .
 ای کرده بجهل نام خود را قاضی
 خلاق جهان نیست بحکمت راضی

آتش یارد هماندم و آن ساعت
 شهری که در آن شهر تو باش قاضی
 باماند که خسرو زمردین خیام خورشید قصد
 قلم و مغرب زمین ایله علم اشعه زرین کوپی درواز
 اوراق لعین نطابق خاوریده افراشته قیلدی اول
 شردمه شردمه دخی دار الحرب افرنج و الامانده
 وقوعی علی طریق فرض محال تصور ایتدکری
 زدو برد و دار و کبری بیت الامان اسلامیاده رتیه
 تصدیقه ی تورمکه شدت ایتلاف ایله شمشیریک غلاف

اولوب هرا جبر من دور بر امیر تیمور و هر عور عریان
 کند و باشنه بر هلاکو خان بلکه عالم اعتراده
 بر صاحبقران کیتی سستان اولغله و دیعه جناح حفظه
 ملک و ملت قلنان اسباب نظام امی زهق و محقه
 غارت اندوزلق مر اسمن ایدا و ذریعه رفا عجزه
 رعیت اولان اثاث ثروت خانه امنیت عالمی خرق
 و حرقه کشور سوزاق لوازم ابداع و اجرا ایتمکه
 بر زده دامن طغیان اولدیله بونک برله بنده اول قومه
 متطلبه کاه طریق نفس الامر ده عنان کیر مطیبه
 عزیمت لری اولان خزینه کنج علوم عالییه بی توسن
 جربزه باز کون نعل مغلطه اوروب « انکار نص
 ایله شرعه مخالف سوبله بیلر میسین تفسیر
 « والعادیات » وصف « صافنات الجیاد » سندس بکیم
 رفرقی الخرکات غزاندند و « فضل المجاهدین علی
 القاعدین » نص مبین فضائل مجاهدین مبین آیات
 ینتادند مسبوق بالمثل دکلدر کلامی لسانه النمر
 صفین وقعه سنه سوزک ندر حذر ایله کبار اصحابه

اسناد بغی ایله مذهب رنضه تقویت و یرمه
 یوخسه مر ادك مسلك اهل سنت والجماعتی سلب ایله
 « تجتمع امتی علی الضلالة » حدیث صحیحی منکر اولوب
 ادله نك برین ابطاله می سعی ایدرسین هیچ اوله جق
 ایشمیدر مسئله معلوم دكلی غلبه و کثرت قنغی
 جانبد اولدیغی خود « کنار علی طرف منار » مشهود
 و بدیدار ایکن عدم جواز ایله نیجه صورت مخالفت
 ابرازاید یلورسن کتابی اولان سلوک کتب صد یچون
 نه سندی سدره ممانعت قیلورسین « اشته فتوا
 اشته حجت » مثلاً کلمات نادر برابر ایله لکد کوب
 سنابك الحیل سفسطه قیلوب یلد کلرین سو یلدیلر
 و گاه آینه خانه بیان واقعه وجه حسن اوزره ایراد
 کلام دری النظام ایله مر غولۀ ادعالینه شانۀ زن
 تعرض اولان مر سله طراز تعریضی « صقن صقن
 یشله بصدك قامه یه قنذیل اصدك یره دخل ایدوب
 کسوته تو کوردك بلكه تکیه یه خوك وصوفی یه غوك
 و کنیسه یه ندور و شماسه فطور کتوردك بك خطا

ایدوب و باله کیردک سن بیلز سن اما بوسوزدن امامه
کوپک مؤذنه کوسستبک دیمک چیقار استغفرالله
تبت و رجعت بوندن رجوع ایله بردخی لسانه آله ،
دیوب محاضرات باطله ایرادیه یکیدن مسلمان ایدوب
بکند کلرین ایلدیلر .

باطل همیشه باطل و بیهود در ولی
مشکل بود که صورت حقندن ظهور اید ،

﴿ شرح مقاله سابعه ﴾

مقاله سابعه ده تعریف اولندیغی نوزده جهور فتنه
چریجی چارینه نقل خیمه و خرکا ، ایلمش اولدقلرندن
اوزاد برفاق کون آرام و التمش پاره طوپ و ایکی هاون
و کلیتلو جیخانه و مهمات تدارک و استحضارینه اهتمام
ایندیلر لیکن هیئت مجتمعه نرینک اول نزهتگاه دانشینده
کنجی ایشیری متعسر اولدیغندن ماعدا طول مدت
اختیار قامت و یالاکز ادرنه به اشعه توجیه و جلالت
ایتمکله آمان مضره نرینک نتیجه بخش حصول

اوله میدجغنی قویاً تفهم و تیقن ایلدکلرندن بئیان
 دعوائی فاسد لرینک دروازهٔ حصوله یعنی موکب
 همایونه قدمهادهٔ وصول اولدجقه بربرده ارام
 ایتمکده قرار و یردیلر واستانبولده قاله جق اهل
 و عیال و مال و منال لرینی صیانت و وقایه ایچون ترسانهٔ
 عامر دده و سائر محاسبده نه قدر اصحاب جریم و مأثم
 وار ایسه چیقاروب شهرک امر محافظه سند تعیین
 و باش باقی قوللغنه صورت استیلاسی مقالهٔ ثالثه
 شرحنده بیان قلغان بلغرادی کوچک حسین نام
 شخص بدلقابی نزل امینی نصب ایله منزل بمنزل
 احضار ذخایر و لوازم ایتمک اوزره برکون اول ادرنه
 طوغری اعزام و تسبیل ایتدیلر انی متعاقب
 اردوی فتنه چریچی چایرندن فک طناب قرار و داود
 پاشا سرابی ایله جوار و حوالیسنده تصادف ایلدکلری
 بساتین و مزارعه جراد منتشر کبی اطالهٔ ایادی
 خسار و مضار ایدرک ادرنه طریقنی ساحلیدن تفریق
 ایدن سلوری منزلنه مواصلت ایتدکلرنده چونکه

غلیان کانون فساددن اورایه وصولری کوننه قدر
 جه ورناس احمد خان تانی حضرت تلیک شهزاده سی
 سلطان ابراهیمی اجلاس صد دنده ایکن بالمله علما
 وموالی و سائر اشراف اهالی چالق احمد اغناک
 چادرند، بسط کلیم مشورت ایدوب کندولرینک
 بویله جمعیت کثیره ایله قیام و حرکتلری اوزرینه
 طرف سلطنتدن ادرنده تحشید و ترتیب جنود، بذل
 مجهود اولمش اولدیغندن سلطان احمد خان ثالث
 بالانحصار تخت خلافت و ارث ایکن نوبت سلطنتک
 هنوز نصاب شبابه بالغ اولمیان شهزاده سلطان
 ابراهیمه تحویل و تقریبی نظام انتقال سلطنته خلل
 ویره جکی و بویله بر حرکت غیر مستقیمه الی قیام انساغه
 حقلرنده موجب طعن و سبب سبب و لعن اوله جغی
 وادیسند، تهید مقدماندن صکره سلطان ابراهیمک
 اجلاسی تصورندن بالاتفاق صرف نظرله برابر سلطان
 مصطفی خان حضرت تلیک تسویه امور ملک و ملتده
 عجز و قصورلرینه دأر اول و آخر درمیان ایتدکلری

اسناداتی متضمن بر حجت باطله تسوید و ختم
و امضای یله تسنید ایدرک سلطان احمد خان ثالث
حضر تتری نامنه سلوریده خطبه اوقوتدیلر .

ارباب اختلالک استانبولدن قیام و حرکتلری
ادر نهیه منعکس اولدقدده صدر اعظم رامی پاشا
بر دیوان عظیم تشکیل ایدوب اتفاق ارا یله جمهور
فته بی سمت رشد و سدادده دعوت ایتک اوزره اولاد
فاتحان ضابطی حسن پاشاک ارسالی تصویب
اولمغین مشار الیه بومأموریته تعیین وادر نهده کائن
سلطان سلیم جامعی درس عامی کنج علی افندی
و مشایخدن رضوان افندی و محمد افندی ترفیق
اولنه رق و قوعبوله جق مکالمه نك تحریرینه دخی
دیوان عالی کاتبلرندن وانلی دری احمد افندی مأمور
قلنه رق بری جمهور استانبوله و دیگرى مشار الیه
حسن پاشایه خطاباً ایکی قطعه خطهمایون صادر
اولدی .

﴿ صورت خط همایون ﴾

سز که آستانه سعادتزده اولان علمای اعلام
 و مشایخ کرام و ائمه و خطبا و سادات ذوی الاحترام
 و طلبه علوم و درگاه معلام یکجیر یلری و سپاه و سلحدار
 و درت بلوک خلقی و سایر طوایف عسکریه و کافه
 مؤمنین سز سلام ملوک انزایله حال کن تلطیف و قلوب کن
 تألیف اولند قد نصره معلوم کن اوله که « وان طأفتان
 من المؤمنین اقتتلوا فاصلحوا بينهما » مقتضای ودخی
 « ادع الی سبیل ربک بالحکمة والموعظة الحسنه »
 فحواسی اوزره بشریت حسبیله واقع اولان جمعیت کنی
 طاغیدوب مسلمین بیندن اختلافی دفع ایتک اوزره
 ایکی دفعه خط همایون شوکتقر و نماز ایله نصیح و بند
 اولنوب لکن امر شریفمره اعتماد اولنوب دعوا من
 واردر دیو جمعیتده اصرار و اولنکی حال کن اوزره
 استقرار کن استماع اولنوب دعوا ی شرعیه اعداد
 و عتاد و جمع اجناد ایله اولیوب بو خصوصده

اقوال کردن منفهم اولان افعال کز میان اولغله
استکنانه حال ایدوب مقصود کز نه ایسه طرف
همایونزه اعلام ایجون وزرای عظامزدن حسن
پاشا قولز ایله مشایخ کرامدن سلطان سلیم شیخی
رضوان الله افندی و سلطان سلیم درس عامی کنج
علی افندی و سلطان بایزید شیخی محمد افندی
داعیریمز ارسال اولمشدر دعوا کز مفتی سابق
سید فیض الله افندی ماده سی ایسه کفایت احوالی
معلوه کز اولمشدر اندن دعوا کز اولدیغی حالده
شیخ الاسلام افندی و صدر بن افندی لر کلد کلرنده
اولدیغی محلدن احضار و مرافعه اولنوب مقتضای
شرع هر نه ایسه اجرا اولنور بونک ایچون ایقظاظ
فته ندن اقتضا ایدر بو حرکت کراکر شمیدی یه دکین
واقع اولان سوء صنیع کز مقتضای اوزره اثر ترتیب
ایتمک ولاحظه سسیله عدم امنیت کز جهتدن ایسه
عفو و صفح احسن اعمال واجل خصال اولغله بعد
البوم جمعیت کزی طاعیدوب سمت صلاحه رجوع

ایتمک اوزره هر نه وجهله قلو بکن مطمئن اولور ایسه
 حسن پاشا قولز طرف همایونمزدن توکیل اولنوب
 مأذون و مرخص قلمشدر عهد و پیمان اولنوب
 دردولتمدارمزه عرض ایلسون اتمک مناسب کوردیکی
 مقبول همایونمزدن الله عظیم الشانک حق و رسول
 اکرم حرمتیچون مابینده واقع اولان معاهده بردارو
 خلاف اولمق احتمالی اولدیغندن ماعدامفتی سابق
 و اولاد و اتباعی بعدالایوم تخصیص ایتدیکی مناصب
 علیه جله منجمله اولغله شیخ الاسلام افندی داعیمز
 کلدکارنده اول زمره نك مستحق اولنلرینه تفویض
 اولنوب حاصلی اگر علما افندیلر و اگر طوایف عسکریه
 اختیارلری جله عواطف سنیة ماو کانه مدن بهره مند
 و بر مراد اولورلر مؤمنین ببنده اولان اختلافک
 وزرینی فکر ایدوب شرع شریفه موافق مراد
 نه ایسه حسن پاشا قولز ایله سو و بلبشوب و معاهده
 ایدوب شیخ الاسلام افندی و صدرین افندیلر
 داعیلرمن بو طرفه ارسال و کندیکزیرلویریکزه

کیدوب مطمئن القلب اولوب دنیاده، و آخرتده راحت
وسلامت اختیار ایلده سز و السلام .

﴿ بودخی بخط همایون صورتیدر ﴾

سنکه استانبولده تخریب ایدن بغاتی توفیق و اصلاح
یچون مأمور اولان وزیرم حسن پاشا سن ان شاء الله
تعالی مأمور اولدیغک اوزره واروب مزبورله نصیح
و پند ایلده سمّت صلاحه رجوعه ترغیب ایلده سن اکر
بعد ایوم جمعیتلرین طاغیدوب هر کس کند و حالند،
اولق اوزره عهد و پیمان ایدرلر ایسه سندخی شمدی به
دکین واقع اولان سوء صانعلریچون طرف همایونمدن
جز ترتیبه شروع اولمیسوب جرملری قرین عفو
همایونم اولق اوزره تعهد ایدوب کیفیتنی عرض
و اعلام ایلده سن بوندن صکره دخی مستصح و متأثر
اولرلر ایسه باغیلر اولغله مقاتله اقنضا ایدرله مقتیه
واستانبولدن چیقوب اسکی خاللی اوزره مکث
ایدرلرله هر نه طریق ایلده اولور ایسه اطرافندن تضییق

اوانوب حاصلی اکر مصالحه واکر مقاتله واکر سائر
طریق الیه نصیب اولنق کبی هر نه اقتضا ایدرسه
طرف همایوندن مرخص اولمش سکر عاقلانه
ودلیرانه حرکت ایلوب ظهوره کلان احوالی
ییدری اعلام ایلیمه سن سنی اللهه امانت ایلدم
کوریم سنی نه وجهله حسن تدبیر وغیرت وحیت
ایله حرکت ایدرسن والسلام .

حسن پاشا اولاد فاتحان وارنود عسکرینی واسامیسی
بالاده نکاشته سطور اولان ذواتی استصحاباً
ادر نه دن حرکت وچورلی جوارنده کائن قینقلی
منزلده مواصلت ایلدکده جمهور استانبول سلوری
طرفندن ظهور ایتکلده حسن پاشا ارباب اختلال
جانبندن مکالمه ماده شقاقه مبعوث اولنلرله ملاقات
ایدوب دها اساس مأموریتنی تبایغ وافادیه ابدار
ایتمزدن اول مبعوثان جمهور فیض الله افندینک
ومخدوملرینک علیهنده ایراد کلامه باشلادیلر وکنج
علی افندینک خروج علی السلطان حکمنه توفیقاً

در میان ایلدیک سوزله مغابل مغلطه و سفسطه به
 قیام ایدوب صفین وقعه سنی و سلطان سلیم ثانی
 حضرت تکریمت ادرنه دن استانبوله صورت عودتینی
 مقام دلیل و تمثیلده بیانه اغاز و حجت سالف الذکر ایلده
 مدعای جهوره دأر تنظیم و استحضار ایلش
 اولدقلری یدی قطعه فتوایی ابراز ایلدیلر مبعوثلک
 استدلال و تمثیل طریقله وقعه صفینه نقل کلامدن
 مرادلی مستلزم خروج اولان اسباب و حالاتک
 ملکاً و ملتاً محاذیر و مضراتی ارباب شورتک اتحادی
 و حله علومک تصدیق و اجتهادی ایله مثبت اولغله
 کندولرینک اصلاح احوال انامده تفاقلرینی معنای
 عصیان ایله تفسیر ایتک صفین وقعه سنده جانب
 جناب مرتضایه مخالف اولان اصحاب کرامه اسند
 بغی ایتک قیلندردیه رک تنویر مدعی غرضنه مبتنی
 کورینور .

وسلطان سلیم ثانی حضرت تکریمت ادرنه دن استانبوله
 صورت معودتینی براد ایتیری دخی هیئت متحده

مسئله معرفت لریله تحصیل مرام بین العوام
 مسبوق بالمثل اولدیغنی نامیح وافهام مقصدندن
 نشأت ایتیش اولمیدر زیرا مر حوم و مبرور سلطان
 سلیمان خان سسکتوار ققنده عازم سرحد جنان
 اولدقده سلطان سلیم ثانی حضرتلری حکومت کاهلری
 اولان مغنیسادن دردواته و اندن بلا توقف بلغراد، شد
 رحال عزیمت ایدرک مر اسم جلوس یمینت مأنوسلری تمام
 اولدقدن صکره یکچیری طائفه سنک قانون قدیملری
 اوزره منتظر اولدقلری عطایایه خزینه اردوی
 همایونده موجود نقودک عدم کفایتی « الجود من
 الوجود » قاعده سند رعایتی ایجاب ایدرک سفر
 انعامی نامیله معتاد اولان عطیه نک نسویه سی تأخیر
 و مهال اولمسنده ناشی یکچیریلر میانده اثار فساد
 و فتنه نمایان اولمغه باشلامش ایدی نتیجه حال
 استنبول خارجنده کائن حلقه لی منزلی مضرب
 آرام اولدیغی کون یکچیریلر استیفای بقایای عطایا
 ایچون معامله جبرییه اجرا سند بالاتحاد قرار ویردرک

ایرتسی کون موکب همایونک ادرنه قیوسندن
 دخولده بادشاهی اورته لریند الوب برقاج محله
 توقف و تجمعه دهان هذیان باز و مقالات بی ادبانه
 اغاز ایدرک و کلا ووزرادن رکاب همایونده کیدنلرک
 کینی تحقیر و ضرب و کینی هدف تیرلغن و سب
 ایتدیلر و ایچلرند برکروه اولجه سرای عالییه داخل
 اولوب باب همایونی ایچرودن سند و تقفیل و سلطان
 سلیمی اذان عصره دکین ایاصوفیه جامعنده توقیف
 ایله اسان پادشاهیدن تسویه عطایای باقبهیه دأر
 وعدلر ووزرا و علمادن کفیلر المدقه باب همایونی
 اچدیلر .

راشد تار یخنک حاوی اولدیغی روایتیه کوره حسن
 پاشا جمهور استانبولی مشاهده ایدنجه اولارفاقتنده
 بولنان سلیمان پاشا ایله کنج علی افندی بی و دیگر
 مدرس افندیلری نشانی احد پاشاک چادرینه
 کوندروب مبعوثان جمهور ایسه سلطان احمدخان
 ثانی اجلاسه قرار ویرمش اولدقلری جهته سلطان

مصطفی خان حضرت تلیک بقای سلطنته متعلق
 اراد اولسان نصایحی قطعاً رد ایلد کلریدن ماعدا
 نزد جهورد، شیخ الاسلام اولان امام محمد افندی
 فناوای مجوئه بی علمدن انتخاب ایلدیکی درت
 کیمسه به تودبعاً حسن پاشایه کوندروب مخالفت
 واقع بی تأکید ایتدیکندن حسن پاشا مستنبول
 اردوسنده قالمش اولان رفقاسانی جلب ایله بعد
 الاستشاره محبت و فتواریک صورتلرینی ادرنه به
 کوندرمکی وجواب صدورینه قدر اوراده ارام ایتدیکی
 تنسیب ایلدی لکن بویام باردعسماع ارباب اختلاله
 وارد اولدوقده حسن پاشانک مرادی سدره اولوق
 ایش اکر مکالمه به کلش ایسه جواب ویریلور
 اینی قالمش ایسه همان قانقوب کیتسون ومقاتله به
 مأمور ایسه میدان چیتسون دیهرک نشانی احد
 پاشایه رائه شدت یلریله حسن پاشا بالضروره
 عسکرینی لوب قارشیدیرانه طوغری رجعت ایتدی
 اما مؤلف رساله نیک اثر خامه سی اولان تاریخچه

سالف البیانده حسن پاشانک چادر دن چیمیه رف کنج
 علی افندی بی وسائر رینی استانبولی طرفنه
 کوندر دیکنه وفتوا وحتلری ارسال ایتک ایستدیکنه
 دائر صراحت و اشارت اولیوب فقط مبعوثان جمهور
 « بز سنکله مکالمه و مشاوره شرعا و عرفا مساع
 بوله مدق اگر سن پادشاه طرفندن وکیل اولیدک
 یکنده سند بولنور ایدی اولصورتله اثبات وکالت
 ایده یلور ایسک سویلشورز والا بزمله تعاطی
 کاسات کلامه لیاقتک یوقدر، دیملریله حسن پاشا
 نصایحک تأثیری زمانی کچمش اولدیغنی اذعان ایله
 «العود اجد» طریقه سبیل ادرنه یه اماله لجام
 ایلدی دیو مذکور و متن مقاله ده دخی بو تفصیلک
 اجمالی مسطور در علی کلا التقدیرین حسن پاشانک
 اشبو مأموریتی شجری بی ثمر کی فائده سزا ولد قدن
 بشقه متن مقاله ده «وجه حسن اوزره ایراد کلام
 دری انظام ایله» عباره سندن «محاضرات باطله
 ایراد ایله» قولنه قدر پیرایه حریر تحریر اولان نکات

وایهاماته نظراً حسن پاشانك مواجهد سنده دری
افندی طرفندن ادعایینه تعریضی حاوی ایراد
اولان کلماته مبعوثان جهورك تشریح وایضاحی
لسان ادبه منافی صورته جواب ناصواب ویرملرینی
وسطور سالفهده ترقیم اولندیغی وجهله ماده خلغ
حقنه اولان قرار آرای بی محابا سویلرینی انتاج
ایتمش و حسن پاشانك مأ موریتنی حاوی صادر اولان
خط همایونده جهور استانبولك نصایح خالصه
ومواعد لازمه ایله اسکات وارضالری ممکن اولهمن
ایسه ارئه معامله شدله ادرنهیه استیلارینه میدان
ویرایهرك تفریق جمعیتلرینه تسمیر ساعد مساعی
اولنسی تأکید و اراده قلندیغی حالد استصحاب
واستناد ایلمدیکی سریه نك سرمست ساغر فساد
اولهرق مجنون کی زراوی طغیانه خروج ایدن افراد
جهور ایله مبارزه و محاربهیه عدم کفایتی مشارالیهك
خواه و ناخواه مقابله جمعیتکاه اختلالدن عود
وانصرافنی تعجیل و بوا یسه اردوی فتنه نك ادرنهیه

طوغری عزیمت لرینی تسهیل ایلشدیر .

حسن پاشا منزل مذکور دن عودت و علی ما هو الواقع
در دولت مدار عرض کیفیت ایلد کده جمهور استانبولک
مضمون خط همایونه عدم امثال لرینه بناء « فاعتدوا
علیه بمثل ما اعتدی علیکم » برهانبله اسباب مقابله
ومدافعه اعدادینه شروع اولنوب جه-ورك
منتخب لرندن صرف نظرله ادرنه قاضی سی یك چشم
حسین افندی مقام مشیخته وركاب همایونده امامت
خدمتنده بولنان محمود افندی روم ایلی و قاقچی زاده
عبدالله افندی اناتولی قاضی عسکر لکرینه تعیین
و ادرنه بوستانچی باشیسی علی اغایه رتبه وزارتله
ركاب همایون قائم مقام لغی توجیه قلنهرق روم ایلی
بکدر بکیسی ایلمچی ابراهیم پاشا دخی رتبه وزارتله
تلطیف اولندقدن صکره ادرنده موجود یکچیری
اورته لرینه یوز کیسه و سیه و سلحدار او جا قلا رینه
دخی اون بشر کیسه عطیه و دفع فساد تشویقی
حاوی خطوط علیه اسرا اولندی .

﴿ یکیچری اورتہ لرینہ کوند ریلان خط ﴾

﴿ همانون صورتیندر ﴾

سز که درگاه معلام یکچریلری اغاسی وقول کنخداسی
 وصولاق باشیلر وزغرجی باشی وسکصونچی باشی
 وباش چاوش وسأر اوجاق اغاری وچور باجیلرواوطه
 اسکیلری ونفرات قوللرم سز التفات شاهانه
 وتوجهات پادشاهانهم ایله حائکز تلطیف اولندقدن
 صکره معلومکن اوله که اوجاغکز دین ودوات علیه مک
 ماتقدمدن طوغری ویراروغیرتکشی اولوب سفرلرده
 جان وباش ترک ایدوب صداقت واستقامت وغیرت
 وحیتکنز ایله نیجه ممالک فتحی میسر اولمشدر .
 برخوردار اوله سز اتمکم سزه حلال اولسون بوندن
 صکره دخی صدق قلب واتحاد واتفاقکز ایله
 سزدن خدمت مأمول اولوب اوجاغکز اعمتاد
 همایونم واردر استنبولده جمعیت ایدن طائفه
 باغیه اوجاغکزک باش اغاسی آل رسولدن محقون الدم
 برکسندہ بی قتله ومخطورات شرعیہ دن نیجه افعال

ناسزایه جسارت و بوقدر ایام جبر و کره ایله اهل
 سوقه دکانلرین قبادوب فقرا وضعفای تضییق
 و تعجز ایلدیلر شرع شریفه مغایر اولیان
 مسئولرینه دخی مسلمانلرک امنیت و راحت ایچون
 مساعدۀ همایونم اولوب خط همایونم ایله فیما بعد
 جمعیتلرینی طاغیدوب هر کس کندو حالنده اولق
 اوزره نصح و بند دخی اولمشیکن جمعیتلرین
 طاغمتیوب فساد اوزرینه اصرار ایتملرینه بو طرفه
 اولان علما اتفاقلریله شرعاً دفع بالسیف لازم کلمکین
 اوجاغکزدن بوبابده دخی غیرت و حیت مأ مولدر .
 اجداد عظام زمانندن الی هذا الان هر وقتده
 اوجاغکزک غیرت و حیتی و صداقت و استقامتی ظاهر
 اوله کلمشدر ینده اوجاغکره اعتماد همایونم
 واردر دلاوراک ویرارلق و غیرت و صداقت
 وقتیدر و دعای خیرم سزکله بیله در کورهیم سزی
 نه وجهله غیرت ایدرسز بو طائفۀ باغیه نک دفعنده
 اغور همایونمده خدمتمده بولمال قوللریمک فیما بعد

اسامیلری چالغیوب جله تنکالیقندن معاف اولسونلر
 بو خط همایونم اوجاغکرده حفظ اولنوب موجنبجه الی
 ماشاءالله عمل اولنه ونفرات قوللریمه توزیع اولنق
 اوزره عواطف علیه ملوکانه مدن یوز کیسه ایف
 احسانم اولشددر نفرا ته توزیع ایلیه سن والسلام .
 بواشناده صدراعظم رامی پاشا شیخ الاسلام افندی ایله
 وزرا و علما و مشایخ و اشراف اهالی بی و یکچیری
 و سپاه و سلحدار اوجاقلری اغارینی و ضابطان
 ونفراتی جمع ایلد کدن صکره حضاره خطاب ایدوب
 « جهور استانبولک مغایر شرع شریف حرکتلری
 ظاهر و آشکار اولدیغندن سلاحه مر اجعتله تأدیب
 وتنکیلاری لازم کلدی غیرت و حیثله ابراز مآثر
 دلاوری ایده جک کوندر انلرک جمعیتلرینه وجود
 ویرلز سـورت و شدتلی اولنق اتشی کبی سریع
 الزوالدر اطاعت پادشاهیده ثابت قدم اولنق تراید
 قوت و قدرته سبب اولور ظل له اولان ملوک عظامک
 اطاعتلرندن خروج ایدنلرک عواقبی خسراندر ای

غازی اوجاقلیر سر اوتنه دنیرو صداقت واستقامتله
دولت علیه حسن خدمت ایدرک نیجه فتوحات
جليله موفق اولمش سکر در بود فعه دخی شود اهیة
دهیانک دفعنده جانسپارانه چالیشوب دعای خیر
احتوای پادشاهی وانعامات جزیه لایتناهی به
مظهر اوله جغکرده اشتباه یوقدر « مألنده مقال
نصایح مأل اراد ایلدی وعقینده دیوان همایون
قدمای خلفا سندن سبزی محمد افندی بر مصحف
شریف ایله حلقه حضاره داخل اولوب متفقانه
حرکت امرنده هر کسی تحلیف ایتدی اشبو
اجتماعدن مقصود اولان تأمینات وتذیهات اتمام
اولندیغنک اوزرینه ادرنه صحراسنده کائن بچق تپه
دینلان محل عند الحاحه مدافعه ومقاتله ایچون مضرب
خیام جنود مجنده قلندیغندن لوای حضرای سلطان
ملائک سپاه ایله صدر اعظم و بالمله وزرای عظام
مرتب ومعنون الای ایله ادرنه دن خروج ومعسکر
همایونه ولوج ایدرک ایرتسی کون سلطان مصطفی

خان ثانی حضرتلری دخی رکز اولشان اوتاغ عالی به
کلدی وایکی کون مکث و آرامدن صکره عساکر
متحشده حفصه مرحله سنه نقل اولندی .

اشبو مقاله سابعه متنده محرر نکات وردوزدن
« ثج معصرات ثقیل امن وامان ایله سر سبزوریان
برمرج سنبلیز » قولی چرچی چایرینه و « طائفه
قبطیان مستهامدن بداصل » عباره سی جهوور
استانبولک نزل امینی نصب ایلد کلری بلغرادی
کوچک حسینه اشارت اولوب « تجدید عهد هرزه
کردی اید، جک منزله ایرشدیردی » قولی دخی سلطان
احمد ثالث حضرتلرینک اجلاسنی ترجیح یچون
سلور بده عقد انجمن مشورت قلندیغنی تلمیح ایدر
« خزنه کنج علوم عالیه » تعبیردن مراد کنج علی
افندی اولوب بالاده ایضاح اولندیغنی وجهله « وجه
حسن اوزره ایراد کلام درزی النظام » قولی دری
افندینک مبعوثان جهوور ایله حسن پاشا مواجهه سنه
مباحثه به شروعی مضمندر و سائر تعبیرات شرح

وتاویلدن مستغیدر .

﴿ تراجم احوال ﴾

شیخ الاسلام یک چشم حسین افندی
 اسپارته لیدر مملکتنده تحصیل علم ایلد کدن صکره
 استانبوله کله رک و شیخ الاسلام منقاری زاده افندی به
 انتساب ايله دورمراتب مدارس ایدرک یک یوز بر
 تاریخنده کوپرلی زاده مصطفی پاشایه مقارن
 واردوی همایون قاضیلکنه نائل اولمش و یک یوز
 ایکی تاریخنده یکیشهر مولویتنی احراز ایلش ایدی
 یک یوز اون ایکی سنه سنده ادرنه قضاسیله
 تکریم اولنوب اثنای وقعه ده یعنی فیض الله افندینک
 واولادینک عزللری صره سنده ناطولی قاضیعسکر ایکی
 دخی ادرنه مولویتنه علاوه مشار الیه تفویض
 قلندیغنی متعاقب جمهور فتنه نک ادرنه به تقریبی
 ومقاتله نک تقرری هنکامده مقام مشیخته مأمور اولدی
 لکن محنده بیان اولنه جنی وجهله مسند افتادن

عزل و حبس ایله قبریسه نفی ایدیلوب برقاچ ماه صکره
اوراده وفات ایتدی .

محمد افندی

استانبولده کائن طوپخانه قصبه سنده قدم نهاده
عالم شهود اوله رق سن رشد و سدا ده بلوغنده شیخ
الاسلام انقروی محمد افندی یه و مؤخرأ مرزیفونی
قره مصطفی یاشایه امام و طریق تدریسه سلوک ایله
بعد دورالمدارس بیک یوزاون برسنه سنده مولوی تله
نائیل آمال و مرام اولدی و استانبول پایه لولزدن
ایکن بروجیه محرر اثنای وقعه ده روم ایلی قاضی عسکری
اولوب بعد الاتفصال بیک یوزاون سکرده اناطولی
و برسنه صکره ثانیای روم ایلی صدارتنه و بیک یوز
یکرمی بشده مقام مشیخته مأمور اولوب بیک یوز
یکرمی التیده معزول و بیک یوزاوتوز سنه سنده دار
عقبایه منقول اولدی .

قاوجخی زاده عبدالله افندی

علمای عصر سلطان محمد خان رابعدن ادرنه لی ناجی

ابراهیم افندیك فرزند ارچندی اولوب قاووقچی زاده
 افندی دیمكله مشهور ایدی تحصیل سرمایه استعداد
 ولوازم طریق علمی اعداد ایلد کدن صکره شیخ
 الاسلام منقاری زاده افندی همتیله دور مدارس
 معتاده ایدرك بیک یوز تار یخنده مولویته بکام و بیک
 یوز اون درت سته سنده صوفیه قضا سندن
 معزولا ادرنه به عودتله اثنای حادثه ده برای مصلحت
 اناطولی قاضی عسکر لکیله مظهر اکرام اولدیغی حالده
 بعد الانفصال قبریسه نفی ایدیلوب برمدت صکره
 معفوا ادرنه به معاودت و بیک یوز بکرمی تار یخنده
 بغداد مولوی بنده عزیمت ایلش ایدی اورادن دخی
 انفصاننده لاجل التداوی بروسه به کلهرك بیک یوز
 بکرمی درنده دار فنادن ککذر وعالم بقایه سفر
 ایلدی .

کنج علی افندی

کردی الاصادر تحصیل علم و معرفتله ادرنه به کلهرك
 وعظ و نصیحت سمتنه سالک اواغله سلطان سلیم

جامعنده واعظ مذکر ومحدث ومفسر ایکن اثنای
 وقعه ده حسن پاشا رفاقتیله جهور استانبول
 طرفه مأمور اولمش ایدی بیک یوزیکرمی ایکی
 تار یخنده دار عقبایه داخل اولدی هنکام شبانده
 کسب فضل و کمال ایتمه نندن ناشی کنج علی افندی
 دیمکله شهرت باب اولمش ایدی .

شیخ رضوان افندی

ادر نه ده کائن اسکی جامع واعظی ایکن وفات ایتمش
 اولان دلی واعظ دیمکله مشهور شیخ محمد افندی نیک
 مخدومی اولوب تحصیل علم و کماله مداوم ومجالس
 علمایه ملازم اوله رق طریق مشیخته سلوک ایله
 ادر نه نیک بعض جوامعنده کرسی نشین وعظ ونصیحت
 اولمش و جامع عتیق واعظی ایکن حسن پاشا رفاقتیله
 اثنای وقعه ده جهور استانبول نزدینه عزیمت ایتمش
 ایدی مؤخرأ سلطان سلیم جامعی واعظی اولوب
 بیک یوزیکرمی بشده وفات ایلدی .

شیخ محمد افندی

بغداد ایدر مسقط رأسه اکتساب علوم و معارف
ایلد کدن صکره استانبوله هجرت و مشایخ خلوتیه دن
نظمی افندی دن انابت و تکمیل آداب طریقت ایدرک
شیخ مومی الیه طرفندن میخالیج قصبه سینه خلیفه
نصب و تعین و مؤخرأ کندوسینه طرف دولتدن
اوراده برزاویه دخی تخصیص اولمش ایدی او اخر
عهد سلطان مصطفی خان ثانیله ادرنه یه کیدوب
بروجد حسبی وعظ و نصیحتله مشغول اولدیغندن
سلطان مصطفی خان حضرتلری ادرنه ده کائن
سلیمانیه جامعنده وعظی استماع ایدرک حسن تقریر
وفاده سی سببیله صاحب ترجمه بی واعظ سلطانی
تعین بیوردیلر و ثنای وقعه ده حسن پاشا ایله جمهور
استانبول طرفنه کوندردیلر عقیب جلوس احمد
خانیه زاویه سینه اعاده اولنوب بیک یوز اون طقوز
تاریخنده ارتحال عالم عقیبا ایلدی .

﴿ متن مقاله بامنه ﴾

بومقاله دغدغه پیرا اول عنده مسلوبه الحیا ترتیبه
ساعی اولدقلری مقدمات معانده به خاطر خواه
اعدای ملت بیضا اولور وجهله نتیجه بخشا اولدقلری
حالات دهشت افزا بیاننده در .

اگر محول حال جهانیان نه قضاست
چرا مجاری احوال برخلاف رضاست
هزار نقش برآرد زمانه بود ونبود
یکی چنانکه در آینه تصور ماست
کسی ز چون و چرا دم همی نیارد زد
که نقش بند حوادث و رای چوز و چرا سب

عشرخانه عالمده برقاج کون تعاطی ر حیق دوستکامی
ایله شیرینکام اولنلری البته ازدرام نکدو لام ایله
دشمنکام ایتک ساقی دور بد پیمانک دیدنه قدیمه سیدر
« هر جام غمی کز کف ایام کشیدیم کفنا سبک
اشام که جام دکر آمد ، اما بواشناده مشارکت اودا
ایله خمخانه روزکارده طاس طاس تجرع اولنسان
زهرابه ستم وعنادن مذاق جان برمر تبه تحصیل

مرارت ایتشد که سرچشمه شهد و شیر لاذیذ اولان
اعل نوشین کلر خانه « ولدان مخلدون باکواب
و اباریق، لبلرندن دوباره اضافه کوثر و تسنیم شکر خند
ایدوب « الی میقات یوم معلوم، زلال بوسه ایله شست
و شوقلسه رانجیق کسب ادراک حلاوته مستعد اوله بیلور
جام ستمله تلخ مذاقم اود کل و کم
کوثرده اولسه زهر اولور ایچدی کم شراب

بریا که آتش غم احباب سینه سوز
بریا که نار جور فلاکله جگر کباب
بویکی نیران دوزخ نشانکه قداحه قضا
و قدردن برجسته اولان شراره عالمه سوز ایله علو
افروز اولمش برناره « موقده الی تطلع علی الافئده « در
بوکا رشاشه پاش تسلیم و رضا اوله دن غیری نه تدبیر
کار کردر .

تقدیر قطع رشته تدبیر میکند
تدبیر ساده لوح چه تقدیر میکند

سیماحصن حصین فوز و نجاح قیاس اولسان تدبیر
ناس برکلبه نایین اساس ایکن قوارع صاعقه تأثیر

تقدیره تاب آور اولیٰ نیجه متصوردر « سبقت
تقادیر الاله و حکمها » فارح فؤادک من لعل و من او ،
پس مرد متوکل وقوی دل هر حالده امورینی مشیتہ
تفویض ایدوب ثنیۃ لو ولعل یہ سلوک ایلہ جادۃ
رضادن سرمو انحراف کوسستمیوب کندوی معنأ
ورطۃ منازعه یہ دوشرمن اما بر حیثیت ایلہ کہ
خمخانۃ الفاظده قواقبر امر و اراده و رضایہ لب بلب
مالی اولان صہبای حقایق مألٰی متحد المعنی زعم
ایتمک نشوۃ امتیازدن بی بهره اولوب مهیج جریرۃ
زنادقه و مطیعۃ عقیده بی طریق مستقیم مذهب
ناجیه دن فرسخ فرسخ تبعید ایدوب موحل جبر
کلیده گرفته پای ضلالت قالمغله باشندہ سعالی
وساوس دخی اوشورمن زیر حلی و حلل اراده ایلہ
صورت دلفریب رضاده چهره نمای مجلای مجلای
شهود اولان شاهد تابند: عذار امر کا هیچ نہی محضہ
مقارن و اراده رضایہ مباین بونددیغی کتب کلامیہ ده
نیجه ادله قاطعه ایلہ مبرهن و مثبتدر « مرید الخیر

والشر القیح ، ولكن ليس یرضی بالبحال ، مالی دخی
 بومعنا به دالدر . اگرچه مضمون رضای اطاعت
 اقتضا جریده پریشان اوراق اعتراضاته شیرازہ تألیف
 اولان رشته پیچاپیچ اوولعل گوشه مقرض ترک
 وتسليم ایرشدر مکه انقطاع بولوب صحیفه نفس
 براعه براعه سکون ایله نقش پذیر اطاعت اولمقدن
 عبارتدر اما « انما الطاعة فی المعروف » فحوای
 سعادت احتواسی مغز اسنجه امضای اراده ایله مسکی
 الختام اولسی امر معروفه مقرردر منهیاتده جداً
 متصور دکلدر لاجرم مؤمن قوی الاعتقاد اولامر
 معروفده اهل معروفه اتباعله بقدر الطاعة البشریه
 شروط طلاحدن اتقا وبروصلاحه بذل اجتهاد
 ایله صرف سویدا قیلور بعده تأثیر وتیسیرینی
 حضرت محول الاحوالدن استدعا یدر بوصورتده
 نبال امالی هدف اصابتدن تخلف ایدرسه ده هر آینه
 « والاجر بقدر المشقة » دن بی بهره اولیوب « انما الاعمال
 بالنیات » ایله مجازات اولغمی بی شایبه اشتباهدر

« و بالله التوفیق وعلیه التکلان ، » بیت ، غرضم حال
 پریشانی شرح ایتمک ایندی ، بحث زلفینه دوشوب دل
 سوز اوزاندی کندی ، « رجعنا الی مانحن فیه ،
 چونکه اول طوفان قیامت شور منهل الحفاء قضادن
 مانند سیل العرم دفعة موج زن ظهور اولوب ساهره
 غرابی مفعم الشرور ایندی « بادبان برده مستوری
 طوفان نشود ، مصداقجه جرافنده طرح اونان ردم
 رصیف البنیاد رأس سداد حسبنه سریع الانقلاع وش
 سد اوله میوب برهة الزمان اوجی بر محله واقع
 چشمه ساره یتدی که

اولمشیدی اول یرہ نزهت فزا
 تکیه پاك صاری صائق بابا

تکبه ولی رشک سپهر اثر
 اولدی چراغ زری مهر منیر
 اند، دخی اول فئه افراسیاب فته تکرار
 تجدید عهد یدادی برله اعاده رسم دیرین
 غدر سیاوشی ایتدیلر یعنی هادم زاویه

بابا اوغلارینک « خشیت ایله هر بریسی نیم جان
 تکیه یه قربان ایدی کویا همان » نقض کلبه
 و جودر یله تعمیر کاشانه روحانیت بابای عتیق
 ایدوب خضر همتن بدرقه طریق اتخاذا یتکله
 کتدی لر تا که پای پرکار ذهابه مرکز قفول اولق
 اوزره وضع نقطه مشول ایدو جکری قطر دائرة
 دارالقراره یک روزه مسافه سی اولان جرعی و جبانک
 دخی شقاء جرف و قیقلی سخیم ظل خیم و خرگاهلریله
 مدنس اولدوقده طاسباز سپهر بی درنک زیر خرقة
 نیرنک بیدرنکدن بر شعبده مستنکر اظهار ایتدی که
 تماشای مرآت عالمهای عتله انکسار حیرت و یرمک
 دکل نقلی جیب و دامان خلعت حیاتی سر پنجه هادم
 اللذات ایله چاک چاک ایتدیرر نساج عنبرین تار قلمک
 طرح دفة سطور قیلدیغی منوال رقم جامه طویل
 الذیل تفصیله طراز اولغه احاطه تحمل ایدر قاش
 اولماغین اول نقش غریب بووجه و جیز اوزره
 زه کریبان اجمال قلندی که خفاش منشان کاسه

سیاهانیدن بر بلوک تیره باطنان چشم روشن روز چنبر
 نیاگون شب ایله مانند دیده کافر نعمتان بسته
 اولدقده نیر عالم فروز سعادتن استنکاف ایله سمت
 ظلام شقاوته تحریک شهبال نمک کوری ایتمکه ایرای
 زناد رأی ایتمش لرایدی اول شب ظلمده عموماً علی العیا
 شعله چشم جمع بومی شمع زم آرای اصطناع کبی
 استکفافه رخصت طیران بولوب قاف میثاق وفاقده
 عنقانشان اولدیلر

یاران بروز حادثه یار جهان شوند
 چون یار این زمانه همه مهر بان شوند

جوشند چون مکس بلیم کاه نوشخند
 چون تلخی رسده همه عنقا نشان شوند
 بو واقعه فجیعه و حادثه فضحه صدورنده که
 سلطان هفت اقلیم زرین دیهیم آفتاب شبستان
 عنبرین تنق حریم غروب به شتاب کوسه ترمش ایدی
 صاحبقران نوتسخیر جهان که صبح باهر البرهان
 کنایتدر صدر افقده جم کبی مرع نشین پایکا

استقلال اولنجیه دك اول روبه صفتان فیضای
 خذلان رقود وقعودی ترك ایدوب امضای عزمه
 ساعی اولدقلری مساعی فاسده مهمنه اقامت اسباب
 احتیال ایله تقویت ویردك تقدیم مقدمات کارزاره
 اشتغال کوستردیله « بفکر شقاوت نخسبند شب
 همه کین درسینه نفرین بلب » یکی گفت فردا
 بمیدان اسب « جهانم بگردار آزر کشب » بیک چوبه
 تیرآرم زبوست « اگر چشم دشمن اگر چشم دوست
 من آن پهلوانم که در روز جنگ » به پشه کنم جنگ
 ناموس و ننگ « و کر گفت حرفی زنام حباب » اگر
 یاد آرد شود همچو آب « بکرز کران کردکان بشکنم
 درخت کدور از بنخش کنم » مرا تیغ تیرست
 از ناب خوک « نه خر جنگ زنده دهانم نه غوک » ایرتسی
 قصطال سنابك الخیل بغی و طغیانلرندن ساهره
 غبراده « کر ماد اشتدت به الریح » غاشیه کش
 صرصر شقاق تیره غبارفته و نفاق کریبان زر بفت
 بطانه مشرقدن دامن نارنجی رنگ دیبای مغربه

وارنجه فضای میناسرای جهانی استیغاب ایدوب
 بر مرتبه کسافت بخش شش جهات کائنات اولدی که
 شمع بزم آرای کاشانه عالم که مشکوة جهان افروز نیر
 اعظمدر متواریء سحاب « حتی توارث بالحجاب »
 اولوب روز روشن لیلہ ظلمادن روی خلان چهره
 عبوس اعدادن فرقی اولتمقدن قالدی وهر کس
 « مستاد غافل درین راه دیر بر تو اسر خویشتی را
 بکبر » دیرک کندوباشی فکرینه دوشمکه پدر فرزند
 رضا جویندن مادر دختر حیده خویندن بیزار اولوب
 کویا ناقور رحیل اسرافیل سودا کران فنای شهرستان
 فناءیه تنبیه قیام روز بازار « یوم لاینفع مال ولا بنون »
 قلغله سامعه ذرات کائناته ولوله دهشت صالیدی
 « لیس البلیة فی ایامنا عجبا » بل السلامة فیها اعجب
 العجب « حقا که اول یوم عیمه البلواده که جای سلامت
 محل تعجب دعوای دیانت محض تعصب بلکه اسباب
 تعصب اولوب قاف فسحت فضای عالمده عنقای
 امن وامانه جایگاه رفا همحال وفای اینای زمان

و سخن کاشن سرای جهان خریده همای اوج
اطمینانه جلوه‌گاه، صفا همرنگ نقطه، لعل کلر خان
اولوب زمین وزمان بوحاله کریان اولدی
بریره فتنه مقرر اولسه
دافع اولزانی رأی سلطان

کوستروب شرقی دیدی پیغمبر
وبها یطلع قرن الشیطان
ایم الله اقترانات نحوسله بیت الشرف اجلالک
حانب شرقی سندن سرزده مطلع ظهور اولمش
برنجم کسودار فتنه قیامت شورایدی که
اذنی بارقه اثاری پرتو انداز ادبار اولدیغی سواد
معموره نک طاق روین نطق دولتخانه سی نو بتخانه
بوم اولغه تحصیل استعداد وایچلزدن نارالحباب
مشابه سنده لمعان ایدن رئیس لری اوله جق خر مکسرک که
امتداد زمان تسلط لری مد جناح بعوضه دن عبارت
ایدی طنین جان خراش ایله دغدغه انداز اولدقلری
بزم دانشیندن همای جاه وجلال اوج کر یزه پروازه

بال افشان اولوب لسان حال ایله کون و مکان « طفل
میکرید چسورادخانه را کم میکند چون نکریم من که
صاحب خانه را بکمرده ام ، رثایه سیله قطره پاش
دموع رقت انکیز اوله رق فریاد ایدردی

از دوریت ای تازه کل باغ مراد
چون غنچه چیده خنده ام رفته بیاد

کریان چو پیاله پر در کف مست

نالان چو سبوی خالیم درده باد

چونکه اول کربیه لاده صفتان هربری مانند

هز بر رزم ساز بیا اوله رق هجوم کوستر دیلر تیغ

که هسار اصراردن نه کونه رسوایلق ایله

افتاده هبور بوار اوله جقلری خود معلوم ایدی

لاجرم بندرگاه کیاستده نقاد خرده بین دارالعیار

حقایق اولان اهل رأی واصحاب فراست « فانظروا

کیف کان عاقبة الکذبین ، آینه معجز نماسنده دید

عبرت بین بصیرت ایله مال صورت حالربنی که مبادی

خذلان استیصالریدر تماشا ایتک ایچون و رای

سرا پردهٔ ازوادهٔ مردم چشم اولی الابصار کبی تنها
 نشین سرادق یقین اولدی « ماحیلة الرامی اذ انتم
 العدا » فاراد ان یرمی السهم فانقطع الوتر « وقتا که اول
 شغال روشن اجهٔ ضلال بیشه بی شیدرن عرصه بی
 دلبردن خالی بولدیلر اولاطمطراق تجلدلرینه سفک
 دماء ایلہ اب وتاب سطوت و یرمک ایچون ایچلرندن
 ینہ کندور کبی رایت افراز بغی و فساد اولان
 کشتیلردن برینی نابهنکام شقهٔ لوای منکوسی مطوی
 کورلمش نہمتی ایلہ قیلادهٔ کردن استعدادلری
 اولہ جق ثعبان صمصام عدوانہ طعمۂ حلقوم طغیان
 ایدوب یرینہ چین سیہکار و سمۂ ابروان شقاوت
 عنوانی برآویختنی بی علم اصرار اضراری قلۂ قاف
 مبالغۂ اشتطاطہ افراشتهٔ ایتک شرطیلہ « کدو
 افتاد بادنجان برآمد » طریقۂ سیلہ کتوروب ترخان
 مصطبۂ شقاوت ایتدیلر بعدہ
 ان الفقیہ اذا غوی و اطاعہ

قوم غوا وضاع و ضیعا

مثل السفينة ان هوت في الجنة

تغرق ويغرق كل ما فيها معا
 کشتی طوفان زده سنک ناخدايان خدا نا ترسانی که سنين
 کثيره دنبره ساحه نزهت فزای مأرب و مطالب لرند ه
 دستیاری سمنار تخت بيدار ايله « لم یخلق مثلها فی البلاد »
 صورت پذیر حدوث اولان بذیان مرصوص العمادی که
 فی الحقیقه داهیده دهیاسی جلوه گاه خاطر خواهرینه
 کلی مضایقه ویرمشیدی لاجرم ازاله سی ايله توسیع
 دهلیز مقصوده آمال قنمق یا نلرنده وجوهله رتبه
 وجوبه ایرمشیدی بنابرین ضرر شرعیسنی رفیع
 صورتنده قلع وبقعه فتوا داده رخصت وجواز
 اولمیر یله اول روز جکر سوز دهشت اندوزده که نمونه
 نمای کر بلا پرکرب و بلا ایدی ممائل کنبد خضرای
 کردون اولان قبه فرقدان فرساستی « عایها سافلها »
 ایتدیلر لیکن غلطای سلیب الخیای بغاة بوزنکله اکتفا
 ایتیموب ساق دعاءه استطاله سنه دخی قلاب استیصال
 ايله ربط کمند خذلان وبعده شقاوتده کندر سوزی

شـناعت برله مجـره کردن مـظـاهـر تـلـری اولان کافر
 نعمتان شماس طنبتان معاضد تبـله کشان کشان کوه
 البرز مثابه سـنـده کی اساس کـردون مساسی
 « قاعاً صفا » خاکه یکسان ایتدیلر، سبحان من
 لایسئل عما یفعل، « یکی را بر آری و شاهـی دهی،
 دکر را بدریا بمـاهـی دهی، و بوارومه رصیف
 الاصلدن متولد اولمش طلال حـلـک دخی انقلاعی
 امرینی هنکام رافع حکم نافذ القول شمشیره احانه برله
 ماده نزاعه فیصل ویردیلر « خطر بقدر فزونیدست
 مالدار اترا، که خون فاسد آهـنـزبای نیشترست، اما اول
 اشایب و خیمه العواقب ایچره « کقداری فی ثبوت، ایکی
 شخص جارود که برینک زبان زد یراعه یراعه اولدیغی
 وجه اوزره مطلع دیوانچه شـقاوت نشانی اولان
 ابروان هجاء عنوانی « سواد الوجه فی الدارین، ایدوکنه
 یراعت استهلال دیکرینک لقب مابه الاقتحاری عظمای
 ملت روسدن بر منخوس بر کشته بختک دیباجه منشور
 اشتهماری اولان نام بدنامنه مطابقت برله کافر بالله

اولدیغندال ایدی « رماهما الله بالنیط » بغی وعدوان
 فرعونلرینه برهان باهراولان طغیان هامانلرین
 کندورای کاسدرنجه شرع شریفه تطبیق زعمبله
 نیچه مفتی به سائللی تحریف ایتدیرد کلرندن ماعدا
 اول یوم عصیده عیاذاً بالله تعالی استباحه
 فحشیاتی استفتا کونه مشایخ اسلامدن حائزرتبد
 نعمانی اولان اولوالنهایه بالمواجهه دروازه کشای
 مغاره دهان استنها اولوب ثعبان زبانلرین هلاهل
 فسان هذیان ایتملرله « ومن قبل کانوا یعملون
 السیئات » قلزمده غوطه خوار کرداب عریض
 القعر مأثم اولان قوم غلیظ الجرایمه مسلك جمیعده
 مسابقت کوسترد کلرینی حاوی بلکه « الالموده
 باقربی » جبل المتیننه کوشه سکین بغضایله انقطاع
 ابرشدرمکه کتاب یزید اهل بیت حقنده تصدی به
 تأدب ابتد کلری اهانته اجترالید کلرینی محاکمی اوضاع
 فضیحه و افعال شنیعه به جسارتلرین اگرچه بعض
 روات آغوش ادعای وقوعه چکدیکی شاهد تابنده

عذار اخبار دندر ولكن دامن عصمت تفصیلی آوده
 بلل خلل اولمغله بوجمله رنگین تنق معانی که اطراف
 سرادق مبانیسی غشاوه احاجی والغاز ایله مستور
 ومطرز بر خیمه اعجاز در اول مقوله صوره مکروهه
 الشمایلاک جلو، کر اولسی روا کورلیوب مطروح طایفه
 صنمخانه الغافلندی « دهن تنکنه برسوزمی بولمز
 اما، هنراول نکته سر بسته بی تعبیرده در، « تاکی
 سخن از سخن رباییم ما بر سر قصه خود آییم »
 چونکه اول فسدّه حسده « الذین حبطت اعمالهم
 فی الدنیا والاخرة » جازه حرص و آزی « جمع مالا
 وعدده » وادیلرینه سوق ایدوب جاروب اتهام
 ایله درودشتی تمام رفت وروب ایتمکله، کورینورده
 خلال دندان اغاره اولمغه صالح برکیاه خشک قالامغله
 نعمت خانه عالمی سفره سماحت کرام عصر،
 دوندردیلر « زپیدا وپنهان چبزی که بود » گرفتند
 وبردند وخوردند زود « بمنعم نه زربفت ونه کیش ماند »
 نه صد پاره خرقه بدرویش ماند شد از دست ایشان

کار جهان « چو دستار برفرق مست کران » پس
 حرمسرای مرآتیده « حور مقصورات فی الخیام »
 اولان مناصب عایات که مکمل وثیره حجال توایسند
 رجائیدن غیری حل عقدۀ نطاق مساس ایتماش
 زبندۀ عروسان مطبوعۀ الحركات ایدی بالجله سبی
 واسترقاقه مکر بسته اتفاق اولوب نحاس احرار فروش
 ارتشا المده موی کشید، معجز دریده خلیع العصاب
 مکشوف الترائب زیور بازار یغما ایتکه ال برایتدیلر
 ینابرین کبسه استحقاق لری نقدینه کامل العیار کفایتدن
 تهی مایه اولان فرومایه لر و همیانچۀ اتقان لری درهم
 نام الوزن عاقبت اندیشیدن خالی اولان نیجه نامحرم
 حرم لیاقت پستیایه لر آغوش تصرفه المق داعیه سیله
 متساویه الاقدام هجمۀ زحام کوستروب اول نازنینان
 جان پسندک باکوره بستان تنعم اولان ترجیح پستان
 وسیب غنغب دلسستان لری دستخوش مصافقه بیع
 و شرا ایدرک ایدی تطاول ادانی اکام ضبط وادیدن
 خارج وهر کسک قطوف نخاستان قسمتدن آرایش

دست آمالی قلنان شمامه معیشتن برز برز ر بوده قتلغه
 دست بر بالای دست عقده کسای اکیاس بهارج اولمغه
 «ومعتقدان الیاسه فی الکبه» فاصبح مموتاً وهولایدری،
 یجر زیول العجب طالب رفعة « لافاعجبوا من طالب
 الرفع بالجر » مفهومی صفت کاشفه سی نیچه خودرأی
 خویشتن پسند میانه قوم عاقده دعامة الرهط اولان
 اصحاب شقاقك رقبه اسامیلری برز برز بط ساسله
 تذکار اولنسه حرف نام وشانلری و او عمرو کی خارج
 طوق تلفظ ایکن ناکاه حاق بساط استحقاقده
 « زاد فی الشـطرنج بغلة » طریقہ سیله جلو ساز
 و درهم ناقص العیار ذاتلری « وافق شن طبقه وحداده
 و بندقه » اولق یوزندن ممتاز نخته امتیاز اولوب
 رضع سرانکشت آمال اولان نجل امید املی بالجمله
 مر المذاق قطام و کهوره سویدای ادانیده ملفوف
 قباط قصوا اولان طفل خاطره کامرانی بو کونه واژ
 کون جنبش روز کارایله غنوده جلاب اغتنام اولدی
 « فغان ز کردش کیتی و چرخ کچر فغان » که بر مراد

دل کیدیان خر گردد « کسی که در خورشاهست از خرد
مندی، شود کداوز افلاس در بدر گردد، کسی که
لایق پالان خر بود اورا، دهد قبای زر و صاحب مکر
گردد « چه خوش مناسب این گفته است ابن یمن،
مقطعی که برابر باب زر گردد « کریم زاده چو مفلس
شود بدو پیوند « درخت کل که تهی کشت بارور
گردد « لئیم زاده چو منعم شود ازو بگریز، چو
مستراح که پر کشت کننده تر گردد، حاصلی بویام
شورش و شقاقده مشارکت اودای صدیق و احبای
شفیق ایله چکیلان اجمال قاصمه الظهر متاعب و شداید
نقل بندر کا، تفصیل اولنسه الی انقراض الایام شتران
کردنکش شهوور و اعوامه سمر دیکر سربار قلنق
منسلب الاحتمال در نهایه الامر

از جنبش قلم که کلید معانیست

کنجینه های حسن بیان باز میکنم

هر چند این حکایه خوش آیند، قصه ایست

اطنابرا گذاشته ایجاز میکنم

فحوا سنجہ « کقطرة الماء بالنسبة الى الدماء »
 بانفس مشاهده اولنان احوال عجيبه دن بر نبذه
 غایت وجازت الفاظ ايله زبازد قلم معجز دم قلنغله
 اکتفا اولنوب مفتاح دجه تفصیل حال جبل
 متین قیاس ايله تعلیق کلمیخ دروازه اجمال قلندی
 مشتی نمونه خروار یست .

﴿ شرح مقاله ثامنہ ﴾

مدققین ارباب مطالعه یه ستیرو خفی اولمدیغی اوزره
 مؤلف رساله اشبو مقاله ثامنہ نک مقدمه سنده
 دور پر جور فتنه نک مقتضیاتندن اولان اکدار والامی
 تلمیحاً بعض نکات ظریفه ایراد واول وادیده قالب
 سطوره افراغ ایتمش اولدیغی ابریز خالص العیار
 کلمات ترکیب و ترتیبه مقصد اخرا بی مبین تعبیرات
 مخصوصه علاوه سیله الحق میدان سخنور یده رکن
 عماد رشد و سداد ایلمسدر چونکه « غرضم حال
 پر یسانمی عرض ایتمک ایدی بحث زلفینه دوشوب

دل سوز اوزاندی کیتدی ، نظمده دکن آرایش
 لوحهٔ تقریر اولان مقالات جملهٔ اولی به متعلق
 بعض وصایا و نصایح بدین عبارت کبی کورینور
 ایسه ده بو بخشد مراد اصلی فیض الله افندیکن
 حرکات معوجه سنی تفسیح و اتش فتنه نک علت اشتعالی
 اوزرینه بعض احکام طبیعیه بی توضیح ایلمک
 قضیه لری اولدیغندن مشار الیهک پردهٔ حرص جاه
 ایله قیامتش اولان بصیر بصیرتنده سالک اولدیغنی
 طرق و مسالکک مخاطرات و مهالکنی کشف و معاینه به
 مدار اوله جق تاب و فرو شهرستان جنان واذعانده
 غلبهٔ اوهام و خیالاتدن ناشی قوهٔ میزه به یرقالمیدرق
 نه صورتله دوچار و رطهٔ ادبار اولدیغنی « حصن
 حصین فوز و نجات قیاس اولسان تدبیر ناس برکلبهٔ
 نابین اساس ایکن قوارع صاعقه تأثیر تقدیره تاب
 آور اولق نیجه متصوردر » قولندن بدأ ایله « مرید
 الخیر و انشر القیح ولیکن ایس برضی بالمحال ، بینه
 قدر مبسوط اولان رموز و نکات اثبات ایلدیکی

مثلاً « انما الطاعة في المعروف » فحوای سعادت
 احتواسنه بناء طاعت ورضانك منهياتده متصور
 اولديغني تصریح ایدن الفاظ وكماتك سياق وسيق
 دخی سبب فتنه وفساد اولان موادك هجنت
 حقیقه سنی تصدیق وتأیید ایلر .

منشیء نادره ادا دقایق علت غاییه اختلالی بوججهله
 بیان وانهادن صکره اردوی فتنه جوی جهورك
 چورلی مر حله سندن قیام وارتحالی اوزرینه
 جریان ایدن وقایعك تعریفنه « رجعنا الى ما نحن فيه »
 قوليله ابتدار ایلشدرد شویله كه مقالهء سابعده
 بسط وایضاح اولنديغني وجهله تفریق جمعیت فتنه
 ایچون طرف سلطنتدن مأمور اولان حسن پاشانك تدابیر
 وتشبیهاتی جهورك تصلیح نیات وحرکاتنه مدار
 اوله مدقندن بشقه عزیمت وتوجهلرینی تشدید
 وتعجیل ایلدیکندن مشار الیهك معاودتنی متعاقب
 عموماً مر حلهء چوراییدن تحریك قادمهء شقاوت

و بابای عتیق قصه سینه قریب چشمه ساره مواصلت
ایتدیلر .

فأما حسن پاشا ك عودتی اوزرینه ادرنه دن لوای
سعادت احتسوی حضرت پیغمبری ایله اردوی
همایون حفصه صحرا سینه رکز خیام سطوت ایلش
اولد بیغی خبرینك دهشت انداز ورود اولمسنندن
قطار جمعیه طاری اولان رعب و هراسك دفعی
ضممنده سرکشان صناید جمهور سفك دماء ناحق
ایله اظهار صوت و صلابته قرار و یروب محبوساً
استصحاب ایتش اولد قلی وانی زاده سید احمد
وسایمان افندی نری که فیض الله افندی به قرابت
صهر به لرندن ناشی بروسه ده کائن چفتلکلرندن
مغلولاً و مقیداً استانبوله جلب ایلش لر ایدی چشمه
سار مارالبیانده مجرای شمشیر بران ایله دریای رحمت
رحانه القا ایتدیلر لکن افراد جه-ور درونلرینه
مستولی اولان هول عدم مقاومت سببیه یکدیگری
محرم ایتکم سز بن طریق مفسدتن اختیار فراره

چاره جو اولد قلندن سربازان جمعیت تشجیعات
متوالیه ایله ازله آثار تلاش و فتوره سعی موفور ایدرک
حفصه یه قریب قله لی کوبی منزله ضرب طویله
نزول ایلدیلر .

بواننده صدر اعظم رامی پاشا تکرار عقد مجلس
مشورت ایدوب جمهور استانبولک سردن کچدی
نامیله مقدمه الجیش انخاز ایلد کیری یکچریلر نصیح
و پند ایله سمت رشد و سدا ده دعوت اولنسه لر دائرة
انقیاده داخل اولورلر ایدی ملاحظه سیله اردوی
همایونده موجود یکچیری اورتلرینک اوطه باشیلری
و بر اقدار و اختیارلری قله لی کوبینه کوندلرک
تصویب اولندیغندن اتفاق ارا ایله ذکر اولنان
ضابطان نزد جمهوره اعزام قلند قدده زور بالریم
جان و اندیشه خاتماندن تخلص کربان ایدرک
« خوش کلدیکز صفا کلدیکز سزی کوکده ارارکن
برده بولدق ضابطلرمن اسکیلرمن اختیارلرمن سکر
باشمک اوستنده بریکز وارد سزی اردوی همایونه

صالیو یرمک احتمالن یوقدر یارین تقابل صفینده
بزمله یارب بولنه رق عروس تا بنسده عذار غلبه نك نه
صورتله رخساره نما اوله جغنی کورر سکز، دیو
مر قوملری توقیف ایله اکیال اسباب کارزاده مکر بسته
اهتمام اولدیله .

اردوی همایونده اولان یکچیری نقراتی ایسه « اوطه
باشیلرمن واختیارلرمن کیدوب کلمدیله یزاندردن
مفارقت ایتمیز زده بولنورلر ایسه بزده اندیز » دیه رک
افتاب عالمتاب سرادق غروب شتاب ایلد کدن صکره
طرف سلطنتدن روگردان وجهور استانبول نزدینه
کریزان اولغه قرار ویرمشرایدی بین العشائین
رامی پاشانک اوتاغنه بریایلم تفنک بوشاندوب
ومتربس اله جقلری محله اعداد اولنان طوپلری
اختلاس ایدوب کتیبه جهوره التحاق ایتدیله .
مؤلف رساله نك تاریخچه سننده محرردر که اردوی
همایونده بولنان یکچیریلرک لیلله عظماده حرکتلرینی جهور
استانبول مشاهد ایتد کلرنده شیخونه مأمور بر فرقه

عسکر به قیاس ایللریله اوراق جمعیتلرنده، علایم پریشانی
ظاهر اولمش ایکن سبب ورودلر بنی اکلا دقلرنده
کمال احترام ایله استقبالی و معسکرلرینه ایصال ایله
اظهار شهر آیین ایلد کلرندن اردوی همایونده بولنان
وزرا و علما و امر اکرفتار عقال حیرت و دهشت اوله رقی
یکدیگرینه مسابقتله « الفرار مما لا یطاق من سنن
المرسلین » کویان بر طرفه کر بزان اولد قلمی مثلاً
رامی پاشا دخی ادرنه به فرار ایله سلطان بایزید جامعی
کاتبی چینیجی زاده احمد افندیک خانه سنه القای رخت
نزول ایلدی و اردوی همایونده قالان سائر عساکره
دخی دغدغه تفرقه طاری اولوب بر طاقی دلسیر نیم
خداوند کاری الان بعض منافع پرستان دلالتیه
معسکر جمهوره دخالت و بر طاقی دخی وادی
کریره عزیمت ایلد کلرندن سلطان مصطفی
خان حضرتلری خدمت محافظه لرنده خواص
و مقربان دن غیری کیمسه قالدیغنی مشاهده ایله ادرنه به
عودت و سرای همایونده اختیار گوشه وحدتله

سلطان احمد خان ثالث حضرتلرینه ترك اورنك
سلطنت یوردیلر « قل اللهم مالك الملك تؤتي الملك
من تشأ وتزع الملك ممن تشأ وتعز من تشأ وتذل من تشأ
بيدك الخير »

اردوی همایونك انتظام واجتماعی دفعه مترزل
وافراد اجنادك اكثری جمعیتكاهلرینه داخل
اولسندن ناشی ارباب فتنه رایت مفسدتی دوش
مفاخرته نهاده ایله میدان خوزیزیده شهنامه خوان
اولدقلرندن سلطان مصطفی خان حضرتلرینك ووزرا
وعلمانك رجعتلری کجه سی صنادید جمهور ادرنه یه
کیرلسنی تصویب واستحسان وبورای سخنی اردولرنده
اعلان ایله علی السحر حرکته منتهی اولدیلر بامداد که
بیک بوزاون بش سند سی شهر ربیع الاخرینك التیسی
اولان بوم چهارشنبه در اجناد جراد احتشاد فتنه
صحرای حفصه یه تحریک قوادم خسارایدوب وانندن
ادرنه نك مزراع ومراعیسنه منتشر اولوب طونجه
نهرینك ساحل قبلیسنی ارامگاه اتخاد وادرنه

اهلایسنه دست تعدی بی دراز ایتمکه قرار
 و برملریله سکان بلده محافظه جان و مال و وقایه اولاد
 و عیال خصوصه فیه فوق الغایه تلاش واضطرابه
 دوشدیلر لکن جهورک ادرنه به دخوللرندن اول
 سلطان احمد خان ثالث حضرتلری رونق بخش اریکه
 پادشاهی اولمش و وزرا و علما و امرادن مختفی اولمیانلر
 فریضه بیعتی اجرا ایلمش اولدقلرندن (ع) « حکم
 او شاهک حکمیدر فرمان انک فرمانیدر » نسیده سنجه
 ارباب فتنه اطاله ایادی یغما کری و شقاوته مقتدر
 اوله میهرق قلوب قاسیه لری لرزان و بال پرصولتلری
 ریزان اولمشیدی اما جبلت خبیثه لری فساد
 مجبول اولان شدید الشکیمه لری خارج حیطة ادب
 وضع و حرکته جسارتدن خالی اولدقلرندن متنفذان
 جهور او مقوله اشراک ممکن مرتبه تأدیبلرینی
 التزام ایتدیلر از جمله سپاه اغاسی نصب ایتدکلری
 قره قاش مصطفایی سکنه ادرنه حقلرنده تجاوزات
 مفرطه سندن طولابی موأخذ و برقاج ساعت حبس

ایله اطلاق ایلدیلر فقط مؤخرأمر قوم یکچیری
 اوجاغنه النجا و برنجی اورتہ نک باش سردن کچدی
 اغاغنی اشتحصال ایلدیکندن یکچیریلر رؤسای
 اختلال ایله بالاستشاره فیض الله افندیك قلع شجره
 وجودینه تثبیت ایتدیلر شویله که قره قاش
 مصطفی و دوره ژان احد و کوچک علی افندی
 مشارالیهی و اولاد و اتباعی بالتحریر کنوروب حبس
 و توقیف ایلدکن صکره مشیخته مستولی اولان محمد
 افندیك فتواسی و مدرین افندیك و موجود علما
 و مشایخ و مدرسین و طلبه علومک اتفاق اراسی ایله
 فیض الله افندیك قتلنه قرار و یردیلر و مشارالیهی
 محبسدن اخراج و بر حال بار کیریله بت بازاری نام
 محله کوتور مکه ازعاج ایدوب سر فلاکت پرورینی
 حباب جویبار شهادت ایتدیلر و بو حرکت
 غدارانهیه دخی قناعت ایتیمک ایاغنه ربط ایلدکلری
 قلاب خذلان ایله جسدینی ملت غیر مسلمه دن اوچ یوز
 قدر ادمه جبرأ چکدیروب یکچیری اردوسنه

کنورد کدن صکره طونجه نه رینه القا و اموال
 و اشیاسنی و عبید و جوار یسنی اختلاس و یغما
 و مخدومی فتح الله افندی بی کذلک فتوای اعدام ایله
 محکوم او موقتاً محبسه ابقا ایتدیلر « کو ستر رفعت
 یوزین عزتله مانند شرار » بر وجودی زائل ایتک
 استدجاء روزگار « اول روز دهشت اندوزده غلمان
 و جوارىء مغصوبه میانه اسافل وارا زلده بالمر ابده
 صالتدی و ارباب فتنه نک جریده جرم
 و جنایتلرینه حسب الضروره طرف احمد خانیدن
 وضع امضای عفو و امان و اردوی همایونک
 حفصه یه توجهی اثناده شیخ الاسلام اولان حسین
 افندی ایله اناطولی قاضی عسکر لکنه تعیین قلانان
 قاقچبی زاده عبدالله افندی نک اصرار اشرار ایله
 قبریسه نفی و تغریب لری فرمان اولندی . و ایرتسی
 کونی نشانجی احمد پاشا متغلباً مهر صدارتی اختلاس
 و امام محمد افندی مقام مشیخته تجدید لباس
 ایدوب چالق اغا دخی بارتیه وزارت یکچیری اغا غنده

ابقا اولدیغی مثلاً روم ایلی وانا طولی صدرتلی
ونقیب الاشرفلق ایله چاوش باشلیق وجبه جی
باشلیق و سپاه و سلحدار اغالقری ایله منصب سائر
منخب جمهور اولان ذوات و کسان عهده رنده
تقریر ایلدی .

صحایف گذشته ده پیرایه حریر تحریر اولدیغی اوزره
اشبو مقاله ثامنك مقدماتی نتایج مؤله فتنه دن
شکایتی حاوی اولوب اول وادیده مؤف رساله نك
اختیار و استعمال ایلدیکی نکات وایهامات اساس
وقعیه متعلق اولان تفصیلات و تشریحات دن
اول ایضاح اولمش اولدیغدن انلرک تکرارینه
حاجت کور یله میهرک بو محله ده جمهورک چوراییدن
حرکتلی اوزرینه واقع اولان احوال و افعاله
دائر متن مقاله ده محرر تلخیصاتک نفسیرینه مبادرت
قلندی .

(برهه الزمان اوجی بر محله واقع چشمه سار
ایردیکه) قوی بابای عتیق جوارنده کائن چشمه دن

کتابه اولوب (هادم زاویه بابا اوغلارینک نقص
کلبه وجودلرله) تعبیری دخی وانی زاده احمد
وسلیمان افندیلرک اوراده اعداملرینی تلخیص ایدر .
راشد تار یحکیم بیانسه کوره مقدمات محل مذکوره
قنبربابا زاویه سی نامیله بر مزار مجمع زوار اولمشیدی
یک طقسان سکن سنه سی خلانده سلطان محمد خان
رابع حضرتلری ادرنده ایکن مومی الیهماسلیمان
واحد افندیلرک پدرلری و واعظ شهر یاری اولان
وانی افندی که کسای تعصبی ردای تقوی رنکنده
کوسترک نیچه دولتیان عصره حلول ایله کسب
اعتبار و قاضی زاده لیلر کی طرق صوفیه علمینده
حرکات و مقالاتی اختیار ایلشدر . بر کون اثنای
وعظده مزار مزبورک عقاید جهله بی افساد
ایله کده و خلق شر که دوشر مکده اولدیغنی بیان
ایله زوارک منعی لزومنه دائر بر طاقم کلمات مؤکده
ایراد ایتدیکندن صادر اولان خط هایون موجب
زاویه مذکوره بلا تأخیر هدم و تخریب قلمشیدی

وانی زاده لک بالاخره اوراده مقبول اولماری وقایع
غریبه دندر . و سالف الذکر (هادم زاویه)
تعبیری قصه مشروحی تلخیص سیاقنده وانی
افندی به اشارتدر .

(قه قلائی) قولی قله لی منزله اشارتدر که حفصه وقعه سی
اثنا سنده مضرب خیام جمهور اولمشیدی (خفاش
منشان کاسه سیاهانندن بر بلوک تیره باطنان) تعبیری
اردوی همایونده بولنان یکجیریلردن کنایه اولوب
« بین العشائین رخصت طیران بولوب قاف میثاقده
عنقا نشان اولدیلر » عبارده سی انلرک معسکر
جمهوره الحاق و دخالتلرینی تلخیص ایلر « سلطان
هفت اقلیم زرین دیهم افتاب شبستان عنبرین تتق
حریم غرویه شتاب کوسرتمش ایدی » قولی سلطان
مصطفی خان حضرت تلرینک حفصه دن ادرنه به
رجعت واختیار گوشه عزت ایلدکلرینی « وصاحب
قران نو تسخیر جهان صدر افقده جم کبی مربع
نشین پایگاه استقلال » عبارده سی دخی سلطان

احمد خان ثالث حضرت تهرينك جلوسلريني افاده
 ايدر « كريسان زربفت بطلانه مشرقدن دامن
 نارنجي رنگ ديباي مغربه وارنجيه فضاي ميناسراي
 جهاني استيعاب ايدوب » قولي اجناد فته اعتيادك
 حفصه بوزغونلغتك ايرتسي كوني ادرنه مزارعنه
 منتشر اوله رق اقشامه قدر سراي سلطان جواريني
 استيعاب ايلدكلرينه اشارت اولوب اندن رباعي
 فارسي به قدر مبسوط اولان كلمات اقتحامي جهورك
 نه صورته مستلزم الم واكدار اولديغني متضمندر
 وكمات مذكوره جمله سندن اولان « دغدغه انداز
 اولدقلى بزم دلنشيندن همای جاه و جلال اوج
 كريزه بال افشان اولوب » قولى دخی سلطان
 مصطفى خان حضرت تهرينك اردودن معاودتلريني
 و « شمع بزم ارای كاشانه عالم كه مشكوة جهان افروز
 نير اعظمده منواري » بحاب حتى توارث بالحجاب
 اولوب » عباره سي حرم سراي همايوند، بسط بساط
 ارام ايلدكلريني مبیندر . بوتعبيراته مربوط اولان

عبارت لر دن « بندرگاه کیاستده تقار خرده بین دارالعیار
 حقایق اولان اهل رأی . اصحاب فراست ، قوی
 صدراعظم رامی پاشایی تلمیح ایدر که « و رای سر پرده
 انزواده مردم چشم اولی الابصار کی تنهانشین سراق
 یقین اولدی ، تعبیری و « ماحیلة الرامی اذا التقت
 العدا ، فاراد ان یرمی فانقطع الوتر ، بیتی ایله مشار الیهک
 اردوی همایونده علایم پریشانی ظاهر اولجه ادرنه به
 فرار واختفا ایلدیکی ایما اولنمشدر « چین سهکار
 وسمه ابروان شقاوت عنوانی براویختی ، قونندن
 مراد قره قاش مصطفی در که فیض الله افندی نیک
 ازاله وجودی داعیه سنده اصرار ایلک اوزره
 یکچریلر طرفندن باش سردن کچدی اغالغنه نصب
 اولندیغی « علم اصرار اضرائی قلله قاف مبالغه
 اشتطاطه افراشته ایتک شرطیله کتوروب ترخان
 مصطفی شقاوت ایتدیلمر ، عبارت سندن مستبان اولور
 « بنیان مرصوص العماد ، تعبیری دخی فیض الله
 افندی به اشارت اولوب « قلع وقعنه فتواداده

رخصت وجواز، فقره سی مشار الیهک شهادتی
 واکا متعلق عبارت دردن « ساق دعامة استطاله سینه
 دخی قلاب استقبال ایله ربط کند خذلان، قوی
 و « کافر نعمتان شماس طیننان معاضد تله کشان
 کشان، تعبیری بالاده ایضاح اولندیغی اوزره
 مرحومک جسدی چارسوی شقاوتده خرسیانلره
 سورتدیرلدیکنی میندر « بوارومه رصیف الاصلدن
 متولد اولمش طلل خلائک انقطاعی امر بنی هنکام
 ترفع حکم نافذالقول شمشیره احاله برله ماده نزاعه
 فیصل ویرلدی، عبارت سی مولانای مشار الیهک
 مخدومی فتح الله افندیك اعدامنه حکم اولندیغی
 معرف اولوب « او برن هجا عنوانی سواد الوجه
 فی الدارین « تعبیری قره قاش مصطفایی و « لقب مابه
 لافتخاری عظمای ملت روسدن بر منحوس بر کشته
 بخنک دیباجه منشوراشتهاری اولان نام بد نامنه
 مطابقت برله کافر بالله، قوی دخی دوره ژان الحری
 تلمیح ایدر که بو عنوانلره مربوط کلمات کندولریك

تحریر مسائل شرعیه اصرار لرینی واستباحه
 فحشیات استفتایله علما حقلرنده وقوعبولان
 استهزالرینی معرفدر « حر مسرای مراتبه حور
 مقصورات فی الخیام » قولندن « غنوده جلیباب
 اغتنام اولدی » عبارده سنده منتهی اولان الفاظ
 وتعبیرات ایکی مقصدی مفید اولوب برنجیسی فیض الله
 افندیك عبید وجواریسی نه صورتله سبی و مزایده
 اولندیغنی و دیگری مناصب و خدماتك نامستحققلره
 توجیه اولندیغنی لسان شکایت و حیرتله بیان وتفهمیدن
 عبارتدر و « فغان ز کردش کیتی و چرخ کچرقتار »
 نظمندن ختام مقالهیه قدر محرر اولان کلمات دخی
 متاعب واقعهدن اشتکایه دأر اولسایله تفسیر
 وایضا حدن مستغنیدر :

﴿ متن مقاله تاسعه ﴾

بومقاله فرخنده ادا اول حلیه بغی و طغی عرصه
 موبقائده تازیانه فاخرج منها ایله مصلی مجلییه وتالی

مسلی به مسابقت کو ستره رک طی ساحة وجود ایتد کلری
معنای فرحفرایی اشعار ایدر .

طرازنده این خجسته رقم

چنین راند در نقل قصه قلم

اول کون که واقعه نویس دیوانخانه « توثی الملائک من
تشاء » قلم ابداع ابله کتابه ایوان دار الملائک جهانه
« اورثنا قوما آخرین » نقش مشیت نیکارینی یازدی
ونجات کان کن « وتزع الملائک من تشاء » تیشه انتر اعیله
شمسه جدران زمین وزمانه و « یستخلف ربی قوماً
غیرکم » رسم عبرت انتشارینی قازدی اول « مردوا علی
النفاق وتمرّدوا بالبعی والشقاق » عنوان تألیفده
وعلی وتیره الایجاز زبانزد یراعه براعه طراز اولدیغی
نهیج اوزرد « هی بقعة مشحونة بملاح » یعنی بلد طيبة
زهد وصلاحده « وتعاونوا علی البر و اتقوا » سمندن
کلید تأنیس ایله قفل کشای دروازه تدلیس اولوب
ظاهر حالده حامی السنة والفرض حنیفه جلوه کر
منصه اتقا اما عالم مال قیل وقالده « انی جاعل فی الارض

خليفة، واديلرينه سوق مطيه ادعا ايتمسلرايدى
 « در حلقه اين زهد فروشان نتوان يافت، يكسجه كه
 شيرازه زنارندارد، آخر الامر مز ارق زرق ايله صيد
 اولنان تايه بيداي جهالت بر بلوك ناس سيماي نسناس
 سيرتك دهنلرينه القاي شكيمه تاسيس ايتمكله باشلرين
 چو يروب خواه و نا خواه مر سله عذار تشكيك برله
 ربط قطار ضبط ايتلر يله توسيع دائره جمعيت ايدوب
 طريقه تزهد و تورع ايله دونه دونه زروه كوه خروجه
 عروج و مداني درفش كاوياني اولان اعلام امام
 ورايات حجتلرين « و كان حقنا علينا نصر المؤمنين،
 شقه ديباسيله مطرز ايتمكله موازي سقف سماء ذات
 البروج ايتديلر

آه از اين زاهدان ازرق پوش
 كه ندارند دين و دانش و هوش

رقص را همچوني ميان بسته
 لوترا همچو سفره حلقه بكوش

از پی صید در پس زانو
 مترصد چو کربۀ خاموش
 حاصلی شبستان عالمی بر آن بسیر بی سراج منیر
 مشاهده ایتلریله « وما علمتم من الجوارح مكلبن »
 نور ساطعندن اقتباس اواع استدلاله ایرای زناده
 اصول وفروع و شراره هوا جس نفسانیه برله فتهله
 روغندان دروغه فروغ ویرمه انواع فسون
 و احتیاله شروع کوسستروب کیدرك « واذ اخذ الله
 من النبین میثاقهم » حبل المتینی دست فضاحت
 پیوست توجیه و تحریف ایله استمساک ایدن هر بر مكلبك
 قلاده اخذ عهد و میثاقده مكلب اولمغله دنباله
 زامله تخر بلرنده پوینده اولان هر ساك افرنجی یدیلره
 یتدم دیونفسنی « ثامنهم کلهم » قطمیر اصحاب الکهف
 والرقیم صانوب خواب خرکوش انسالخ ایله فجوة
 غارتبراده « باسط زراعید بالوصید » اولدی یعنی « فاما
 الذین فی قلوبهم فیتبعون ماتشابه منه ابتغاء الفتنة »
 مصداقجه بیدای ناپیدای متشابهاتده خوابیده پای

تأویل ایلہ قطع منازل عرفان زعمند دوشوب فحمة
 العشای دیجور جهالتده کمکرد راء محکمت اولان
 روبه نشان بی بصیرتک شعله باصره دروغلرینی
 مشعله نجم هدایت فروغ اتخاذ ایتکله فیقای ضلالتده
 دوشن نیجه دواب ذوالقرنین کندوی رهنمونی خضر
 اولش اسکندر ذوالقرنین صائب « فرزادهم رهقا »
 ظلماتنده عین الحیات اطاعتدن بعید اولدی « ان الشیطان
 لما یئس من عباده الاصلنام ابتدع طریقاً شیهاً بالحق
 فظن الجہال انه حق لمشابهته بالحق » سیم اول روز
 دهشت اندوز که نمونه نمای « یوم یفر المرء من اخیه
 وامه وابیه » ایدی خیمه زنان استیلا اولدقلری تیه
 محشر شبیده اصحاب شمال ویمین متمازج اولغله نفس
 واپسین نطقلرینه مکنت کلی حاصل اولوب نعره
 کره نای کیانیلری که غریوما کیانی داعیلرندن کنایتدر
 « اتبعونی اهدکم سبیل الرشاد » نظم هدایتفادینه
 ضرب بی اصول توجیه ایلہ دمساز وصور دعوای
 ابوالمسلمه لری که ناقور اکاذیب مسلیمه لردن عبارتدر

« انا جعلناك خليفة في الارض » تفسیرینه ترانه ناقبول
 تاویل ایله هم آواز ایتمکله ناقوس دیرینه قبابی « ذلك
 فضل الله يؤتیه من يشاء » اقتباسیله برطنین رعب
 وهراس ایتمدیلر علی الخصوص ثغور مبدأ
 خروجلرندن سنور ولوج جای معادلرینک بعدی
 هفت مرحله یه قریب مسافه تقدیر اولمغین هر داعی
 مأذون بلیکه هرامعه دعی دون خلا وملاده کندو
 کندونک شهنامه خوان هفت خوانی اولمدن کهنه
 افسانه تهمتن ورویین تنی اسماء بلا اجسام کالخارث
 ابن همام ایتمکله صندالی صاحبقرانی وسراپرده
 کیتی ستانیده جانشین نیرم وسام اولوب آتدیلر
 طوتدیلر آلدیلر ویردیلر دعوای مردانکیده کمی
 ککشور قیصر و بلغاردن باج و کمی سرکسری
 وجاساردن تاج آله جق اولدی .

یکی گفت کبریم ز قیصر خراج
 دیگر گفت نی نی زجا ساره تاج

یکی گفت شاه جوان بخت را
 من آوردم اکنون برین تخت را
 دیگر گفت کر من نکردم خروش
 بجا دیک طوسی برآمد بجوش

یکی کر من گفت نه ورزیده می
 سر خسرو افسر ندیند می
 نشاننده بر تخت قیصر منم
 طرازنده تاج سـکـندر منم

دگر گفت بفرق من افراشتم
 همه سینه ها کینه انباشتم
 درفتی نیفراشت کاوه اکر
 فریدون بجایا بد آن تاج زر

درین هفت خوان را تهمتن منم
 پناه دلیران شیر افکنم
 شد از تیغ من حلقه های زره
 چو از شانه در زلف خویان کره

دگر گفت کر موبد موبد ان
 نوشته ندادی بدست یلان

نه جنبند از حای زین سان سپاه
سوی هفت خوان را نیکرند راه

بدین فتوی برخاست لشکر زجای
بر آمد درنکا درنک درای

القصه بر فحوای « توقع ذوالا اذا قبل تم » کارگاه
کاشته طرح منوال ظهور اولان تار و بود عیث
فساد و الم نساج چاپک دست ایام ولیالی صنعه سیله
صورت پذیر تناهی اولغه قریب او اب هر کس « جزاء
بما کانوا یکسبون » نور و زنده پالان اعمال لرینه اندازه
ا کتساب لری معناری قطع کسای مجازات ایده جگر ی
زمان یقین ککشیدی که بر روز دهشت اندوز ساریان
ریاح عاصف سوط صواعق قاصف ایله قاید قطار
مطرو تکرک او اب درای شتران کوه کوهان سحاب
صدای هائله (فیه ظلمات و رعد و برق) ایله طاس
رو بین جوا کوانی بر طنین ارتعاب ایتشیدی بوندر
دخی دمدمه هفتجوش و کاو دم رحیلی

برف بلا یاغیدن اوستومزه
 بوچکیدی چکه در اولی بزه
 یولیزی یاغلمدن راهزن
 هر بریمز چارغه ویرسون دوزن
 کلدیکمز سمتی طوتوب آشهلم
 یعنی کرشخانه بی دولاشهلم
 زمزمه سینه سیرآهنگ ایتکهله « فولوالادبار » سالک
 راه ادبار اولوب کتدیله کونلرده برکون مانند
 کیه بیکانه بدکلری یرکه یتدکلری بوستان بهشت
 نشانه دن کنایه در فهای نزهت فراسنه برک خزان
 وش دوکلوب ضرب خیمه نزول ایتدیله اما همان
 اول کون اساس سریع الاندراس اتفاق واتحادلرینه
 انحطاط کلی طاری اولوب نفاق بازار نفاقلری
 منقضى اولغه یوز طوتدی سبب ظاهری دخی
 بو اولدی که اثنای توجهلرنده « زبرلاس وارلاس
 وترکتار » نمودند چندین یساراز یسار، فحوا سنجه
 زیرلوی بغی اتوارنده نچند ایدن اجناس مختلفه

الحقایق دین بر نوع خرکاء نک که پانی مکنت و مماشات لری
 عقال محافظت عیال و بلد ایله مقید قلمغله انلره
 قاعدین بونلره مجاهدین نامی قونلشیدی زمره
 قاعدین اول تابه بریه شقاق اولان سریه عاقی « فاقبل
 بعضهم علی بعض یتسائلون » استقبال ایدوب
 حال ماضی بی فحوص و سؤال طریقله استکشاف
 خیابای ضمیر لیل قرعه انداز استدلال اولدیلر
 بیلدیلر که لوحه سینه رنده نقطه قصوای سویدالزندن
 نقش بسته اولان اشکال خاطره مدی الاحقاب
 کونده برفضای دایکشی مضرب خیام مکمل طناب
 ایتمه که مرغزار جهانی لیل ونهار کشت و کذار بلکه
 بداوته بهانه ایچون کردن مصافحه و مصالحه لری
 سلسله موادعه و معاهده برله داخل طوق استیمان
 اولان طوائف حربی ایله طرح مناقشه مکاشحه ایدوب
 تجدید رسم جنک و پیکار ایتمکدر لاجرم بوداعیه
 نارضیه مرغوله و فاقدرینه وجوه ایله شانہ زن تشت
 وتنفر اولغنه بادی اولدی « والله لایهدی القوم

الفاستقین « اما دخول شهر دن امتناع ایله سودای
 بداوته دوشن مجانینک که اکثری « یانسه جهان
 ایچنده حصیری بولیمه « مقوله لر دن ایدی زعم رنجه
 اندیشه عاقبت بینی قیاب دبدیلر که « الحاله هذه
 شقرای سیر وسلو کمز مطلق القوأم رابض صحرای
 « ارض الله الواسعه « اولغله بزله طاغ اوستی باغ ایکن
 کروه خرم نشان سـوق ایله داخل تنکنای سـورده
 عنان اختیار من مریوط رهاط اقامت اولو حضری
 سفره ترجیح اتمک « کالباحت عن حقه بظنقه « کندی
 الیمزله هلاکزه سعی اتمکدر « چوطالع جهان کردی
 آردبه پیش شاید زدن کنده برپای خویش « علی
 الخصوص هر خصوصده انلرک شحمه الاذان
 اذعانلری مر وار یدر آی صواب دیدمزله مشنف اولق
 مقتضای شرط عهد یکرنکی ایکن بوامرده کندولره
 لازمه اتباع ایله مکلف اولدیغمز ایکی حال دن خالی
 دکلدر یا بودر که بونجه روز کاره وای شکار و سیر
 مر غزار ایله آشبانندن تحریک قوادم استغنا یدن

شاهباز هما پروازی اداره بفته قبل وقال ايله بازوی
 دعوتہ اجابت ایتدیروب قولزه قوندردق شمدنکرو بزم
 ایچون برایش قالدی الامتاع زینت دنیا اولان صحبت
 زن و فرزند ايله متمتع و کامروا اولق داعیه لرینه
 دوشوب چارسوی حالمند قاش روی دکا نچه مقالاری
 اولان متاع کسمخر عهد و پیمانی خیال وصال عیال
 ايله نقد هیچه فروخت ایتمش اوله لر یا خود رشاشه
 یراعة ایاب و ذهاب ايله لوح مشیمه مساعیده مصور
 اولان جنین اداعی که هنوز نقش بر آب بر مضغه غیر
 متبیین العروق و لاعصابدر شاید فتاده خاك سقط
 اولق احتمالی اولور ایسه اوزریمز اتق ايله لباس
 حالمزی آلوده دم غدرایدوب ایکی الیمزی قانده ایتمکدر
 کلا التقدر بن بزی مطارح اهل و عیال لرینه سوق ايله
 کندور، چکمکدن غرضلری « سو کند بصنع صانع
 پاک عجوبه طراز صفحه خاك » دکدر الا خاکیرزی
 غربال مکرو آل ايله تعیین ایتدکلری شبکه احتیاله
 دوشور مکدر « چوچشمار آنکه خورد از تو سبر

که از بام پنجه در افقی بزیر، دیو عطر سای صلابه
اندیشه اولد قلرین غایه مرسل و مثنای زن زیبا
و غایه کلبوی و مهلقا ایله تحصیل ز کام ابتلایدن مغل
دماغان استشمم ایتد کلرنده بر آغز دن بو گونه عطسه
ریز جواب اولدی لر که « بو وقت د کین ملاحظه ایفای
عهد سابقه سزله مجلای مرافقه و جوه ایله
صورتمای مخالف اولماز نه پرده ابدی اما شمدی
سز سناری رعایت میثاقی کریبان عفت عاشق کبی
بوسه داد دامن رسوایی اولغه ساعی اولوب
جمله مزك خرمین جمعیت خاطرینه آتش اندازد غده
پریشانی اولدی کز « بومیدر شرط عهد یکر نیکی
اختیار بداوت ایله صیف و شستا هرزه کرد کوه
واصحرا اولق الی متی علی الخصوص بو سفردن عون
خدا ایله مقضی المرام معاودت میسر اولد قدینه
جمله مزك مانند عقود سجده سر موافقتی مربوط
رشته یکجهتی اولغله یارو بریمزده قرار ایدوب پرکار
وار دأره دن طشره پایکذار اولغه بر فردده یاری

اقتدار اولیه ایادی اعدایه گرفتار اولان حصونک
 استخلاصی بوکا کوره امر سهل اولغین سنه آتیه
 اول بهارینه موقوف و هر طرفه سوق نجیب عزیمت
 اولنور سه ینه هنکام شتاده عنان کیت اقامت
 بومشتای دلارایه منصرف قلمق شروطی مقدا
 اتفاق آرایله تألیف اولنان وثیقه میثاقه درج و رعایت
 ایفا سیچون نقدینه دین و دنیا خرج اولنمش بر معنا ایکن
 نیچون خلاف مأمول بوداعیه ناقبول ایله ساعی
 اولد یغمن بونجه مساعی بی هباء منشور ایتمک دیر سر
 کلیر بر مقتضای حلف و شرط خیام زبرجد فام غاب
 و غلله غله غنایم ایله اغتنام هنکام صیفه قالسون
 شمد یلک کافات شتادن کن و کانون و کس ناعم ایله
 اولواوند تنعم ایسون وقتاکه سلطان جهانگیر
 بهارک قصد تسخیر شهرستان کلزار ایله اوتاغ زمرد
 کون ملون طنابی سخن کلسه تانده استوار و مهجه
 کام غصون ایله اعلام شاخسار طوبی نصابی دوش
 سروران نخلستانده نمودار اوله منوی اولان سفر

ایچون بو طاقم ایله درنک و درودشتی لالهستان
 الویه رنکارنک ایتمکله ساحه فسیحه الارجای
 جهاتی دیده اعدایه تنک ایتمک الیمزده در الیوم
 بوسلو ککرده بزدن سزه اتباع ایدر یوق «الامن
 اتبعک من الغاوبین» دیمکله بن کوشلرینه حواله
 مشت اجوبه درشت ایدوب قوه الظهر طفره
 نارجایلرین شکست ایتدیلر حاصلی مضمار منافشه ده
 بو مثلادوات کلام اعمالی ایله برایکی کون غشغه لری
 متمادی اولوب اراده نیچه حمله خطا کچدی عاقبت
 عیاران کار آزمووده دن «موافق ساز یار ناموافق»
 نیم، جرب زبان اول سرکشان تنک شراب طغیان
 داروی ادای شیرین برصه های خوشکوار جواب
 اشراب ایتمکله طرفلرینه ییقبوب مقید صفاد انقیاد
 شهره قودیلر «فانظر کیف کان عاقبة الظالمین»
 برقاج کون مرور ایتدکده صفحه کردان مجموعه
 دورنک اوراق لیل ونهار یعنی سپهر نابقرار جرایم
 گذشته دور ناهنجارینی استعفا گونه اولو مجلس

افروز جریده ظهور قیلدیغی نقش خاطر خواه
 بواولدی که شمسه تاج ایوانی خورشید صباحت
 بناکوش مهرویان صفت پرلمعان و قه سیاح جدرانی
 سنبل دسته خط بنفشه مویان کبی « فروح وریحان »
 دروازه دلکشاسنندن درون گلزار ذلکشمنه بقان
 « صورت خلد ازین باغ مفصل باید سیرت این
 چن از خلد بیند مجمل » مفهومی معاینه قیلور
 و منظره مینای دلاراسنندن بر نظر عالمی تماشا قلان
 « جهان کهنه رواق نقوش عمرانی نظر اولنسه
 دگلی دلیل ویرانی » فحواستجه معموره سی نه کونه
 خرابه اولدیغن یلور ربع مسکونده اوصافی « مالا
 عین رأت ولا اذن سمعت » سبجعه سیله دلرده
 داستان بوستانسرای داستانک اطراف حیضان
 واصناف اغصاننده آشیانه کیر امانی اولان زاغ
 نشان هدهد نمایشدن بر طائفه که اول باغ بهشت
 آرایشك کاه اشجار بهجت نماسنندن اجتنای
 « وفا کههه ممایتجرون » وکاه مرغزار نزهت فراسنندن

اغتدای « ولحم طیر مما یشتهون » ایتمکله ریاض
 زندگانیده کامران اولوب فلکله کله سیرغه سکک
 دیمزلر ایدی سیماسنین ماضیده عالمک همای
 همایون فال مرادینه مخالف هوا ایله برجنبان اولان
 بوم سیرتان تیره فکرته اوکار افکارلرینه آتش زن
 دمار اولملریله هربری « آرایش بازوی سلاطینه سزا
 شهبازلر » دیمه دن دون هرزه یمزلر ایدی « رب قوم
 رتعو فی نعمة زمنا والعیش ریان غدق سکت
 الدهر طویلا عنهما ثم ابکاهم دما حین نطق »
 قرینه حال دهلیز دروازه باغچه ده برزاغ باغی بر بوم
 طاغی ایله قارع باب مقارعه اولدن ناشی سنین
 کثیره دن بری کانون سینه لرنده متواری خاکستر
 کتمان اولان جرات کینه علو افروز اولدی لیکن
 داخل حریم کلزار اولغله اخذ ثاره مجلب استطاعتلری
 وجوه ایله قاصر اولغین آینه خانه احتیالده بوتمثال
 تافته روی تدبیری استحسان ایتدیلر که عجوز اتهازی
 غالیه و غازه ریووریب ایله رخساره طراز فریب اولوب

نود و تین زمانت مشبک در یچه بالاخانه سماخندن
 ر بوند دلمرینه بیک شیوه خاطر ربا ایله کشف
 قناع کمونی رنک ایدن غوانی مواعد عرقوبی نژادی
 کبی ارانت واول هوا پرستانی تمام امید مساس برله
 افتاده غیابة الجب اغوا اتمکله دست کریبانکیر شحنة
 انتقامه مستعد موأخذ ایدلر .

چون شود دشمن ملایم احتیاط ازدست مده
 مکر هادر پرده باشد آب زیر کارا
 اتفاقا حدنک تدبیرلری شصت اختر گذشت
 ایله هدف تأثیره مصادفه ابتدی یعنی اول گروه
 جهول بر ایلله ظلماده طلب روزی بهانه سیله نابهنگام
 مد جناح خروش ایدوب حریم کلشن سرای دار
 انعمیده معاشران صفه صفایی مانند بعوض طنین
 سامعه خراش ایله تکدیر ایتدیلر .

بداندیش خلق از حق اکا نیست
 زغوغاء خلقتش بحق راه نیست

ازان ره بجایی نیاورده اند
 که اول قدم ره غلط کرده اند
 ایرتسی سبهد زرین اسکف آفتاب « فساء صباح
 المنذرین » دیوانخانه سندن حشر ثوابت و سیاره
 « فاصبحوا فی دیارهم جائمین » علایمی نمودار ایتدی
 ورشان روشن هوای طغیان ناهنکام صعقات دیک
 ایله خروشان اولان دجاجة منشانه « ای مکس عرصه
 سیمرخ نه جولانکه تست » سجعله صغیر تهدیده سر
 اغاز ایدوب ذمتلرین آلایش تهمت اغواذن قأبة من
 قوب بری ایتدیلر بوخلالده منشد قلم دلکش نغم
 بیت قصیده منقبتن « يعرف المجرمون بسمیاهم »
 پرده سندن ترنم ایتدیکی خلف بلغم باعور که هرزه وکیل
 جمهور برملوم ومدحور ایدی خلیج مرج البحرینه
 مشرف بر خضیره دلکشا حظیره سنده واقع سدر
 زرجدنکار خورنق نظیره تسویه ساز طعمه لری
 اولق طریقله برقاج کون متوالیه چاربالش نشین اورنک
 رد وقبول اولوب اول افریه افری بر بر کوزدن

کچوردی ایچلرندن نیچه کرکس صورتک حوصله
 امتداد زمانه نسبت گرفتار منقار مطمح نظرری
 اولان لقمه عقیاب وارچنکال زن تعرض اولغله لانه
 املارندن اوچوردی فرخه نودمیده پرلرندن دخی
 پرورش پذیر کف استحاب اولغله خونی ملکه قابلیت
 علاو قوادم ایاقی اولمشلرینی سرگرفته دست
 استخدام ایدوب باقیسننک قفای ادبارلرینه سله زن
 دورپاش اولغله رهروان بوادی خذلانه یولداش
 ایتدی اما اذعان ایتدیکه بواجتهاد نابسدادی
 اساس سریع الاندراس بنیاد صولت وسطوتنک
 کلیت ایله تضعضع و تزلزله بادی بلکه وجوه ایله شمع
 جمعند پروانه و سلسله امرینه دیوانه اولنلرک دخی بالجمله
 تنفر قلوبنه مؤدی اوله .

کرسیه از پادشه کج دهش
 روی پیچید مکن سرزنش

مصلحت ملک بلطف و عطاست
 در همه جا حکم سیاست خطاست

موی که پیچیده ز بیشا نکیت
گر بزنی استره دیوانگیست

بالاخره اول نا بخردك بو وجه او زر ككش كش
بازوی غدری ایله رابطه نظامرینه انقطاع
ایریشنلردن نیچه مبصر کارشناس بندرگاه دعوای
وفاقده سمسار بازار نفاق اولان بعض کوهر نمای
شبه فروش ایله مرسله طراز مشارکت اولوب
خزفریزه عنو و غروری اول محتمل کفورك عرایس
حججه گاه هوشنه بو یوزدن پیرایه کردن و کوش ایتدیله که
« سنکه الان بو جنود مجنده نك سردار سرفرازی
و بو وفود مفنده نك سالار کار سازی سن . اگرچه
اول بی ادبان نابش عوری » و قلنا ابطو بعض کم
لبعض عدو » لطمه سیله فرق نفوت شعارلرندن
طرطور فخروری غلطان خاك نفورایدوب تأدیب
ایتمه یختی کلاه اویناتدك اما خبردار میسك که بو
ارالقده میشدزار شیران منبع الغاب اولان الویده
سروران رستم جنابك ظلال التجاسنه نیچه روباه تباه

پناه کتور مشلردر شویله که هر بری یومی امسه
و بدرکی دمه نوندر مکد شراره زنا خدیعه به بر
فتیله شعیله در تفکرایله لایر ماجدع قصبر انفه

✽ بیت ✽

تدبص صدر فروغ صدق بد دل کرسنه خا که
شعاع چشم روبه جوش ایدر شمع مزازندن
ایمدی طریقه حزم واحتیاط ایله لازمه ذمت عاقبت
اندیشی بودر که قوت فرصت ایله انلوسنی نادماً
سادماً بعض الیدین کورمدین سن انلری سراغ
راحله قارظین ایتمکله سردار یکدن سپاه اوله سن
« من انچه شرط صداقت بود بتو کفتم » تو خواه
از سحتم پند کبر و خوا ملال ، زینتخانه سنده ماشنده
کاری بلدغ و یصی ایله چهره پرداز اولد قلمی کنک
نیزنکی که رعنا مشربان بو الهوس فریب زمانه کبی
موی روی منقش کلمات دوزبانی برله ژولیده
وجلدتن خشینی صابون نوره فسون ایله دباغ اندن
چیقمش ادیم شویده ایدی « پوشیده قبا بسته مین
بر زده دامان ، بزم کا ، خیر خواهیده ترانه مزاجگیری

برله رقصان ایدرک آغوش هوشنه بازوب اولانجه
 حس وادراکن آلدرمغله مجنون ایتدیلر . اول بی شق
 دخی بووجه اوزره مرسم مظاهراتهاز اولان صورت
 تعلقی حقیقته ارام دل و جان بر محبوب دل داده نواز
 صانوب هزار شوق و غرام ایله جاء خواننه طالب
 وطریق موصلت دیو دلات ایتدکلری ستمه بی
 تماشی ذاهب اولوب نه دیدیلر سه ایتدی وانلرک
 کوستردکلری یولک طوغریسنه یا کلوب کندی

ترسم نرسی بکعبه ای اعزایی
 کاین ره که تو میروی بترکستانست

وقتا که اول اخیب من قابض الماء اولان خردو پای
 بو طریق ایله کریوه اضلالده معتقد امتطا کوردیلر
 درحال اسب جادوی فسونه نعل باز کون اورمغله
 واروب کدوی بوستان وجودلری اولان سر هوا
 اندودلرین هوا دارغیله قلم بلا کردابنده حباب و ش
 کف امواج فدایه دستخوش ایدن فداویلر
 دخی بو گونه اظفار غضیته واغیصال ایله تخدیش

ساعت تشویش ایندیله که فی یومنا هذا سرلرک
هریری بوخیل جراد عدادک قارن و قبادی بلمکه
بوجبل شامخ الاوتاد و غابضادک کهف الامان و جای
استنادی ایکن مقتضای حیت مردانکی بومیدر که
تقاضای مزعجات بلیات برله فجوه حایه کنه التجا
ایتمکله بر نفس مستریح اونلر سنکیاره (اغرب الی
حیث شئت) برله مطروق اوله رق مضیق هول
وهلا که مانند عنتر مدقوق اوله لرا کرچه الحاله هذه
بوصفه عواصف استیصاله شمیدلک سرکردان کن
خسان بی بن وریشه در اما کیدرک بطش طیش
روزکار ایله سزلیر کی دوایح رصیف الاصوله دخی
آفت رسان اولمی محل اندیشه در (غافل سری
بزبور فتالک در خواست) علی الخصوص بوبابده
رباط تحقیقه تردد ایدن راحله اسرار عامضه نک جرس
جرسی ساعت بساعت قبه تا بخانه صماخه طنین زدادر
ولکن مکنت افصاخنه دهانمزد زبان زبان درادر

لسان حالی کور ای قیس مجمل لیلی
زبان قالی دهان دراده کور مشدر

آه اندر زمانه محرم نیست
هیچ کسب از حال من غم نیست

قصه غصه که من دارم
با که گویم که هیچ همدم نیست

دمدم دل یله سفینه اندیشه دلین کرداب تشویشه
دوشروب هر برینت پوصله شوق و توجه اولان
دل طپیده سی زوایه عزیمده روکردان معاضدت
کورندی . بو خالده اول دیو مغرور دامن کبر
کبر و دارم اولور خس و خاره آتشن بور اولدم زعمیله
کست کستان (بل لجوافی عتو و نفور) ایتمده سادل
الثوب غرور اولدی (لمن یا ایها المغرور) فتوی من المال
الموفر و الاثاث) ستحضی غیر محمودا فریدا) و یخلو بعل
عرسک بالتراث) عاقبت هوا جس نفسانیه بار و تخانده
دماغند بو گونه فتیل اندار و ساوس شیطانیه اولدیکه
(ضله کف یمین سلیمانی اولان نکین دولت خدادادی
مانند صخر بر لعب ایله اله کتور رسم فتم البهر بوروز کار

بر قیاح کون باری فرمانم جاری اولور اولورسم دخی
 غم دکل خاطر سهیله مصطفیه اندیشه ده ترتیب ساز
 ولیمه (انا خیر منه) اولدی هیهات هیهات « ابن الثریا
 من ید المتناول » عاقبت کانون درونده غلیان ایدن
 دیک سودای خامدن خوانسار دار الضیافه « جزاء
 بما کانوا یعملون » تعیین ابتدکی راتبه قسمت « وخاب
 کل جبار عنید » اولغله منوم و مدهور و جزایر بحر
 سفیدک برنده اعصاب و عروقی و ضمیمه کش مار و مور
 اولدی

یا خاطب دنیا لدنیه انها شرک الزداء

و قراره الا کدار

دارمتی ما اضحکت فی یومها ابکت غدا

بعد النها من دار

آردنجه برایکی کون کچم دین منشور دورنک مداد
 لیل و نهاره نکین نام ادبار ارتسامی آل تغای
 جنس کیزی کبی لکه پدس اولان نامیزک دخی توقع
 برات شبانه (احمد پارینه راباز همان حال شد)

مداد یله خط بطلان چکلوب پیغوله جواده (این
از فلکست و از حسن نیست) منظومه سنی ورد زبان
ایتمکله سبجه کردان خسران اولدی (چون شود
معزول عامی سبجه کردان میشود) بعده لیلای
خورشید جمال آفتاب چشم مجانیندن اجتناب ایله
متواری جلباب حجاب اولدینی روز هالکه الزیاده
اناره قنديل قيل وقال ایله نقد وقت ابی تمامه اولان
مدعی متقولک مسئله مشکله سنده (ماناک فی هذ
المعنی مبیث) مضمونی ایله جواب آردنجه اول اعیب
من بغلة ابی دلامه اولان امام ناتمامک دخی پیریه
سرگذشتی (شافعی برآمدندو کشتند) مداد یله نقش
کتابه محراب نصاب اولدی

بنایطاب الدنیا ثنی ایها انصبابه
مایستغبق غراما بها وفرط صیابه
حاصلی اول کتاب ابرهه رکایبه غم غم قهر سبحانی
(این ماتکونوا یدرکم الموت) تسبیح یله قدح زناده
صوت ایتمک امارتی بر بر ظاهر وادرا مدرار (بحجارة من

سجیل) برله (که صف ما کول) ولیری بشارتی بر بر باهر
 اولدی یعنی تأییدباری یاری اولغله نسیم عدل سلطانی
 جاروب سنبل دستنه (فاخرج منها) ایله صحن
 کلزار روزکاری رفت ورو به آغاز ایدوب خلیده دامن
 ایام اولان خار و خاشاک بی سروینک کیسه نه عرقخانه
 قاهرده (هـذا مصیرک فن نصیرک) تو ییخی ایله
 شمشیرانی اشارت و کیسه نه ترسانه عامره و جزائر
 سائرده (هذا مقلک فاقیلک) تصریح یحیله مضیق
 زندانی زیارت ایتدیروب زمان یسیرده اول کروه
 انبوهک کی برده (انخرطوا بسلك المخنوقین) و کی
 بترده (وکان من المخرقین) اولغله مضمحل اولدیله
 (فقطع دابر القوم انذین ظلموا و الحمد لله رب العالمین)

﴿ شرح مقاله تاسعه ﴾

مقاله سابقده شرح و بیان اولندیغی وجهله
 سلطان مصطفی خان حضر تلرینک خلعی و قیض الله
 افندیکن قتل اوزرینه آتش فتنه و فساد سکونت
 کلش اولدیغندن صوب استانبوله عزیمت همایون

تقرر اید و ب نهر طوفجند ساحلی اوتاق کردن نطق
ملوکانه ایله کوکبد بخشای خیام افلاک ولسدی
اول کون داخل اثره جمهور اولان صنوف عساکر
طلب عطایا ضمنتند بعض حرکات فسادیه به اجترأ
وانعامات مقتضیه لازمه بذل و ایفا اولمقد قبحه ادرنه دن
حرکت همایونه اظهار رضا ایتیمه جگر بینی عرض
و ایما ایلمش لر ایکن سلطان احمد خان حضرتلری ابراز
جلادت قهرمانی ایله بلافتور اوتاغه عزیمت واوراده
برقاج کون اقامتله عساکرک جلوس عطیه سنی
توزیعدن صکره بالجمله ارکان دولتله ادرنه دن حرکت
وشهر جمادی الاولی اوائلنده در سعادت خارجنده کائن
داود پاشا صحراسند مواصلت بی ووروب ایرنسی
کونی ابی ایوب انصاری رضی عنه البیری
حضرتلری تر به شریفه لرنده تقلد سیف خسروانی
رسم به بنی بعد الاجرا عظیم الای ایله ادرنه قیوستدن
سور استانبوله دخول و سرای همایونلرینه نزول
ایلدیلر و چند روز آرام صوریدن و فیض الله افندی

زاده فتح الله افندی بی اصرار اشراره مبنی قله ده
اعدام ایله برادر لر بنی نفی و تغریب دن صکره اسباب
صلاح جهوری منج بعض مقدمات ترتیبه شروع
ایتدیلر .

منشی رساله اشبو مقاله تاسعه بی ایکی قسمه
تقسیم ایله قسم اولده جلوس احمد خانیدن صکره
جریان ایدن وقایعک خلاصه سی و جمعیت فتنه رؤسائیک
ملاحظات و تشبثات سخیفده سی ایله جهورک استانبوله
دخول لر بنی و قسم ثانیده پیشوایان ارباب فسادک
عواقب احوالی بیان و ضروب امثال شرحنده دخی
مسطور اولدیغی و جهله قسم اولده کی (قفل کشای
دروازه تدلیس اولوب قولندن اشاغیده کی (هر داعی
مأذون) قولنه کلنجده شیعه اسماعیلیه بیننده حر موز
اولان بعض اصطلاحاتی مناسبت مقام ایله درمیان
ایتمش و از جمله عنوان مقاله ده محرر (مصلی و مجلی
و تالی و مسل) تعبیر لر بنی که بین ان عرب میدان مسابقه
احضار اولنان حصانه مخصوص اسملردر علی طریق

التشبيه فرسران عرصه فتنه اولاره عطف وتخصيص
 و (طی ساحة وجود ابد کبری) قوليله انلرك مدمر
 ومضمحل اولدق لرینی تصریح الیشدر ضرور با مثال
 شارحی سالف الذکر اصطلاحات شیعه نك شرح
 وحلی مستقل بر رساله یه محتاج اید وکنیدن بحثله
 مطرح اهمالده ترك ایتش اولدیغی کبی قلم عجزز قدین
 جریان ایدن تشریح وتوضیح نك کلمات والفاظ
 واحجیه والغازه شمولى اولماسی حسبيله اصطلاحات
 مجعوله نك اصل وحقیقتی اوزرینه بوجمعه مختصرده
 دخی ترتیب مباحثه محل کوريله مدی .

متن مقاله نك قسم اولنده مندرج نکات وایهامانك
 خلاصه مفهومندن مستفاد اولدیغی اوزره مروج
 امر خروج اولان حمله علوم اول امرده ظاهراً
 طریق صلاح ونجاحده التزام تعاون ومعناً خلع
 سلطانی ادعاسنده تعین ایدرك استانبولده وبعده
 موکب پادشاهیده توسیع جمعیتله حصار استوار
 مقصدی تسخیره ظفریاب اولدیلر وسلطان

مصطفی خان حضرتلرینک ترک افسر شهنشاهی
 بیورملرندن ناشی امور فتنه ده کندولرله معاهد
 اولان صنایید جهور ایله تجدید عهد و میثاق
 ایلرینده مبنی وادیء اتباعده پویان اولان اشخاصک
 هر برینی مستریح البال ایتدکلرندن ماعدا استحصال
 امال مخصوصه لری ایچون صندلی نشینان عرصه
 اختلال اولان نشانجی احمد پاشا و چالق احمد
 پاشانک زاده افکار شورش نشارلری اولان ارای
 سقیمه بی دخی مستقیم کورمکله دایره فرمانبریدن
 خروج ایتدیلر علی الخصوص حفصه ده یکچریلرک
 التحاقیله اردوی همایونه تفرقه کلدکده نزد
 جهورده بولنان امر و علمانک مبانی مکنت و قدرتلری
 استحکام بولمغله کندولرینه اتباع و اقتدای تأکیداً
 میانه ناسده نشر نعمات فساداته سراغاز ایلدیلر
 وجلوس احمد خانی کندواثر همتلری اولدیغی
 اوازه سیله مسامع انامی طولدر دیلر واستانبولدن
 ادرنه نکه بعدی یدی مرحله قریب اولدیغندن بو

مقدار مسافه محله سمند فته بی استدلری کبی
 اوینامغه موفقیتلرینی مطالعه ایتدکجه کندورینی
 پهلوان عرصه کارزار و خاقان صاحب اقتدار عد
 ایتدیلر وقتاکه استانبوله معاودت احمد خانی
 تقرر ایلدی عمله کارخانه فساد طرف سلطتدن
 ظهوری اغلب ملحوظات اولان عقوبات و مجازاتک
 زمانی متقرب الحول اولدیغنی ادراک ایله ادرنه دن
 نهضت و رحله قرار و یردیلر و همان زامله بند
 حرکت اولوب طی مراحل ادبار ایله سور استانبولدن
 خروج لرنده مضرب خیاملری اولان چریجی
 چایرینه نزول ایلدیلر . لکن بینلرنده معقود اولان
 حبل اتحاد اول کون منقطع و آتش اختلاف
 و بینونت اولانده ملتحم اولدی . شویله که ادرنه یه اثنای
 عزیمتلرنده حلقه بغی و طغیانلرینه داخل اولان خلقدن
 محافظه اهل و عیال قصد یله وقاعدین نامیله استانبوله
 ترک ایتمش اولدقلری اشخاص که بر بلوک اصحاب
 جرایم و مائثم ایدی . انلرله مقام استقبالده ملاقات

ابدوب یاران قاعدینه خطاباً (اساس املز دائماً
 کشت صحراودشت ایله محافظه مکنت واققدار ودول
 متجاویره نصارا ایله دخی جنک و بیکار ایتک
 اولوب سبب اتفاق اولان موادک مجموعی پذیرای
 حصول اولمدقحه نظام اجتماعزه خلل ویرمامک
 واستانبول سورینه خطوه انداز دخول اولماق
 دخی عهد و موایبق واقعه من اقتضاسندن دکلیدر)
 دیهرک درون شهره کیرمکدن امتناع والحالة هذه
 وادی طغیانده مطلق العنان ایکن ارباب حرف
 مقوله سی ایله برلکده داخل اصطبیل معاشرت اولق
 پای امانزه بندخطر اورمقدر تعبیر یله سفری حضره
 ترجیح دأر درلوبحث ابداع ایلدیله . زیرا خاتمه
 تاریخ نعیماده ذکر وایما اولندیغی اوزره چالق احمد
 پاشانک ورفقای بدپیماسنک منوی ضمیرلی یالکز
 ماده خلع واجلاس اولیوب اومقصدک استحصالنندن
 صکره رؤسای مشهوره فتنه بی وسردن کجادی
 اغاز بنی طاغتمیوب انرله مظاهرت واکتساب استقلال

وشهرت ایدرك و برطرفدن دخی افراد واعضای
 جمعیتی تکثیر وتوفیر ایلیه رك اداره دولت علیه
 عثمانیه بی اخلال وتغیر اتمک ایدی حتی ابتدای
 حدوث فتنه ده اورتہ جامعہ جلب ایتدک لری
 موالی ومدرسین بیننده دخی بوسکا دائر خیلی
 مباحثه و مذاکرہ جریان ایلش ایدی . بناء علی
 ذلک ادرنه دن کلمش اولان ارباب فساد استنبوله
 عدم دخوله اصرار وعنادہ متعلق ایراد ایلدک لری
 کلماته علاوة دیدیلر که سوقه وسکنه شهرک هر
 خصوصده رأیمره متابعتلری مشروط ومعهود ایکن
 بزم انلره اتباعم تقدیرنده یا مقصد اجلاسک حصولندن
 طولابی من بعد نوش صہبای حضور واسایشله
 امرار ایام ولیال ولدت صحبت اهل وعیال ایلہ
 میانه مزده منعقد اساس عهودی اخلال ایدرلر
 ویا خود کهواره تصورده ارضاع ایلکده اولدیغمر
 فرزند آرزو مشی وحرکتہ تاب اورا اولمزدن اول مبتلای
 مرض موت اولور ایسه مسئولیت وقباحتی دوش

کر انبار مرزہ تحمیل ایله جمله مرزی ورطه غدره
 اوغرا درلر الحاصل انلرک مجذوب مقناطیس احتیالی
 اولمقدن حذر اقتضا ایدر وقتا که اشبو مقالات
 غریبه مطرح امن ورفاهه مائل اولان فرقه نک
 رسیده صماخ اذعانلری اولدی متحد الکلمه جوابه
 اغاز ایدوب چونکه هر نه طرفه تحریک پای عزیمت
 قلنور ایسه ایام شتایی استانبولده امراره اولجه قرار
 ویرلش ایکن اختیار بداوت متمادیه شرط عهد
 موافق اوله میه جغی مثللو برای انتزاع قلاع و بلاد
 ممالک المانده علم افراز غزا و جهاد اولق دخی حلول بهاره
 معلق بولندیغندن خلاف پیمان و ایمان تکلیفه قیامدن
 ایسه تصورات معهوده جهادیه و حرکات مقرر
 غیر عادیه بی حلول مواسمه تعلیق ایله شوهنکام سرمای
 مستانه ولوندانه خانه و میخانه ده کچورمک طریقندن
 اوز که مسلکده سزکله اتحاد بزجه قابل و ممکن
 دکدر دیدیلر و بر ایکی کون بو مثللو مناقشات
 و منافسات ایله اوغرا شوب نهایت چالق احمد پاشانک

و امثالک تبلیغات قطعیه سی اوزرینه باجمعهم شهره
داخل اولدیلر .

متن مقاله نك قسم اولی مالی بو محله تمام اولدیغندن
بروجه آتی قسم ثانینك تشریح وتفصیل مدلول
ومن یاسنه ابتدار اولندی .

جمعیت ارازل بلای اسمانی کبی دار الخلافه العلیه
نازل اولدوقده کاشف سرأراحوال وواقف دقایق
افعال اولان ارباب ناموس واذعان اثردن مؤثره
استدلال طریق اوزره مرشدین مسلك اختلال
اولان پاشا لک سرکار دولته استیلارینه کمال تأسف
وتلهفله نکران اولوب انلرک دوحه وجود مضرت
الودلری شوره خاك ذلت وشناعتده پرورش یاب
اولمش ایکن مادامکه مهبط قضا و قدردن وزان اولان
باد موافق امداد یله اوراق خزان دیده افکار
فاسده لرینه طراوت کلدی مدت قلیله ده بی حد
وعدد ثمرات مضره یتشدیرمکه مانند اشجار ملنفت
الساق سایه بخشای مفارق ارباب شقاق ومن غیر

استحقاق مناصب عالیاته صعود ایتمکه ولوله انداز
 افاق اولدقلرینه نظرأ البته سیرغ استقلالی الدن
 قاجرماق ایچون استانه سعادت آشیانه بی لانه زاغ
 فساد دوندروب دائما اعمال شرک فسون وفتنه ایله
 اشتغال ایده جکری بی اشتباه و بنا برین من بعد
 بوسواد عظیمده اثرامن وامان کور یله میه جکی وارسته
 دلیل وکواهدر دهرک اساله دموع بأس و ملال ایدرلر
 ومع مافیه پادشاه نوجاه حضر تلرینک اصلاح
 مصالح جهوره صرف نقود مجهود بیوره جقلری
 امید یله متسلی اولورلر ایدی جمعیت فتنه نک استانبوله
 دخوللرینی متعاقب بوسه تانجی طائفه سنک حرکت
 فسادیه سی ظهور ایدوب چونکه انلرک دور مراد
 خائیده وقوعبولان سپاه اخنلاللرنده خدمات
 برکنزیده لری سبقت ایتسی غرور ونخوت وشر
 ومضر تلرینک ترایدینه بادی وبرمنازعه شخصیه دن
 طولابی یکچیریلرله بیلنرنده اختلاف وشقاق موجود
 ومتمادی اولمس یله برابرکنندولرینک نهالستان

دارالسلطنة سنيده نشوه نما بولملى يكيچر يلرك تجاوز
 و تسلط لرينه مانع اولديغندن مز رعه جمعيتلرينه
 ايشار تخم اغوا و فساد ايتكله سنبله فتنه دن دانه
 چين انتقام اولغه يكيچر يلر فرصت بين اولد قلري
 حالده اول طائفه غير خائفه خديقه خاصده علوفه
 مطالبه سي بهانه سيله حركت باغيانه قيام ايلد كلردن
 چانق احمد پاشا بر قايح كون متواليه يالى كوشكنده
 مربع نشين صندلي جلادت اولوب نفرات عتيقه دن
 شاين تاديب اولملى طرد و تبعيد و نفرات جديده دن
 بر طاقنى بالابقا بر طاقنى دخی يكيچرى اورته لرينه
 و سرحدلر محافظه سنه توزيع ايله دفعه غائله
 ايلدى .

مؤلف رساله نك تاريخچه سندن مستفاد اولديغى
 وجهله بيك يوزيدى سنه سنده سلطان مصطفى
 خان حضر تلى انكروس سفرينه عازم اولد قلرنده
 ركاب همايونلى ايچون بوستانچيلردن بيك بش يوز
 نفر تفنگچى ترتيب اولغنى امر ايتشلا ايدى لکن

تحریر اولئان نفرات اشخاص مختلفه مجهوله دن
مرکب اولغله سفرلر ختاميله خديقه خاصه يه داخل
اولدقلرنده کندولرینی مسـبوق الخدمه عدايله
ضابطلرینه اطاعت ایتمز و انواع فحشیاته
جسارتدن چکنمز اولدیلر و کیدرک خديقه
خاصه ده تربیت یافته اولان عتیق نفراتک شیوخ
و شبانه سوء سیرتلی سـرایت و بربرلینه القای
نوا و مفسدت ایدوب بالاخره سالف الذکر حرکت
فته کارانه یه اجتناسار ایتدیلر مؤرخ راشد افندی
بو حادثه بی نقل و بیان صـرـه سنده دیر که سلطان احمد
خان حضرتلی نصف الیلده بوسـتـانجیلرک غلغله
واوزه سنی ایشتمکله حرمدن چیقـه رق بوستانجی باشی
و سلمـدار غا و اسـطـه لر یله تفریق جمعیت حقنده
اجرای نصایح یور مشلر ایسه ده ایچلرنده باعث فته
اولان بالقجی اوغلی ابراهیم اغا و جلاد محمد و عوض
نام زور بار نه طرف سلطنتدن واقع اولان نصایحی
ونه ده کیمجه سـرایه دعوت اولئان صدراعظم نشانجی

احمد پاشا و یکپیری اغاسی چالق احمد پاشانک تأدیه
 مواجبه کفالتله برابر ایراد ایلد کیری مقالاتی قبول
 واصفا ایتمد کلرندن صدر اعظم و شیخ الاسلام
 و یکپیری اغاسی ایله فتوا امینی محمد افندی
 و بوستانجیلر شیخی اسپری دامادی مصطفی افندی
 حضور همایونده عقد مجلس مشورت ایلد کلرنده
 سلطان احمد خان حضرتلری « اجداد من زمانلرنده
 طشره خلقندن فتنه ظهور ایتد بجه بوستانجیلر
 محافظه سرای سلطانیده جانسپارانه صرف مساعی
 ایدرلر ایتمش شمدیکی نفرات ایسه حرم سلطنتده
 ابقاع فتنه به چالینه یورلر دفع مفسد تئری ایچون
 خارجدن استنفاره احتیاج کوسترن او بیله برکروهدن
 امین اولق مش کلدر » دیو عموماً طرد و تبعیدلرینی
 امر ایتدیلر لیکن سلحدارلقده بوئنان قند قلیلی
 محمد اغا بوستانجی او جاغندن یتمش اولسه بیله رجا
 و نیاز ایدرک بر مقصدارینی لضمه اخراجدن تخلیص
 ایلدی « رجعتنا الی مانحن فیه » چالق احمد

پاشانك بوستانجیلری تأدیب و تربیه ده تهالکی
 کند و سنجه مضرات و مهالکی انتاج ایدوب شو یله که
 مطرود اولان اشخاصك اشداسی یکچیریلرک
 اقویاسی ایله اتفاق ایلیهرك مقام اخطارده مشارالیه
 کشف ضمیر و امر تأدیب بوستاننده رستمانه حرکتی
 تقدیر ایله برابر معامله واقعه دن متوحش اولنلر طرف
 سلطنته پیدر پی حلول و درلو حیل و خدعه یه سلوک
 ایلدکلر دن تحت تأثیر مفسد نرنده قالمق سزین انلری
 دخی تنکیل و تحذیرده لوازم حزم و احتیاطه رعایت
 ایلمسنی فسون و احتیال کونا کون ایله توصیه ایلیهرك
 کند و سنی بی شعور ایتدیلر احمد پاشا ایسه حقایق
 افاده بی کشفه مقتدر ادم اولمید یغندن مخالفلرینک
 دام تزویرینه طویلوب ارأه ایتدکلری مسالاک
 مخوفه بی بر طریق سلامت عدایدرك نفسنی کرداب
 بلایه لقما ایلدی وقتا که ذکر اولنان مفسد
 پیشکان احمد پاشایی ره نارفته یه متراهی کوردیلر
 یکچیری شقیلرینه خطاباً بوستانجیلر حقنده واقع

اولان معاملات برکون سزرا ایچون دخی اجرا اولمق
احتمالدن بعید دکلدر دیوالقای نوأردهشت
ومفسدت ایتدیلر احمد پاشا بوضورتله زیر کلیم
خفاده چالینان طبل فسوندن بی خبه اولهرق تحصیل
مهر صدارت سودای خامنه دوشوب عاقبت جزایر
بحر سفیدک برنده مقتول اولدی ومتعاقباً نشانچی
احمد پاشا عزل و دفع ومتسید مصطفی ایله شیخ
الاسلام امام محمد افندی نفی اولوب سائر ارکان فتنه
برر بر محبوس ومنفی ومقتول اولدیلر اشبو
مقالهده مندرج نکات ورموزدن «توتی الملائک من تشأ»
نص جلیلی ایله دیگر ایکی آیت کریمه جلوس احمد
خانی به اشارت اولوب «باده طیبه زهد وصلاحده
وتعاونوا علی البر والتقوی سمعندن کلید تأنیس ایله»
قولی موالی صنفک ارباب جهوره معاونتی التزام
ایلدکلرینی و «انی جاعل فی الارض خلیفه» آیت
شریفه سی دخی انلرک جلوس احمدخانی بی اثر خروج
اولق اوزره ادعا ایتدکلرینی بیان ایچون درج اولمشدر

« تبه محشر شبیهده اصحاب شمال و عین ، قوی
 حفصه ده تحشد ایدن اردوی همایون ابله معسکر
 جهوردن کنایه اولوب « ثغور مبدأ خروج لرندن
 سنور و اوج جای معاد لری ، تعبیری استانبولدن
 ادرنه یه عزیمت جمهوری تلمیح ایدر « بتدکری یر که
 بتدکری بوستان بهشت نشانه دن کنایه در ،
 عباره سی چر پیچی چایرینه اشارت اولوب « زاع
 منشان هدهد نمایندن بر طائفه « فقره سی بوستانجی
 نفراتنه و « بوم طاغی ، تعبیری یکچیر یله عائددر
 و « عالمک همای همایون فال مرادینه ، قوی دور
 مراد خانیه اشارت اولوب « حریم کلشنسرای
 دارالنعیمده معاشران صفة صفایی مانند بعوض
 طنین سامعه خراش ابله تکدیر ایتدیلر « قوی
 بوستانجیلرک اواز باغیانه سی دائرة حرم همایونه
 منعکس اولدیغنی و « ایرتسی سپهدزین اسکف
 آفتاب فساء صباح المنذرین دیوانخانه سنده حشر
 ثواب و سیاره فاصبح و ا فی دارهم جائین علایمی

نمودار ابتدای « فقره سی سلطان احمد خان
 حضرتلرینک بوسناتنجینری طرد و اخراج ایچون
 خانه خاصه ده واقع ضفه نام محله، عقد مجلسه
 تعیین مجازاة ایلدکربی حاویدر و « خلف بلعم
 باغور هرزه وکیل جهور، عبارت سندن مراد
 دخی چالق احمد پاشادر « نکین دولت خدا دادی،
 قوانه مربوط عبارت پاشای مشارالیهک تحصیل
 صدارته مخابراتنی معرف اولوب « احمد پارینه را باز
 همان حال شد، و « این از فلکست و از حسن
 نیست، مصرعلرینه متعلق کلمات دخی
 نشانجی احمد پاشانک عزل و وزارتیک رفعیه
 یرینه سلحدار حسن پاشانک نائل مهر و کالات
 کبری اولدیغنی تاهیح ایدر چونکه مصرع اول
 برادرمک حال سابقه رجعتنده مستعمل ضروب امثال
 عجمدن اولسنه مبنی منشی رساله بونکله نشانجی
 احمد پاشانک حدوث فتنه دن اول بولندیغنی حال که
 مخلوع الوزاره ایدی ینه اکا مستحق اولدیغنی

ایما و مصرع ثانیده محرر « حسن » کلمه سی ایله مشار
 الیه حسن باشانک صدارتنی انما الیش وینه مصرع
 اخیرک ترکیب طبعیسنه کوره حسن باشانک نزد
 احمد خانیده وقوعبولان ترویج و تعجیلله احمد
 باشانک بعد العزل سرای همایوندن طوغریجه
 منقاسنه کوندردیکی بحثی تعریف ایتشدر
 « اناره قندیل قبل وقال » قولنه معطوف فقره متسید
 مصطفایه و « امام ناتمام » تعبیری دخی شیخ الاسلام
 امام محمد افندی به دأر اولوب « عرقخانه قاهره ده
 هذا مصیرک فن نصیرک توبیخی ایله شمشیر برانی
 اشارت » فقره سی قردقاش مصطفی حقنده وقوعبولان
 معامله جزاییدی حاویدر چونکه تکمله شرح
 مقاله ده حکایه اولندجغی اوزره مرقوم مأموریتله
 حجازه عزیمت ایدر ایکن مصرده کائن عرقخانه ده
 بعد الحبس قتل واعدام اولنش ایدی فقره
 مذکوره نک مابعدنده محرر « انخرطوا بسلك المخنوقین
 وکان من المغرقین » اشارتلی سائر ارباب فتنه نک

مغروق و مخنوق اولدقلرینی مختوی و دیگر الفاظ
و کلمات تشریح و تأویلدن مستغنی کورنمشدر .

﴿ تکمله مقاله تاسعه ﴾

اشبو مقاله تاسعه نك قسم ثانيسى پيشوايان جمهورك
كربان اشتمارلى نه صورتله كرفتار پنجه اديار
اولديغنى حاوى و مؤلف رساله نك تعريفات و ايهاماتده
اختيار اختصار ايلش اولسنه مبنى ايضاحات
و تشرىحات نك ذات و شخصه عائد جهتلى بالطبع
جامه تفصيلدن عرى اولوب حال بو كه رؤساي
جمهورك كيفيت مجازاتى « فاعتبروا يا اولى الابصار »
آينده معجز نماسنه منعكس اولان عجايب اشكال
حادثاته اعالة لحاظه اعتبار ايدنلر عندنده واجب
التحصيل اخبار و وقايعدن اولمسيله مقالات سابقه ده
تراجم احوالى بيان اولنانلردن ماعدا اشبو مقاله
تاسعه مؤدا سنجه معاملات سياسيه مستحق
اولنلر عواقب حاللى حقنده توارىخ و ثاردين

نقل احوال تفصیلاً نه لزوم کورنمشد .
 صحایف سابقه ده محرر اولدیغی اوزره چالق احمد
 پاشانک و رفقا سنک املاری رابطه جهور فتنه به
 خلل و طبع مفسدت نبعلزینه کسل و یرمیه رک
 اداره دولتی افساد ایتک ماده سی اولدیغنه سلطان
 احمد خان حضرتلری واقف اولوب بزر بر جله سنک
 ترتیب مجازاتی مراد و تصمیم ایتملر ایدی لکن
 میدان بغی و طغیانده کسب اشتهار و اقتدار ایتمش
 اولمزدن ناشی حق لرنده واقع اوله جتی معامله
 سیاسیه نک کندولرینه و طرفدار و معینلرینه
 سر رشته و یرلمک سزین اجرایی اهم کورنمکله
 طرف سلطنتدن قاعده حزم و احتیاطه مراعات
 و اول باول خوف مواخذه دن اغفال ایچون و کلا
 و علمایه اعطای تأمینات اولنوب از جله تفسیر
 شریف قرآنی و سیه سیه شیخ الاسلام افندی
 و علمانک متحیرانی هفته ده بردفعه حضور همایونه
 دعوت اولنورل ایدی چالق احمد پاشا اثنای وقعه ده

تفرد ایدرك هرايشده نافذالكلم ايكن نشانجى احمد
 پاشانك مقام صدارته تقرر ايتد كد نصكره كندوسند
 مراجعت ايتماسى حسيبله مغير الخاطر اوله رق
 اختلاس خاتم وكالت املنه دوشديكندن سلطان احمد
 خان حضرت تلر يني اغا قپوسنه دعوت و ترتيب ضيافت
 ايدوب (ع) شجاعت عرض ايدركن مرد قبطى
 سرفتن سويلر) مؤداسنجه وقت فته ده يد اتهابنه
 كچمش اولان اموالدين تقديم هدايا ايله استدعاى
 مسند صدارته جرأت ايتديكنه قانع اوليه رق علوفه
 ديوانده بيكچر يلر تهر يك ايله نائل مقصد اولمق فكر
 فاسدنده بولنديغى مسموع اولمغله سلطان احمد خان
 حضرت تلرى صدر اعظم نشانجى احمد پاشايه نقل
 ماجرا ايله چالق احمد پاشانك دفع و ازاله سى تدبير يني
 سؤال ايتد كلرنده مشار اليهك اثنائى فته ده كندوسى
 ايله عقد ايلديكى رابطه عهد و ميثاقى بو صـورتله
 قطع ايتتى و على الخصوص زيور دست اقتخارى
 اولان مهر و كالت مطلقه نك نزع و تحصيلنه چالشمى

صدر اعظمك كرىيان صبر و سامانى چاك چاك
 و در حال ترويج مراد همایونه ميل و انهماك ايدوب
 چالق احمد باشاك اهانت و شقاوتنه متعلق
 بر طاقم مقالاتى بى سرو بن عرضه جسارت سردهنده
 طرف سلطنته شدت اختصاص و اخلاصندن بخثله
 (اكر بن اولمسيديم فتنه مندفعه اشتعال بوليوب
 جلوس همایونكز ميسر اولمزدى) ديو جنایت
 واقعہ سنى خدمت صادقہ رنگنه تحويل و حقنہ
 اجراسى مقرر اولان جزايى كندو سوزيله تعجيل
 ايلدى و تعريف و تنسيبي وجهله تفسير درسى
 كونى امور سفر يہيه دائر مشورت وقوع بولہ جغى
 ديسہ سيلہ صدر اعظم و سائر وزرا ايله چالق احمد
 پاشا سراى همایونه دعوت اولنوب احوال سرحدات
 اوزرينہ بعض مذاكرات جريانندن صكرہ ذوات
 مجتمعه حضور همایوندن چيقوب روان كوشكنده
 اعادہ مذاكرہ سر اغاز ايلشلايكن نشانجى احمد
 پاشا منفرداً حضور همایونه كيدوب قصره داخل

اولد قده اتباعندن بری اثنای قیامده چاق احمد
 پاشایه الباس خلعت ایدرک صدر اعظم دخی
 شوکتلی افندمز سزه قبریس منصبی احسان
 یوردیلر دیملکه چاق احمد پاشا کمال انفعال
 و غضبندن خلعتی اوراده ترک ایدوب سرایدن عوده
 شتاب ایتک استدکده دابه و اتباعی باب همایونه
 کوندرلش اولدیغنی و نتیجه حالک نه اوله جغنی
 یلوب حیرت و اضطراب ایله اطرافنه نکران ایکن
 طوپ قیوسنده حاضر اولان چکدیری به
 ایندیر یلرک در دولتدن ابعاد و مال میریدن ذمتده
 بولغان بیک کسسه ایچیه استرداد اولنده رق
 مؤخرأ صادر اولان امر عالی موجبجه قبریسده
 وار مقسزین ردوسده اعدام اولندی مؤلف
 شفیق افندیگ تاریخچه سنده محرر اولان روایتده
 نظرأ محضر سلیمان اغا که عمید اصحاب بغی ایدی
 چاق احمد پاشانک عزلی کونی صدر اعظم معیتله
 سرای همیونده بولوب قرار حاله مطلع اولد قده

یکچری وجبه جی اورته لرنده اولان هوادارلرینه
وسردن یکدی اغارینه چالق اجد پاشانک ارجاعی
ایچون مسلماً طوپ قسویه کلرینی برشخص چالاک
ایله توصیه وانها ایلدی . لکن انده بولنان کتخدا
یری قره مصطفی اغا بوتشبت فتنه انکیزانده واقف
اولوب برقاج یکچری نفری ارسال ایله سلیمان اغانک
کوندردیکی ادبی باب همایوندن چیقار ایکن دسیسه
ایله دوندیره رک نابود ایتدی . سلیمان اغا بوماده دن
صکره فرار واختفایه مجبور وعاقبت مقتول اولوب
یرینه مومی الیه قره مصطفی اغا نصب اولندی
و قول کتخداسی دیو علی اغا که مقدمهء مجموعه ده
اجمال احوالی مندرجدر همان عزل و ابتدا بروسیه
نفی اولته رق اندن کریده قلعه بند اولنق اوزره ازمیره
کتوریلور ایکن فرار ایتمکله بی نام و نشان اولدی .
چالق اجد پاشانک غائلهء وجودی بووجهله برطرف
اولدقدن صکره نوبت نشانجی اجد پاشایه
کلدیکندن انک جزای مایلیقی دخی ترتیب اولندی

مشارالیه احمد پاشا سلحدار حسین پاشا
 عتقاسندن روسی الاصل اولغله سرای همایونه
 داخل و خزینه کتخدالغی خدمته واصل اولدقدن
 صکره بارتیه وزارت صیدا والیلمکنه مأمور و بعده
 عموجه زاده حسین پاشا ایله عقد پیوند مصاهرت
 ایدرک موصول و دیار بکر ایانلریله مسرور اولمش
 و برارالق حابیه محافظلغنه تعیین قلمش ایدی .
 الماس پاشا صدارتنده متقاعدأ استانبوله عودت
 و بر مدت قاضی کوینده اقامت ایدوب مشارالیه
 حسین پاشا صدارته مأموریتی اوزرینه ثانیأ
 حابیه محافظلغنه تعیین و بیک یوزاون تار یخنده
 نشانجیلق منصبی ایله تکریم قلنه رق مقدمه مجموعه ده
 جملاً بیان اولندیغی وجهله بیک یوزاون درت تار یخنده
 یعنی حسین پاشا صدارتدن انفصالی و مؤخرأ
 عالم عقبایه ارتحالی ائشاده فیض الله افندیك سعایتیه
 عزل و اموالی ضبط اولندیغندن برسنه قدر ایام
 کوشه خولده سجده کردان الام اولوب حدوث

وقعه ده داخل دأره جهور بلکه مؤسس مبانی
 شروشور اولش ایدی مقتضیات فتنه دن اولق
 اوزره مسند صدارته استیلا ایدوب بوجه محرر
 حضور همایونده واقع اولان هفواتی ایسه طرد
 و تأدینی تسریع ایتدیکندن چالق احمد پاشانک
 عزاندن بر هفته صکر المصلحه سرایه دعوتله یدندن
 مهر همایون اخذ و انتزاع و سلحدار حسن پاشایه
 ایداع اولنوب کندوسی ایکی اوچ کون بستانجیلر
 چارطاغنده بالتوقیف بعده ساقزه نفی و تغریب و بر
 سنه مرورنده ترحاله و اینه بختی سنجاقلری توجیهیله
 تطیب ایدلدی و یسک یوز اون یدی سنه سی
 شهر رجبند، اینه بختیده وفات ایدلدی عریض
 القفا و قصیر القامه و سمین اولدیغندن قوانوز احمد
 پاشا دیملکه دخی شهر تیاب اولشدر تجا و زالله
 عن سیاته

سردار ارباب شقاوت اولان مشار الیه نشانجی
 احمد پاشا ایله چالق احمد پاشانک بر برینی متعاقب

عزل و تدمیری کند و زینه منسوب و مربوط اولان
 اسافلک مسموعری اولد قده حرکت مذبحانه
 قیلندن اولق اوزره عنق مستعد الخفلینه کند
 عقوبت طاقمدن مشار الیه مای منصلرینه ارجاع
 ایتدیرمکه و بو امنیه بی دخی از سرنو اشغال فته
 فته ایله حصوله کتورمکه قرار و یردک سردن
 کچدی طاقیله بالانحداد یکچیری اوجاغندن استعانه
 واستمداد ایلدیلر فاما یکچیری ضابطلرینک بر قسمی
 طرف سلطنته میل ایتش و بر قسمی دخی چالق
 احمد کبی رشید الشکیمه آدمک بلا امان در دولتدن
 دفع و تبعیدی اوزرینه سر بحیب خشیت اولوب
 شقاوتده قوت قالماش اولدیغندن اوجاغه مراجعت
 ایدن شقیلر مأمول ایتدکلری صحابته بدل غتاب
 و دشنامه مظهر اولملریله نادماً و خائباً تخلص سر
 وجان قیدینه دوشدیلر و یکچیرلرک اتفافی ایله
 هر بری بر کوشه ده طو تیلوب باجمهم بندرگاه عقبایه
 اعزام اولندیلر

شیخ الاسلام محمد افندینک عزل و نفی ذاتاً مقرر
اولدینی حالده سلحدار حسن پاشانک صدارته
مأمور بنی کونی اثنای وقعه ده مأوف اولدینی لسان
ایله (پاشا اوغلم سنک شو مأموریت جلیله به نائلیتک
اجماع امتله اولشدر) سوزینی تفوه ایتمسی دفعی
تعجیل ایملکه تفسیر شریف درسی ایچون بر معتاد
سرای همایونه عزیمتده عزل اولنوب فنار
بغچه سنده اماده اولان چکدیری به ارکاباً بروسه به
نفی و تغریب و ترجمه حالی مقاله رابعه ده بیان اولنان
پشمقچی زاده علی افندی مسند جلیل فتوا ایله
تعجیل و تطیب قلندی و محمد افندینک مقام
مشخندن انفصالی صره سنده متسید مصطفی دخی
امامت شهریاریدن معزول و ردوسه نفی و تغریب
اولندقدن صکره مقتول اولدی

بونلری متعاقب نزد جهورد صاحب الکلام اولان
دورژان احمد اغانک مقدمه اعدام وجود بدبودی
اولق اوزره علی طریق الاتفات طرد و ابعادی

قرار گیر اولغله عهده سنه سیواس بکار بکلیکی توجیه
اوله رق صوب منصبه شد خرام عزم ایتد کن
صکره مأموریتی وان ایالتنه تحویل و بیگ یوزاون
القی تاریننده سر مفسدت اثری غلطیده خالک عدم
اوله رق اموال و اشیای طرف میریدن مصادره
و تحصیل قلندی و قره قاش مصطفی که مدیران
جمهورک متنفذی ایدی درگاه عالی قیوجی باشلیغی
رتبه سیه حجاز خقنن اغاغنه مأمور ایدیلوب
آرددن ایام فتنه ده تغلباً غصب و نهب ایلدیکی
نقود و اشیای بی نهایتک سؤالی حاوی مصر محافظی
محمد پاشایه امر عالی کوندر لکله قره قاش مصطفی
مصرده اکیال لوازم سفریه ایله مشغول ایکن محافظ
مشارالیهک کتخداسی حافظ اغا طرفندن جلب
وامرای مصریه و اوجاق ضابطلری و دیوان ناظمی
محضرلنده استنطاق اولنوب افادات واقعه سنک
ضبطی در دولته اعاده و تفسیر و کندوسی اولا
عرفخانه دینلان محبسه و بعده ایچ قلعه ده حبس

وتوقیف اولندی واون ایکی کون صکره وارد
اولان امر عالی موجبجه اعدام ایدیلرک خفتان اغالغی
خدمته دیوان مصر تذکره جیسی نادری احمد
افندی تعین واعزام قلندی

دورژان احمد وقره قاش مصطفی در دولتدن تبعید
اولندیغی هنکامده سپاه اغالغنده بولنان رؤسای
فته دن معن زاده صالح اغا دخی با پایه میر میرانی
و بروجه اربعلق اینده بختی سنجاغی ایله تلمطیف
اولنوب استانبولدن حرکتی متعاقب صادر اولان
فرمان عالی مقتضاسیجه لمنیده مقتول اولدی وطائفه
جبه جیاندن او باشان شقاوت نهادک باشی اولان
کوچک علی که صفت خیانت انصافی مقدمه ده ذکر
اولمشدر انک ورفیقتی قره بیاق محمدک دخی
ازاله وجود مفسدت الودلری اهم اولغین بوشناق
ابراهیم اغا یرینه جبه جی باشی نصب ایدیلان رمضان
اغابر کون بر ولیمه ترتیب و مر قومانای دعوت ایللیوب
مر اسم ضیافتی ایفادن صکره طرف صدر اعظمیدن

کلان مباشره تسلیم ابتدی و در حال ایکسی
 دخی اخور قیومر ساسنده اولان سفینه ده واندن
 کرداب عدمه الفاولندی و هوادارلری اولان
 اشقیانک اکثری تشکیل ایدیلرک بقیه سی کمال خیت
 و خذلان ایله پریشان اولدیلر (فانظر کیف کان
 عاقبة المفسدين) عظماى ارباب فتنه بوججه له
 رهنورد وادی عدم اولدقلرنده صدر اعظم حسن
 پاشا ایله حقوق قدیمه سنه بناء صدر اسبق رامی
 پاشا کوشه اختفادن خروج ایدوب قصبه ایوبده
 کائن خانه سنده ارام واقامته مأذون اولدی اما
 مشارالیه حقمنده صدر اعظمک اعتماد و توجهی برکان
 اولدیغندن معظمت امورده استشاریه مدار اولدجنى
 امنیده سیله رکاب همایون قائم مقاملغنی و یاخود باش
 دفتر دارلغنی قبول ایتمسنى تکلیف ایلدیکنده رامی
 پاشا بسط قالیچه معذرت ایدوب (بقیه خس و حاشاک
 شقاق هنوز بهجت افروز نظاره اصحاب نفاق ایکن
 ذکر اولئان منصبلرک قنغیسنده بولمنش اولسم خطر

و تهلکه دن مصون اولق مشـ کلد ر صورتا طرد
 و تبعیدی مبین اولق ایچون قبریس ایالتک توجیهی
 اقصای مرادمد (دیمکله ایالت مذکوره به تعیین
 واعزام قلندی مشارالیه رمی پاشایو بلی حسن
 اغاک صلبه دن بیک التمش بش تار یخنده سایه انداز
 چن صفت شهود اولوب سن شبابه واصل اولدوقده
 رئیس قلنه مأمور و بر مدت صکره شعرادن نابی
 افندی تقریبه له مصاحب مصطفی پاشانک ابتدا
 مصرف کتابتنه و مؤخرأ دیوان افندیلکی خدمته
 نائلیته مسرور اولمش و مشارالیه مصطفی پاشانک
 وفاتندن صکره نابی افندی ایله برابر زیارت بیت
 الله الحرامه عزیمت ایلش ایدی . بعدالحج استانبوله
 عودتنده رئیس قلمی کیسه داراغنه و بیک یوزایکی
 تار یخنده بکاجیلکه و بعده منصب ریاسته مأمور
 اولمش ایکن الماس محمد پاشا صدارتند، عزل ایدیلوب
 برمدت کوشه نشین خول و عموجه زاده حسین پاشا
 مربع نشین صدارت عظمی اولدوقده فیض الله افندی

شفاعتیله ثانیاً مسند ریاسته موصول اولدی و بیك
 یوز اونده طرف سلطنت سنه دن قارلویچه
 مصالحه سنه مرخص تعیین اولنوب انعقاد
 معاهده ده ابراز حسن خدمتله کسب اشتهار و اقتدار
 ایلدی لیکن مقدمه ده مسطور اولدیغی اوزره
 دال طبان مصطفی پاشا مقام صدارته کلد کده بر
 طرفدن فیض الله افندیك و بر طرفنده رامی
 پاشانك تحت نفوذ و اقبال لرنده زبون اولوب تحصیل
 استقلال سودا سیله فیض الله افندی یه و اولاد و اتباعنه
 تعلق و تبصص ایدرك رامی پاشایی صورت تکریم
 و اعزازده منصب ریاستدن ابعاد ایتمکی التزام
 و نهایت بارتبه وزارت قبه نشینلك سلیکنه نقل
 ایتدیرمکله استحصال مقصد و مرام ایلدی رامی
 پاشا ایسه نقاد خرده بین دار العیار دسایس
 بر ذات صاحب و ساوس اولدیغندن موجب
 تحصیل مأموریتی اولان ملاحظاتدن اگاه
 و سالك مسلك بصیرت و انباء اوله رق دال طبان

پاشانك ومنسوبات و طرفدارانك لسانلرندن فيض الله
افندي عليهنده شايع اولان كلماتي سرمايه سعادت
اتخاذ ايتمكله برابر اول هنكامده قريم تاتارلرينك
اقتضايق هوسيله ايضاع ايلدكاري فتنه نك عدم
اندفاعي دخي صدر اعظمك مساعدت مخصوصه سنه
حل ايله فيض الله افندي بي دال طبان عليهنده
اياقلنديروب و بو طريق ايله ساطان مصطفى خان
حضر تلريني اغضاب ايلوب بچاره بي عزل و قتل
ايتدirmek سبب اولدي و كال اشتياق ايله ارزو
ايلديكي جاه والاي صدارته ارتقا ايلدي رامي
پاشا ذاتاً كندوسنك بر كشيده سي اولديغندن
سأرنندن زياده هضم نفس ايله امور دولته مداخله سنه
مانع اوليه جغني فيض الله افندي قويا مأمول ايلش
ايسه ده: مشار اليك اصل مقصدي دال طباني بتورديكي
كي فيض الله افندي بي دخي زروء اقبالدن دوشوروب
اكتساب استقلال تام وامور ومصالحده دلخواهي
وجهله اداره زمام ايتك قضيه سي اولمسيه برابر

فیض الله افندی ایله اچیقدن اچیغه اوغراشقی نفسی
 ورطه بلایه اوغراشقدن بشقه بر نتیجه بی مفید
 اولیه جغنی بالتجربه تفهم ایلدیکندن زیر پرده
 خفادن میانه عساکر واهالی به ایشار تخم اغفال ایله
 برفته چیقاروب منوی ضمیرینی فعله کتورمکی
 التزام و فیض الله افندی بی اصول مدارات ایله
 اسکات و الزام ایتدی و بومسلسلک منتهاسی اولق
 اوزره ادرنه وقعه سنی احداث و اختراع ایلدی بناء
 علی ذلك اکثر ارباب دقت رومی پاشا نائل صدارت
 عظمی اولماش اولیدی اتش فتنه ظهوره کلزایدی
 مطالعه سنه ذاهب اولمشلردر مع هذا ما أخذ من
 اولان وقایع نامه زده بو ذهاب و مطالعه به تعلق ایدن
 روایات و تحقیقات حکایات اخری میانده غنچه خار
 الوده کبی قالش اولدیغندن انلرک جمع و تلیف قیله
 محاکمه حقایق مسئله به بر طریق سهولت ارئه سی
 اقتضا ایتمکین بو محله اول بحثک ایراد و ترجمه شروع
 اولندی .

شویله که رامی پاشا فیض الله افندی بی در دولتدن
 تبعید ایچون اشتعالنی ارزو ایلدیکی نأره فتنه یه اك
 زیاده جبه جی اوجاغنی مستعد کورمکله کندوسنه
 منسوب و متعلق اولان بوشناق ابراهیم اغایی جبه جی
 باشی نصب ایدرک ادرنه دن استانبوله کوندرمش
 و علما و موالدین فیض الله افندی به مخالف اولنلری
 وارکان اربعه جهور اطلاق اولنان رؤسای فتنه بی
 انك واسطه سیله طریق عصیانہ دعوت ایلش
 اولدیغندن مشارالیهك احداث اختلال غرضیله
 وقوعبولان حرکات و تشبیهاتك برنجیسی جبه جی
 باشیلغه اغای مومی الیهی تعیین ایتسی وایکنجیسی
 عصیانك ظهورنده فیض الله افندی بی ارضرومه
 نفی ایچون خط همایون تحصیلنه قناعت ایتدیرک
 بالاخره حیاً ایادی جهوره تسلیم ایلک اوزره
 ادرنده توقیف ایتدیرمی و اوچنجیسی پشمتجی
 زاده علی افندیك مشیخته مأموریتی قبول اولندقدہ
 اتباعندن چوئک اغایی محرمانه مکتوب ایلہ استانبوله

کوندروب حرکت واقعه نك حصول نتیجه سنی
تبشیر و خلق تبریک ایلمی و دردنجیسی جه-ورک
چ-ورلی به ورودنده وقت کچورمک ایچ-ون حسن
پاشانک نصایحه مأموریتنی ترویج ایتمی و بشنجیسی
عصمتک حفصه به وصولرنده اردوی همایون ایچنده
بولسان یکچیری ضابطلرینی و اختیارلرینی طرف
مخالفتنه کوندروب عسکری باشمز یراقسی
و لنجیسی معسکر همایونه تفرقه کلدکده سلطان
مصطفی خان حضرتلرینه سلطنتدن فراغلرینی
اخطار ایلمی ماده نریدر .

حرکات مشروحه مشار الیهک وقعه ده مدخل
کلیسی مؤید ایکن ارباب فتنه طرفندن ناشایی اجد
پاشانک مقام صدارته اقصادی حسب الظاهر حالات
مستغربه دن کورینور لکن جمعیت بشریه ایچنده
ترتیب معجون مفسدت ایدنلر غلبه هوا جس نفسانیه
ایله متغیر اولان طبیعتلرینه حرکت ابتدایه لرینی
دوای محض عد ایدرلر ایکن علت غایده منکشف

اولدقده حققرنده موجب نجات وسعادت اوله جغنی
 زعم ایتدکلی تدابیرک قاعدہ حکمتہ مغایرتندن
 ناشی کندولرینی دفعه ورطه هلاکه دوشوره جک
 بر طاقم مواد سمیدن مرکب اولدیغنه کسب اطلاع
 ایتدکله تخلص نفسه ساعی اولورلر ایسه ده اعمال
 ایلدکلی حب الفسادک ابتلاعیله محرورالمراج اولنلرک
 ایادی جبر واصرارلرندن قورتبله میهرق نوش پیاله
 زهر آلود ایلره رهنورد وادی عدم اولورلر ایسته
 رمی پاشانک طرف جهوردن عزلیله یرینه نشانجی
 احمد پاشانک نصی دخی اوقبیلدنلر چونکه
 استانبولدن ادرنه یه ابعاث اولنان سفیرلرک حسب
 الوقت والمصلحه تطیب وتلطیفلری اقتضا ایلر ایکن
 رامی پاشا فیض الله افندیکنک الحاح وایرامنه طیانہ میهرق
 انلری اکری دره به دفع وتغریب ایتدیرمش
 اولدیغندن رؤسای ارباب فتنه اورته جامعه بسط
 کلیم استشاره ایلہ « صدر اعظم بزم بیلدیکنز کی دکل
 ایش سفیرلرمزی حضور پادشاهی یه تقدیم

ایتمه رک نفی ایلمش ، دیو کلیاً سلب امنیت ایتمش اییدی
 رامی پاشا ایسه بو حالدن خبردار اولوب فیض الله
 افندینک اصراری اوزرینه سفیرلی نفی ایتمکله
 برابر بعض روایته کوره آلرند، کی محضری صورت
 خفیه ده اخذ و حفظ ایدرک برقاچ کون مرورند،
 سلطان مصطفایه ایصال و بروجیه مشروح فیض الله
 افندینک عزل و نفینه اراده قطعیه استیصال ایله
 جمهوره خدمت ایتم دم ظننده بولمیش و حتی بالاده ذکر
 اوندیغی اوزره پشمقچی زاده یه خفیاً مکتوب ارسالله
 اظهار منت ایلمش اییدی و الحاصل رامی پاشا ولی
 نعمتی اولان فیض الله افندی علیهند، احداث فتنه
 ایله نائل استقلال اولورم دیر ایکن نفسی تهلهکه یه
 القوا و جمهورک ادرنه یه هجومنده یازده خیول خسارت
 اوله جغنی اکلا یوب اختفا ایلدی و لباس اشتہارینی
 تهمت ایقاظ فتنه ایله لکه دار ایتمکدن بشقه برشیته
 ظفر یاب اوله مدی و انفاً پیرایه حریر تحریر اولدیغی
 اوزره سلحدار حسن پاشا همیتله قبریس ایالتنه مأمور

وبك يوز اون التي تار منخده مصر ولايتي ايله مسرور
اولوب فقط اوضاع ومعاملات معوجه سنك اوراده
دخی سوء نتیجه سی میدانہ کلہ رک بک یوزاون سکر
سند سی خلانده هجوم اہالی ایلہ حکومت مصریہ دن
مطروود اولدیغندن اموالی مصادره اولنق اوزره
ردوس جزیرہ سندہ محبوس اولدیغی خالدہ بک
یوزاون طقوز سندہ سی اواخرندہ ارتحال دار بقا
ایلدی شعر وانشادہ اعتایہ سزا آثاری و مرتب
دیوان اشعاری اولوب ہر فندن وایہ سی و ہر ہنزدن
مایہ سی اولدیغندن ماعد الفت و صحبتی لطیف رند
و ظریف بر ذات ایش بو غزل مشار الیہ کفتار
بلاغت نثارندندر .

* غزل *

خیال امل نایک جام چشم ترده قالمشدر
نخار بزم نوشانوش و صلاک سرده قالمشدر

دکلدر بنده دل سر کرمی فکر نگاهکله
 او پرست محبتدر دوشوب برید، قالمشدر
 مکدر در سراسر مشرب اجزای عالم هب
 صفای خاطر انبجق بادده، ساغرده قالمشدر
 بوسری کشفه بر مشککشای جود کلزمی
 کرم بر لفظ بی معنی کبی دلرده قالمشدر
 مجوهر تاج دولت کیمسده سودا تمزای رامی
 نیچه شاه جهانک چشمی اول افسرده قالمشدر
 مقاله سابعده ذکر اولندیغی وجهله جهور فته
 نزدنده کسب امتیاز ایدنلرک بری دخی صاری حسن
 پاشادر که ارباب اختلالک ادر نهیه توجهلرنده
 استانبول قائم مقاملغنه قاعد اولشیدی عودت
 اخمد خانیده حسب الاقتضا دفتر دارلق منصبله
 کامیاب اوله رق برقاج ماه صکره روم ایلی والیکله
 در دولتن ابعاد اولندی مشارالیه کر کوکی
 الاصل اکراد نابسداددن اولسوب اوائل حائنده
 استانبوله هجرتله عموجه زاده حسین پاشانک

دائرة سنه انتساب ايتش واواسط صدارتننده
 كنه خدالغى خدمته نائل اولمش ايسه ده زمان
 قيلمده بعض حرکات نابجايه اجتسارى واصل سمع
 سلطان مصطفى خانى اولغله استانبولدن طرد
 وتبعيدى حسين پاشايه امر اولمش ايكن مشار اليه
 « كشي ياقديغى چراغ اوستنه پروانه كرك » قاعده
 كريمانه سنه رعاية صاحب ترجمه يي بارتبه وزارت
 شهرزور واليسى نصب ايتديره رك مع التلطيف
 در سعادتن اخراج اقدم ايلدى ليكن لوحه
 ضمير پادشاهيده حسن پاشانك ازاله وجودى
 مسئله سى كاكان منقوش ومقيد اولديغندن عموجه
 زاده نك صدارتدن عزلى ايله برابر مشار اليهك اعدامى
 حقنده قپوجى باشلردن قره بيرام اغا مباشرتيله امر على
 صادر اولمش ايدى حسن پاشا بغداده متوجه ا
 كركوكه واروب ضرب خيام آرام وبيم جان ايله
 قواعد حزم واحتياطى التزام ايتش اولديغى
 صروده قره بيرام اغا سحاب مظلم كبي ظاهر وكيفيت

مأموریتی ناصیه حاندن باهر اولغله حسن پاشا بلا
 افاتده وقت قره بیرامک سواد وجودینی ساحه عالمدن
 ازاله و آب حیاتی چشمه بدنندن اساله برله کندوسنک
 قتلی ایچون صادر اولان فرمان قضا جریانک حکمنی
 مباشر اغا حقنده اجرایه مسارعت ایتدی و برفعوای
 « الفرار فی وقته ظفر » سمت سلامته شد خرام عزم
 ایله سبکبارجه استانبوله دخول وجانباز امیرک
 خانه سنه نزول ایلدی برقاچ آی اختفادن صکره
 کرمی فتنه بی مشاهده ایلد کده جهوره تابع و بروجه
 مشروح انشای وقعه ده قائمه تماملغه مأموریتی واقع
 اولوب مؤخرأ روم ایلی والیلکبله در دولتدن دفع
 اولندی لیکن مومی ایله قره بیرام اغا چورلیلی
 علی پاشانک ولی نعمتی اولدیغندن انی اولصورتله
 قتل ایتمسندن ناشی حسن پاشا حقنده اجرای
 قصاصه علی پاشا فرصت بین اولغله بیک یوزاون
 سکر تار یخنده نائل مسند صدارت عظمی اولد قدده
 حسن پاشانک صوفیه سنجاغی اهلایسنه اطاله

دست نعدی ایتمنی سبب عد ایدرك ترتيب جزاسنه
 قیام و در سعادتہ جلبي حقندہ تحصیل ارادہ بہ اقدام
 ایتمکله برابر چونکہ حسن پاشانک کند و سندن
 برو جہلہ امین اولم دیغنی بیلدیکندن دعوت واقعہ
 سرعت اجابتی موجب اولق ایچون بعض طرفدن
 مصنع مکتوبلر ارساللہ حسن پاشابی امنیہ صدارتہ
 دوشورہ رک استانبولہ جلب ایلدی و مقربان دائرہ
 ہمایون جانبندن امنیہ مجوئہ بی مؤبد تذکرہ لر
 تحریر و تسبیر ایتمکله مشار الہی بر موقع مشکله
 کتوردی و دیگر طرفدن کند و سنک مصر
 والیلکنہ مأموریتی قرارلشدیردی بر قاج کون
 صکرہ حسن پاشا حضور ہمایونہ جلب ایلہ مصرہ
 مأموریتی تبلیغ بیورلدقدہ اسباب ضعیفہ مشروحہ بہ
 مبنی درونندہ جایکبر اولان سودای صدارت کند و سنہ
 باعث جرأت و جسارت اولہ رق « بنی نظام دولتہ سعی
 ایدہ جک ایشلردہ استخدا م بیورکز و قرب ہمایونکز دن
 آرمیکز » مالندہ سوززلہ مصر والیلکنی قبولدن

قطعیاً استنکاف ایتمکله سلطان احمد خان حضرت تریبی
اغضاب و صدر اعظم دخی لزوم ازاله وجودینی
مؤید مقالات عرضه شتاب ایلمدیکندن بالقخانه
پیشگاهندن بوستانجی باشی صندالیله فنار بچمه سنه
کوندر یلوب اعدام قلمشدر .

مؤرخ راشد افندی بومادی چورلی علی پاشایه
اسناد غرضکاری ایتمک ایچون نقل و روایت ایلمش
اولوب حالوکه حسن پاشا قره بیرام اغابی قتل ایتمکدن
طولایی شرعاً مستحق قصاص اولمش و ذاتاً جمهور
فته نک اقویای رؤسای بد پیماسندن بولنش اولمسیله
کندوسنک ازاله وجود بی سودی اول عصر وزمانده
بلا موجب وقوع بولان قتلر قیبلندن دکلدیر « العلم
عندالله العزیز المتعال »

— منظومه شارح فقیر —

حمد اوله حضرت الله که یو شرح سلیمس
اولدی بر وفق امل واصل سرحد ختام

متنی اخبار و وقوعات ایله تطبیق ایدرک

حل اولندی نیچه الفاظ و رموز و ایهام

نه قدر وار ایسه الغاز ایله مخفی معنا

ایلم نکته شناسان زمانه اعلام

یادکارم اوله ارباب کماله بواثر

اعتبار ایتسه سزادر سخن آرای بنام

او قونوب مجمع کتابده بو مجموعه

دست رغبتده مرتب طوره تاروز قیام

مظهر عفو اوله کرسه و خطاسی واریسه

خیر ایله یاد ایده لر نامم اودای کرام


شاد اولوب جنت اعلا ده شفیق روحی

سفره مغفرتندن کوره حقک انعام

سن دخی ایله رجا فیض الهی جلال
که اودر آدمه دارینده اقصای مرام

بیک ایکی یوز طقسان سنه سی شهر ربیع الاولنده
طبع اولمشدر

م





3 1761 07130474 5

DR⁵⁴¹

M4M3

1872